

ओं नमः परमात्मने, श्री महागणपतये नमः,

श्री गुरुभ्यो नमः

हरिः ओं ॥

कृष्ण यजुर्वेदीय तैत्तिरीय संहिता

प्रथमं काण्डं

Table of Contents

1 कृष्ण यजुर्वेदीय तैत्तिरीय संहितायां प्रथमं काण्डं.....	19
1.1 प्रथमकाण्डे प्रथमः प्रश्नः दर्शपूर्णमासौ.....	19
1.2 प्रथमकाण्डे द्वितीयः प्रश्नः अग्निष्टोमे क्रयः	35
1.3 प्रथमकाण्डे तृतीयः प्रश्नः अग्निष्टोमे पशुः.....	52
1.4 प्रथमकाण्डे चतुर्थः प्रश्नः सुत्यादिने कर्तव्या ग्रहाः	68
1.4.1 Annexure for 1.4	92
1.5 प्रथमकाण्डे पञ्चमः प्रश्नः पुनराधानं.....	93
1.5.1 Annexure for 1.5	119
1.6 प्रथमकाण्डे षष्ठः प्रश्नः याजमानकाण्डं.....	120
1.7 प्रथमकाण्डे सप्तमः प्रश्नः याजमान-ब्राह्मणं.....	146
1.8 प्रथमकाण्डे अष्टमः प्रश्नः राजसूयः.....	171

Introduction and Notes

This Taittireeya Samhita book is being compiled for the benefit of Veda Students for learning, with no commercial purpose. There will be seven volumes, one book/volume for each Kandam (Major Section). This book is being published in Sanskrit, Tamil and Malayalam languages.

These books are strictly for learning under the guidance of a qualified Vedic Guru and not meant for self-learning.

We thank our guides, **Shri Ganapathy Sharma and Shri Subramania Sharma**, with our namaskarams, who inspired us to compile this book.

We would also like to thank some well wishers who have provided the Transliterationcoding for this compilation.

Sources of reference:

We have referred the following four books extensively for the compilation:

1. Taittireeya Samhita printed by Mysore Branch Press in 1894. This has the complete Krishna Yayur Veda Taittireeya Samhita work of great Scholar Shri Bhatta Bhaskara Misra.
2. Taittireeya Samhita printed by Anandashram Press in 1862 containing the work of great Scholar Shri Sayanacharya.
3. Taittireeya Samhita printed by Swadyaya Mandal containing the work of great Vedic Scholar (Padma Bhushan) Shri Damodar Satwalekar. (Fourth Edition - year 1983)

-
4. Taittireeya Samhita printed by Narasimha Priya Trust, Chennai containing the compilation done by great Vedic Scholars Shri Krishnamurthi Sastri and Shri Ganeshwar Dravid. (Second Edition - year 2008)

There are very minor differences when we compared these books. The level of details, representation of letters, marking of avagraham and the way padams of the words are joined or split varies as they have been compiled at different period of times and also for different sets of target audience/learners.

Kindly refer to our notes/explanations given below.

Details of Taittireeya Samhita:

The Taittireeya Samhita has Seven Kandams (Major Sections), 44 Prasnas (Subjects), 651 Anuvakams (Chapters within a Subject) and a total of 2198 Panchatis. The total Padams are 109287.

The details are given in a table below:

	Prasna	Anuvakam	Panchati	Padams
Kandam 1	8	146	342	16572
Kandam 2	6	75	384	19273
Kandam 3	5	55	206	10622
Kandam 4	7	82	279	14095
Kandam 5	7	120	403	19404
Kandam 6	6	66	333	16981
Kandam 7	5	107	251	12340
Total	44	651	2198	109287

Conventions/Symbols used in this book:

We have used normal conventions for gm, gg, avagraham, Anunaasikam as in other books that have been released.

Panchatis: A Panchati (“Pancha Shati”, which means a stanza consists of normally 50 padams, which may vary some times based on the combination of the padams by the composer Rishi) , representing a set of Mantras. A Panchati in Samhita need not end with a Ruk-Stop symbol (|). (Vedic full-stop).

The last Padam in a Panchati may be taken together with the first Padam of the following Panchati as per the Vedic Chanting rules/conventions. Panchati end is significant for the purpose of count of the Padams in a Panchati. Each Panchati is given a number, at the beginning, with reference to its Kandam, Prasna, Anuvakam and Panchati as generally represented in four-level numbering in these books.

The end of the Panchati is marked with the symbol ‘ [] ’ (square bracket) when it is rendered along with the next Panchati together. Additional ‘—’ hyphen is also added to indicate that the Padam is split for continuous rendering.

When a Panchati ends in a Ruk, the normal separator (Ruk-Stop) symbol ‘ | ’ is used. An Anuvaham will always end with a Ruk. Under each of the Prasna (Subject), the Panchati numbers are serially marked at end.

Note: The books containing the works of Bhatta Bhaskaracharya and Sayanacharya end the Panchati with the Padam.

Example: 1.1.7.1 end of the Panchati -10 is चक्षुः ।

This is followed by the first padam of Panchati 11, as दृ॒ह.

Since we need to render it together, in this book, it is represented as

चक्षुः – [] at the end of Panchati 10 and the Panchati 11 will start as दृ॒ह.

The visargam of cakshu: becomes 'r'. This 'r' may be retained with cakshu, in Tamil and Malayalam based on the convention used in the languages.

Korvai(Chain) Statement as formula:

Our Rishis, Saints and Scholars have defined methods by which the Veda Mantras are not altered. Then they have created check points/control systems in place so that the student memorises the Veda correctly/accurately. The System is different in its practical implementation in the four Vedas as per Scholars. In (Krishna Yajur Veda) Taittireeya Samhita, there is a korvai (chain) at the end of each Chapter(Anuvakam). This is represented in brackets in bold letters with the reference number of respective Anuvakam in that Prasna as (A1) (A2) etc. in this book. The Korvai statement helps the students with the count of the Padams in an Anuvakam and how to keep control totals of the total Padams in the Panchatis and Anuvakam.

Korvai for Anuvakam:

How Korvai provides relations of Padams in a Panchati for an Anuvakam:

1. If an Anuvakam has only one and one Panchati, the number of Padams may be less than 50 but not more than 75. The count is indicated in the Korvai below the Anuvakam.

a) **Example of Single Panchati Anuvakam with less than 50 Padams:**

1.1.1.1- (इ॒षे-त्रि॑च॒त्वारि॑ञ्शत्) (A1)

The Korvai indicates that starting with the first Padam “इ॒षे” there are 43 Padams in that single Panchati Anuvakam.

b) **Example of Single Panchati Anuvakam with more than 50 Padams:**

Example: Take 1.1.3.1, the korvai is (सो॒मे॒न॑-ना॒ष्टौ च॑) (A3)

This is a key that indicates that there are eight padams after the word and सो॒मे॒न॑ ; is the 50th Padam (key word). Words in mantra form that come

after the key word सो॒मे॒न॑ are () त्वा ऽ॒स्त॒न॒च्मी॒न्द्राय॑ द॒धि॒वि॒ष्णो॑ ह॒व्य॑

र॒क्ष॒स्व । The padam for the above part, as per Pada Paatam is

त्वा । आ (एति) । तन॒चि॒म् । इन्द्रा॒य ।

दधि । विष्णो॑ (इति) । हव्य॑म् । रक्ष॑स्व । (eight in number)

Note: when ‘आ’ is represented distinctly as a Padam, the Pada Paatam gives it

as एति which is derived out of आ+इति.

Korvai hints that there should be eight padams, as per pada paatam, after सो॒मे॒न॒. Please note the wording is सो॒मे॒-ना॒ष्टौ च॒ (as in korvai) is

सो॒मे॒न॒ + अ॒ष्टौ च॒, in which न + अ becomes ‘ना’ as per vowel Sandhi.

This clearly indicates that there are **58 Padams** in that Anuvakam.

2. If the Anuvham has more than two Panchatis, the first and succeeding Panchatis will be of the Padam count of 50 only. The Last Panchati may have less than 50 Padams but generally not more than 75.
3. If the last Panchati of the Anuvakam has more than 50 Padams, the 50th Padam will be indicated separately, in our book it is represented as () and number of Panchatis after 50 Padams will be indicated in the count with reference to the 50th Padam indicated in the Korvai.

Take the Example of 1.1.9 :

This has three Panchatis, first and second has 50 Padams each and the third Panchati has 61.

(देवयजन्यै व्रजं – तमतो मा – विरप्शिन् – नैकादश च) (A9)

The Korvai gives the 50th Padam control of Panchati 1,2 and 3 of the Anuvakam.

It Indicates the after विरप्शिन्, 50th Padam of the third Panchati, there are 11 more Padams indicating there are 50+11 = 61 Padams in the third Panchati.

4. If the last Panchati of the Anuvakam has less than 50 Padams, the count is indicated at the end.

Take the Example of 1.1.2

(सहस्रवल्शा-अष्टात्रिंशच्च) (A2)

This Anuvakam has two Panchatis, first one 50 Padams and the second one 38. The Korvai below clearly gives that there are 38 Padams after the 50th Padam (end of first Panchati) giving a control of 88 Padams in that Anuvakam.

5. If the last Panchati of the Anuvakam has exactly 50 Padams, the 50th Padam is given as reference in the Korvai at the end of the Anuvakam and there will be no count of numbers mentioned.

2.1.8.5 - (असौ – शृणाति – मिथुनानां – नयति – यच्छति) (A8)

The first four words represent the 50th Padam of the first four Panchatis as control reference. The last Panchati of the Anuvakam has exactly 50 Padams ending with “यच्छति”. Therefore no count is given but the reference to the 50th

Padam as “यच्छति” is indicated.

The Check is complete now! The Students in ancient times were compulsorily taught the Pada Paatam. Nowadays it may be restricted to Veda Paatashalas only. The Korvais have their own swarams and the Korvais were memorised by the students. The Korvais will be different for every Anuvakam with reference to different key words and the counts. The Korvai for two or more Anuvakams may be combined. A student can check his own learning in this system.

We have marked () bracket after the key word given in the Korvai, when that word occurs in the middle of the Panchati.

Anuvaka-Korvai for Prasna:

At the end of a Prasna, a Korvai is given with the first padam/word of all the Anuvakams and also indicate how many Anuvakams are there.

e.g. Anuvaka-Korvai for Prasna 1 of Kandam 1, represented as 1.1, is

इ॒षे त्वा॑ – य॒ज्ञस्य॑ – शु॒न्धध्वं॑ – क॒र्मणे॑ वां – दे॒वो –
ऽव॑धू॒तं – धु॒ष्टिः – सं व॑पा – म्या द॑दे – प्र॒त्युष्टं॑ – कृ॒ष्णोऽसि॑ –
भु॒वनम॑सि – वा॒जस्यो॑ – भा वां – च॒तुर्द॑श ।

The Korvai at the end indicates that there are 14 Anuvahams. (highlighted)

A different type of Korvai is given in short, indicating the first and last

Padam of the Prasna, e.g for 1.1 is इ॒षे त्वा॑ – क॒ल्पया॑ति ।

Special Korvai Type 1:

This korvai gives the first padam of the 1st, 11th, 21st Panchatis of a Prasna

(in increments of ten panchatis). This is not indicated or printed in all books.

Example for 1.1 is इ॒षे – दृ॒ह – भु॒व॒न – म॒ष्टा॒वि॒ंश॑तिः ।

The count number of AshtAvigmsati indicates that there are total 28

Panchatis in that Prasna.

Special Korvai Type 2:

Our Rishis/composers have given an additional method of Korvai so that the Students can keep control, memorise a set of Panchatis or Anuvakams or a Prasna. This will have the first padam and last Padam of the Anuvaham/Ruk/Chandas in that Panchati/Anuvaham depending on the coverage of this type of Special Korvai. This Korvai is used mainly when the mantra has repetitive similar statements, similar statements which may per se make it difficult to memorise.

We are giving below an example, with the known Mantra, which will make student understand the concept of this Type of Special Korvai.

The Mantra termed **Mrugaram** appears in Section 1.20 of Udaka Shanti starting with “Agner Manve” and ending with “prataraana AyuH”.

This Mantra is from Taittiriya Samhita – Kandam 4 – Prasna 7. Panchatis 4.7.15.1 to 4.7.15.7.

There are Ruks/ statements ending with “**Munjatvam(gm)hasaH**, **MunjatamaagasaH** , **MunchantvenasaH** and **Munchatama(gm)hasaH**.

We would have definitely had our own difficulties to memorise this !.

This Prasna has a normal Anuvaka Korvai. But a Special Korvai as explained above, follows at the end of Anuvakam for control. It is reproduced below:

Special Korvai for Anuvaakam A-15

(अ॒ग्ने॒र्मन्वे॑ – य॒स्येद॑ – मि॒न्द्रस्य॑ – यः सं॑ ग्रा॒ममि॒न्द्र॒ꣳ – स नो॑ मु॒ञ्च॒त्वꣳ
ह॒सः॑ । मन्वे॑ वा॒न्ता नो॑ मु॒ञ्च॒तमा॑ग॒सः॑ ।
यो वां॑ – वा॒यो – रु॒प – रथी॑त॒मौ – यद॑या॒त – म॒श्विनौ॑ – तौ नो॑
मु॒ञ्च॒तमा॑ग॒सः॑ । म॒रुता॑न् – ति॒ग्मं – म॒रुतो॑ – दे॒वानां॑ – य॒दिदं॑ वि॒श्वान्
– ते नो॑ मु॒ञ्च॒न्त्वे॑न॒सः॑ । अ॒नु न – उ॒र्वी – द्या॑वापृ॒थिवी॑ – ते नो॑
मु॒ञ्च॒तम॑ꣳह॒सो य॒त्तै । च॒तुरꣳ ह॒सः॑ षा॒डाग॑सश्च॒तुरे॑न॒सो द्वि॑रꣳह॒सः॑ ।

The Korvai gives the first part of the Ruk/Chandas that end with

मु॒ञ्च॒त्वꣳ ह॒सः॑, मु॒ञ्च॒तमा॑ग॒सः॑, मु॒ञ्च॒न्त्वे॑न॒सः॑ and

मुञ्चतम॑हसः.

Please refer to Mrugara Mantra in Udaka Shanti. At the end it gives

a control that मुञ्चत्व॑हसः appears **four** times,

मुञ्चतमा॑गसः **six** times, मुञ्चन्त्वे॑नसः **four** times and

मुञ्चतम॑हसः **two** times. (marked in yellow).

If a Student understands this Korvai it becomes easy for his learning and also gets a control of “how to memorise”. This type of Korvai may apply differently at different situations based on the complexity and the subject matter contained in that Anuvakam/Prasnam.

Kanda Korvai :

This Korvai gives first padam of all Prasnam in that Kandam. For Example, in First Kandam there are Eight Prasnam. The Korvai is starting padam of all the eight Prasnam is as follows:-

(इ॒ष-आ॒पो-दे॒वस्या-ऽऽ ददे॑-दे॒वासु॒राः-सं त्वा॑-पा॒कय॒ज्ञ-म॒नुम॒त्यै ।)

Please observe from the above korvai that each word represents first padam of each prasnam till all the 8 Prasnam. This Korvai comes only after the End of the Kandam.

The various types of korvai mantras are given in a box at the end of the Prasna/Kandam clearly indicating what type of korvai it is.

Representation of Avagraham(ऽ) in the Book:

We find that the Avagraham symbol has been used with different meaning/indications in our source books of reference. This may not match strictly with the grammar rules that one studies; but the authors try to indicate that there is a Padam with अट् by marking ऽऽ, sometimes there is no perceived need for double avagraham since the previous letter is extended to a Dheerga letter or a single avagraham would suffice.

The observations are:

1. Bhatta Bhaskaracharya's book uses less avagrahams. When there is a Padam , अट्, a marking ऽऽ is being made.
2. Book containing works of Sayanacharya and Satwalekar use similar styles of marking Avagraham though there are minor differences in the approach to indicate the **constituent sound**.
3. Book by Narasimha Priya Trust uses extra avagraham in some places selectively to indicate the the existence of letter 'अ' with extra marking of avagraha symbol ऽ.

We have marked the Avagraham as per the convention in the books containing the work of Sayanacharya and Satwalekar.

We have checked the Pada Padam for places where the extra avagraham indicates the existence of ‘अ’ or ‘आ’ and marked with an* (asterisk mark).

The Student must refer to the Guru for the right extensions

or extra rendering of Avagraha as per their Vedic School or branch. Our guides have specifically requested us to mark this difference in the books through an * symbol.

Expansion of Mantras given in Short form:

In certain places of the Samhita, a full mantra is indicated in a short form, which is normally its first padam. This short form needs to be expanded and rendered while reciting Samhita as per some Schools of Krishna Yajur Veda. This is similar to the short forms that we have seen in Udaka Shanti.

We have indicated the short form with a symbol ‘>’ with a number in a raised font. At the end of Prasna, we have given a separate Annexure where we have provided the Samhita reference of the short form where it appears as such and its expanded form with reference of the expanded mantra with Source reference in Taittiriya Samhita.

Example:

In **1.4.46.3** the short mantra form appears as “उदग्ने शुचयस्तव >¹”

The expanded form of that mantra is

“उ॒द॒ग्ने॑ शु॒च॒य॒स्त॒व॑ शु॒क्रा॑ भ्राजन्त ईरते । त॒व॒ ज्योती॑ ऽ॒र्ष्य॒र्च॒यः॑” ।

And this appears in the expanded form in (TS 1-3-14-8)

Second example is given for further understanding.

1.4.46.3 -वि ज्योतिषा >2

वि॒ज्यो॑ति॒षा बृ॒ह॒ता भा॒त्य॒ग्नि॒रा॒वि-वि॒श्वा॑नि कृ॒णु॑तेम॒हि॒त्वा ।
प्रा॒दे॒वी-मा॒याः स॒ह॒ते-दु॒रे॒वाः शि॒शी॑ते शृ॒ङ्गे र॒क्ष॑से वि॒नि॒क्षे॑ ।
(TS 1-2-14-7)

These are given in the Annexure at the end of 1.4 that is Fourth Prasna of first Kandam. Please note that if any expansion is there, that expansion is given at the end of that Prasnam as Annexure.

Additional Information:

1. The Book by Shri Satwalekar provides details of the Rishi , Chandas, Devata for the Taittireeya Samhita which is rarely found in other books. This book indicates the 50th Padam of Panchatis used in Korvai which is not found in other books.
2. The Books containing the works of Shri Bhatta Bhakaracharya and Shri Sayanacharya give the Pada Paatam at the end of each Panchati or sometime the Prasna.
3. The Book compiled by Narasimha Priya Trust, Chennai provides the detailed count of Padams, Panchatis, Anuvakams and Prasnam at the end

of each Kandam. This book provides easy rendering for students who want to learn the Samhita. This book marks Dheerga Swaritam distinctly as other books follow Vedic traditional convention of marking Swaritam.

Prarthanaa Mantras:

1. यो वेदादौ स्वरः प्रोक्तो वेदान्ते च प्रतिष्ठितः ।
तस्य प्रकृतिलीनस्य यः परः स महेश्वरः ।
2. ऋत॑ सत्यं परं ब्रह्म॑ पुरुषं कृष्णपिङ्गलं ।
ऊर्ध्वरेत॑विरूपाक्षं विश्वरूपाय वै नमो नमः । (ओं नमः परमात्मने)
3. गणानां॑ त्वा गणपति॑ हवामहे कविं कवीनामुपमश्रवस्तमं ।
ज्येष्ठराजं॑ ब्रह्मणां ब्रह्मणस्पत॑ आनश्शृण्वन्नूतिभिः सीदसादनं ।
(श्री महागणपतये नमः)
4. तत्पुरुषाय॑ विद्महे महासेनाय॑ धीमहि । तन्नः॑ षण्मुखः प्रचोदयात् । (कुमारगुरवे नमः)
5. प्रणो देवी सरस्वति॑ वाजेभिर्वाजिनीवति । धीनाम॑ वित्र्यवतु । (महासरस्वत्यै नमः)
6. सदाशिव॑ समारम्भां शंकराचार्य॑ मध्यमां । अस्मदाचार्य॑ पर्यन्तां वन्दे गुरु परंभरां ।
(श्री गुरुभ्यो नमः)
7. व्यासं वसिष्ठ॑ नप्तारं शक्तेः पौत्रमकल्मषं । पराशरात्मजं॑ वन्दे शुक तातं तपोनिधिं ।
व्यासाय॑ विष्णुरूपाय व्यासरूपाय विष्णवे । नमो वै ब्रह्मनिधये वासिष्ठाय॑ नमो नमः ।
(श्री वेदव्यासाय नमः)

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

1 कृष्ण यजुर्वेदीय तैत्तिरीय संहितायां प्रथमंकाण्डं

1.1 प्रथमकाण्डे प्रथमः प्रश्नः दर्शपूर्णमासौ

1.1.1.1

इ॒षे त्वो॒र्जे त्वा॑ वा॒यवः॑ स्थो॒पायवः॑ स्थ दे॒वो वः॑ सवि॒ता प्रा॑र्पयतु
श्रे॒ष्ठत॑माय॒ कर्म॑ण॒ आ प्या॑यध्वम॒घ्निया॑ दे॒वभा॑गमूर्ज॒स्वतीः॑ पय॒स्वतीः॑
प्र॒जाव॑तीरनमी॒वा अ॑यक्ष्मा मा वः स्तेन॑ ई॒शत॑ माऽघ॒ऽसो रु॒द्रस्य॑ हे॒तिः
परि॑ वो वृ॒णक्तु॑ ध्रु॒वा अ॒स्मिन् गो॑पतौ स्यात ब॒ह्वी र्य॑जमानस्य
प॒शून् पा॑हि । 1 (इ॒षे-त्रि॑चत्वारि॒ंशत्) (A1)

1.1.2.1

य॒ज्ञस्य॑ घो॒षद॑सि प्रत्युष्ट॒ऽरक्षः॑ प्रत्युष्टा अ॒रातयः॑ प्रे॒यम॑गाद्धिषणा
ब॒र्हि॒रच्छ॑ मनु॒ना कृ॒ता स्व॒धया॑ वि॒त॒ष्टा त आ॑ वह॒न्ति क॒वयः॑ पु॒रस्ता॑द्

दे॒वे॒भ्यो जु॒ष्टमि॒ह ब॒र्हि॒रा॒सदे॑ दे॒वानां॑ परि॒षू॒तम॑सि व॒र्षवृ॑द्धम॒सि
दे॒वब॒र्हिर्मा॑ त्वाऽन्व॒ङ् मा ति॒र्यक् प॑र्व ते रा॒ध्या॒समा॒च्छे॒त्ता ते मा रि॑षं
दे॒वब॒र्हिः श॒तव॒ल्शं वि॑ रो॒ह स॒हस्र॑व॒ल्शा – [] 2

1.1.2.2

वि वय॑ रु॒हेम॑ पृ॒थिव्याः संपृ॑चः पा॒हि सु॒संभृ॑ता त्वा
संभ॒राम्य॑दि॒त्यै रा॒स्नाऽसी॑न्द्रा॒ण्यै स॒न्नह॑नं पू॒षा ते ग्र॒न्थिं ग्र॑थ्नातु
स ते माऽऽ॒स्था-दि॑न्द्रस्य त्वा बा॒हुभ्या॑मु॒द्यच्छे॑ बृ॒हस्प॑ते
मू॒र्ध्ना ह॑रा-म्यु॒र्वन्त॑रि॒क्षम॑न्वि॒हि दे॒वं ग॒मम॑सि । 3

(स॒हस्र॑व॒ल्शा-अ॒ष्टात्रि॑ंश॒च्च) (A2)

1.1.3.1

शु॒न्धध्वं॑ दै॒व्याय॑ क॒र्मणे॑ दे॒वय॑ज्यायै मा॒तरि॑श्चनो घ॒र्मोऽसि॑
द्यौ॒रसि॑ पृ॒थिव्य॑सि वि॒श्वधा॑या अ॒सि पर॑मे॒ण धा॒म्ना दृ॒हस्व॑ मा
ह्वा॒र्वसू॑नां प॒वित्र॑म॒सि श॒तधा॑रं व॒सूनां॑ प॒वित्र॑म॒सि स॒हस्र॑धा॒रं
हु॒तः स्तो॑को हु॒तो द्र॒प्सो ऽग्नये॑ बृ॒हते॑ ना॒काय॑ स्वा॒हा
द्या॒वा-पृ॑थि॒वीभ्या॑ सा॒विश्वा॑युःसा वि॒श्वव्य॑चाः सा वि॒श्वक॑र्मा सं

पृ॒च्यध्व॑-मृ॒तावरी॑-रू॒र्मिणी॑-र्म॒धुम॑त्तमा म॒न्द्रा ध॑नस्य सा॒तये॑ सो॒मेन॑
() त्वा ऽऽत॑न॒च्मीन्द्रा॑य दधि॒विष्णो॑ ह॒व्यं र॑क्षस्व । 4
(सो॒मे-ना॑ष्टौ च) (A3)

1.1.4.1

क॒र्मणे॑ वां दे॒वेभ्यः॑ श॒क्यं वै॑षाय त्वा प्र॒त्युष्टं॑ र॒क्षः प्र॒त्युष्टा॑ अ॒रातयो॑
धूर॑सि धूर्व॑ धूर्व॒न्तं धूर्व॑ तं यो॑ऽस्मान् धूर्व॑ति तं धूर्व॑यं वयं॑ धूर्वा॑मस्त्वं
दे॒वाना॑मसि स॒स्नित॑मं प॒प्रित॑मं जु॒ष्टत॑मं व॒हित॑मं दे॒वहू॑तम-म॒हुत॑मसि
ह॒विर्धा॑नं दृ॒हस्व॑ मा ह्वा॒र्मि॒त्रस्य॑ त्वा चक्षु॑षा प्रेक्षे॑ मा भे॒र्मा सं वि॑क्था
मा त्वा - [] 5

1.1.4.2

हि॒सिष॑मु॒रु वा॑ताय दे॒वस्य॑ त्वा स॒वितुः॑ प्र॒सवै॑ऽश्वि॒नो ब॑र्हु॒भ्यां पू॑ष्णो
ह॒स्ताभ्या॑-म॒ग्नये॑ जु॒ष्टं निर्व॑पा॒म्यग्नी॑षोमा॒भ्या-मि॒दं दे॒वाना॑मि॒दमु॑ नः
सह॑ स्फा॒त्यै त्वा॑ ना॒रात्यै॑ सु॒वर॑भि वि ख्ये॑षं वै॒श्वान॑रं ज्योति॑ दृ॒हन्ता॑
दु॒र्या द्या॑वापृ॒थिव्यो॑-रु॒र्वन्त॑रि॒क्ष म॑न्वि-ह्यदि॒त्यास्त्वो॑प॒स्थे सा॑दया॒मग्ने॑
ह॒व्यं र॑क्षस्व । 6 (मा त्वा-षट्च॑त्वारि॒ंशच्च॑) (A4)

1.1.5.1

दे॒वो वः॑ स॒वि॒तो॒त् पु॒ना॒त्त्वच्छि॑द्रेण प॒वि॒त्रेण॑ व॒सोः॑ सू॒र्य॑स्य र॒श्मि॑भि॒रापो॑
 दे॒वीर॑ग्रेपु॒वो अ॒ग्रेगु॑वोऽग्र इ॒मं य॑ज्ञं न॒यता॑ग्रे य॒ज्ञप॑तिं ध॒त्तयु॑ष्मानिन्द्रो
 ऽवृ॑णीत वृ॒त्रतू॑र्ये यू॒यमि॑न्द्रमवृणीध्वं वृ॒त्रतू॑र्येप्रो॒क्षिताः॑ स्था॒ग्नये॑ वो जुष्टं
 प्रो॒क्षा॑म्य॒ग्नीषो॑माभ्यां शु॒न्धध्वं॑ दै॒व्याय॑ कर्मणे दे॒वय॑ज्याया अव॒धूतं॑
 रक्षो॑ऽवधू॒ता अ॒रा॒तयो॑ऽदि॒त्यास्त्व॑ग॒सि प्र॑ति त्वा – [] 7

1.1.5.2

पृ॒थि॒वी वै॑त्त्वधिष॒वण॑म॒सि वा॒नस्प॑त्यं प्र॒ति त्वा॑
 ऽदि॒त्यास्त्व॑ग्वै॒त्त्वग्ने॑स्तनू॒रसि॑ वा॒चो वि॑स॒र्जनं॑ दे॒ववी॑तये त्वा
 गृ॒ह्णाम्य॑द्रि॒रसि॑ वा॒नस्प॑त्यः स इ॒दं दे॒वेभ्यो॑ ह॒व्यं सु॑शमि श॒मिष्वे॑षमा
 वदो॑र्ज॒मा वद॑ द्यु॒मद्व॑दत व॒यं स॒ङ्घा॑तं जै॒ष्म वर्॑षवृद्धम॒सि प्र॑ति त्वा
 वर्॑षवृद्धं वै॒त्तु परा॑पू॒तं रक्षः॑ परा॒पू॒ता अ॒रा॒तयो॑ रक्ष॒सां भा॒गो () ऽसि॑
 वा॒युर्वो॑ वि वि॒नक्तु॑ दे॒वो वः॑ स॒वि॒ता हि॒रण्य॑पाणिः प्र॒ति गृ॑ह्णातु । 8

(त्वा – भा॒ग – ए॒का॒द॒श च) (A5)

1.1.6.1

अव॑धू॒तꣳ रक्षो॑ऽवधू॒ता अ॒रा॒तयो॑ऽदि॒त्यास्त्व॑ग॒सि प्र॒ति त्वा पृ॒थि॒वी वे॑त्तु
 दि॒वः स्क्भ॑निर॒सि प्र॒ति त्वाऽदि॒त्यास्त्व॑ग्वे॒त्तु धि॒षणा॑ऽसि प॒र्व॒त्या प्र॒ति त्वा
 दि॒वः स्क्भ॑निर्वे॒त्तु धि॒षणा॑ऽसि पा॒र्व॒तेयी॑ प्र॒ति त्वा प॒र्व॒ति वे॑त्तु
 दे॒वस्य॑ त्वा स॒वि॒तुः प्र॒स॒वे-ऽश्वि॑नो-र्बा॒हुभ्यां॑ पू॒ष्णोह॑स्ताभ्याम॒धि व॑पामि
 धान्य॑म॒सि धि॒नुहि॑ दे॒वान् प्रा॒णाय॑ त्वाऽ () पा॒नाय॑ त्वा व्या॒नाय॑ त्वा
 दी॒र्घा॒म॒नु प्र॑सि॒ति॒मा॒युषे॑ धां दे॒वो वः॑ स॒वि॒ता हि॑र॒ण्यपा॑णिः
 प्र॒ति गृ॑ह्णातु । 9 (प्रा॒णाय॑ – त्वा – पञ्च॑द॒श च) (A6)

1.1.7.1

धृ॒ष्टि॒र॒सि ब्र॑ह्म॒ यच्छा॑पा॒ग्ने ऽग्नि॑मा॒मादं॑ ज॒हि निष्क्र॑व्यादꣳ से॒धाऽऽ
 दे॒वय॑जंँ व॒ह नि॑र्दग्धꣳ रक्षो॑ नि॒र्दग्धा॑ अ॒रा॒तयो॑ ध्रु॒वम॑सि पृ॒थि॒वीं
 दृ॒हाऽऽ*यु॑र्दृ॒ह प्र॒जां दृ॒ह स॒जा॒तान॑स्मै यज॑मा॒नाय॑ पर्यू॒ह
 ध॒र्त्रम॑स्यन्त॒रि॒क्षं दृ॒ह प्रा॒णं दृ॒हापा॑णं दृ॒ह स॒जा॒तान॑स्मै
 यज॑मा॒नाय॑ पर्यू॒ह ध॒रुण॑म॒सि दि॒वं दृ॒ह चक्षु॑- [] 10

1.1.7.2

दृ॒ह॒ श्रो॒त्रं दृ॒ह॒ स॒जा॒ता॒न॒स्मै॒ य॒ज॒मा॒नाय॒ पर्यू॒ह॒
 ध॒र्मा॒सि दि॒शो दृ॒ह॒ यो॒निं दृ॒ह॒ प्र॒जां दृ॒ह॒ स॒जा॒ता॒न॒स्मै॒
 य॒ज॒मा॒नाय॒ पर्यू॒ह॒ चि॒तः॒ स्थ॒ प्र॒जा॒म॒स्मै॒ र॒यि॒म॒स्मै॒ स॒जा॒ता॒न॒स्मै॒
 य॒ज॒मा॒नाय॒ पर्यू॒ह॒ भृ॒गू॒णा॒म॒ङ्गि॒र॒सां त॒प॒सा त॒प्य॒ध्वँ॒यानि॒
 घ॒र्मे क॒पा॒ला॒न्यु॒प-चि॒न्व॒न्ति वे॒ध॒सः ।
 पू॒ष्ण॒स्ता॒न्यपि॒ व्र॒त इ॒न्द्र॒वा॒यू वि मुञ्च॑तां । 11

(चक्षु - रष्टाचत्वारिंशच्च) (A7)

1.1.8.1

सं॑ व॒पामि॒ समा॒पो अ॒दि॒भ॒र॒ग॒मत॒ समो॑ष॒धयो॒ रसे॑न॒सं रे॒वती॒ र्ज॒गती॒भि
 र्म॒धु॒मती॒ र्म॒धु॒मती॒भिः सृ॒ज्य॒ध्व॒म॒द्भ्यः॒ परि॒ प्र॒जा॒ताः स्थ॒ सम॒द्भिः
 पृ॒च्य॒ध्वं ज॒न॒य॒त्यै त्वा सं॑ यौ॒य॒ग्नये॒ त्वा॒ग्नी॒षो॒मा॒भ्यां म॒ख॒स्य शि॒रो॒ऽसि
 घ॒र्मो॒ऽसि वि॒श्वा॒यु॒रु॒रु प्र॒थ॒स्वो॒रु ते॒ य॒ज्ञ॒प॒तिः प्र॒थ॒तां॒ त्व॒चं गृ॒ह्णी॒ष्वान्तरि॑तं
 र॒क्षो॒ऽन्त॒रि॒ता अ॒रा॒तयो॑दे॒व॒स्त्वा स॒वि॒ता () श्र॒प॒य॒तु व॒र्षि॒ष्ठे अ॒धि
 ना॒के॒ऽग्नि॒स्ते त॒नु॒वं मा॒ऽति धा॒ग॒ग्ने ह॒व्यं र॒क्ष॒स्व सं ब्र॑ह्म॒णा

पृ॒च्यस्वै॒क॒ताय॒ स्वाहा॑ द्वि॒ताय॒ स्वाहा॑ त्रि॒ताय॒ स्वाहा॑ । 12

(स॒वि॒ता-द्वावि॑ञ्शतिश्च) (A8)

1.1.9.1

आ द॒द इन्द्र॑स्य बा॒हुर॑सि दक्षि॑णः स॒हस्र॑भृष्टिः श॒तते॑जावा॒युर॑सि
ति॒ग्मते॑जाः पृ॒थिवि॑ दे॒वय॑ज-न्योष॑ध्यास्ते मूलं॑ मा
हि॒सिष॑-मप॒हतो॑ऽरुः पृ॒थिव्यै॑ व्रजं॑ गच्छ गो॒स्थानं॑ ँवर्ष॑तु ते
द्यौर्ब॑धान दे॒व स॒वितः॑ पर॒मस्यां॑ पराव॑ति श॒तेन॑ पा॒शैर्यो॑ऽस्मान् द्वेष्टि॑ यं
च व॒यं द्विष्म॑स्तम॒तो मा मौ॒गप॑हतो॒ऽरुः पृ॒थिव्यै॑
दे॒वय॑जन्यै व्रजं॑ - [] 13

1.1.9.2

गच्छ गो॒स्थानं॑ ँवर्ष॑तु ते द्यौर्ब॑धान दे॒व स॒वितः॑ पर॒मस्यां॑ पराव॑ति श॒तेन॑
पा॒शैर्यो॑ऽस्मान् द्वेष्टि॑ यं च व॒यं द्विष्म॑स्तम॒तो मा मौ॒गप॑हतो॒ऽरुः पृ॒थिव्या॑
अदे॒वय॑जनो व्रजं॑ गच्छ गो॒स्थानं॑ ँवर्ष॑तु ते द्यौर्ब॑धान दे॒व स॒वितः॑
पर॒मस्यां॑ पराव॑ति श॒तेन॑ पा॒शैर्यो॑ऽस्मान् द्वेष्टि॑ यं च व॒यं

द्विष्मस्तमतो मा- [] 14

1.1.9.3

मौ॒गर॒रु॒स्तो दि॒वं मा॒ स्का॒न् वस॑वस्त्वा परि॑ गृह्णन्तु॑ गा॒यत्रे॑ण छन्द॑सा
रु॒द्रास्त्वा परि॑ गृह्णन्तु॑ त्रैष्टु॒भेन॑ छन्द॑साऽऽदि॒त्यास्त्वा परि॑ गृह्णन्तु॑ जा॒गते॑न
छन्द॑सा दे॒वस्य॑ सवि॒तुः स॒वे क॒र्म कृ॑ण्वन्ति वे॒धस॑
ऋ॒तम॑स्यृ॒तस॑दन-म॒स्यृ॒तश्री॑रसि॒धा अ॒सि स्व॑धा अ॒स्युर्वी॑ चा॒सि व॒स्वी
चा॒सि पु॒रा क्रू॑रस्य॑ वि॒सृपो॑ वि॒रफि॑न्()नु॒दादा॑य पृ॒थि॒वीं
जी॒रदा॑नु॒र्यामै॑रयं च॒न्द्रम॑सि स्व॒धाभि॑स्तां धी॒रासो॑ अनु॒दृश्य॑ यजन्ते । 15
(दे॒वय॑ज॒न्यै व्र॑जं - त॒मतो॑ मा - वि॒रफि॑न् - नैका॑दश च) (A9)

1.1.10.1

प्र॒त्युष्ट॑ꣳ रक्षः॑ प्र॒त्युष्टा॑ अ॒रात॑यो ऽग्ने॒र्वस्ते॑ जि॒ष्ठेन॑ तेज॑सा नि॒ष्टपा॑मि
गो॒ष्ठं मा॑ निर्मृ॒क्षं वा॑जिनं॑ त्वा स॒पत्न॑साहꣳ सं मा॒र्जि॒र्वाचं॑ प्रा॒णं चक्षुः॑
श्रो॒त्रं प्र॑जां यो॒निं मा॑ निर्मृ॒क्षं वा॑जिनीं॑ त्वा स॒पत्न॑साहीꣳ सं मा॒र्ज॒म्या
शा॒साना॑ सौम॒नसं॑ प्र॒जाꣳ सौ॒भाग्यं॑ त॒नूं ।

अ॒ग्ने॒रनु॑व्र॒ता भू॒त्वा सं न॑ह्ये सु॒कृ॒ताय॑ कं ।

सु॒प्र॒ज॒सस्त्वा॑ व॒यꣳ सु॒प॒त्नी॒रुप॑- [] 16

1.1.10.2

से॒दिम॑ ।

अ॒ग्ने॒ स॒प॒त्न॒दं॒भन॑म॒दब्धा॑सो अ॒दा॒भ्यं॑ । इ॒मं वि॑ ष्या॒मि व॑रु॒णस्य॑
पा॒शं य॑मब॒ध्नीत॑ स॒विता॑ सु॒केतः॑ ।

धा॒तुश्च॑ यो॒नौ सु॒कृ॒तस्य॑ लो॒के स्यो॑नं मे॒ सह॑ प॒त्या क॑रोमि ।

स॒मायु॑षा सं प्र॒जया॑ स॒मग्ने॑ वर्च॒सा पुनः॑ ।

सं प॒त्नी प॒त्याऽहं॑ गच्छे॒ समा॑त्मा त॒नुवा॑ मम ।

म॒हीनां॑ प॒यो ऽस्यो॑ष॒धीनाꣳ र॒सस्त॑स्य ते॒ऽक्षी॑यमाणस्य नि- [] 17

1.1.10.3

व॒पामि॑ म॒हीनां॑ प॒यो ऽस्यो॑ष॒धीनाꣳ र॒सोऽद॑ब्धेन त्वा चक्षु॒षाऽवै॑क्षे

सु॒प्र॒जास्त्वाय॑ ते॒जोऽसि॑ ते॒जोऽनु॑ प्रे॒ह्यग्नि॑स्ते ते॒जो मा वि॑ नै॒दग्ने॑र्जि॒ह्वाऽसि॑

सु॒भूर्दे॑वानां॑ धा॒म्ने॒धा॒म्ने दे॒वेभ्यो॑ यजु॒षेय॑जु॒षे भव॑ शु॒क्रम॑सि ज्योति॒रसि॑

ते॒जोऽसि॑ दे॒वो वः॑ स॒वितो॑त् पु॒नात्व॑च्छि॒द्रेण॑ प॒वित्रे॑ण व॒सोः सूर्य॑स्य

र॒श्मिभिः॑ शु॒क्रं () त्वा शु॒क्रायां॑ धाम्ने॑धाम्ने॑ दे॒वेभ्यो॑ यजु॑षेयजु॑षे गृ॒ह्णामि॑
ज्योति॑स्त्वा ज्योति॑ष्य चि॒स्त्वाऽर्चि॑षि धाम्ने॑धाम्ने॑ दे॒वेभ्यो॑ यजु॑षेयजु॑षे
गृ॒ह्णामि॑ । 18 (उप – नि – र॒श्मिभिः॑ शु॒क्रञ् – षोड॑श च) (A10)

1.1.11.1

कृ॒ष्णो ऽस्या॑खरे॒ष्ठोऽग्नये॑ त्वा स्वाहा वे॒दिर॑सि बर्हि॑षे त्वा स्वाहा
बर्हि॑रसि सु॒ग्भ्यस्त्वा स्वाहा दि॒वे त्वाऽन्तरि॑क्षाय त्वा पृथि॒व्यै त्वा
स्वधा पि॒तृभ्य॑ ऊ॒र्गभ॑व बर्हि॑षभ्य ऊ॒र्जा पृथि॑वीं गच्छ॒तवि॑ष्णोः स्तू॒पो
ऽस्यूर्णा॑म्रदसं त्वा स्तृ॒णामि स्वा॑सस्थं दे॒वेभ्यो॑ गन्ध॒र्वोऽसि विश्वा॑वसु
वि॒श्वस्मा॑दी॒षतो॑ यज॒मानस्य॑ परि॒धिरि॒ड ईडि॑तइन्द्र॒स्य बा॒हुर॑सि- [] 19

1.1.11.2

दक्षि॑णो यज॒मानस्य॑ परि॒धिरि॒ड ईडि॑तो मि॒त्रावरु॑णौ त्वोत्तर॒तः परि॑ धत्तां
ध्रु॒वेण॑ धर्म॒णा यज॑मानस्य परि॒धिरि॒ड ईडि॑तः सूर्य॑स्त्वा पु॒रस्ता॑त् पातु
कस्या॑श्चिदभि॒शस्त्या॑वीतिहो॒त्रं त्वा कवे॑ द्युमन्त॑ समि॒धीम॒ह्यग्ने
बृ॒हन्त॑मध्व॒रेवि॑शो यन्त्रे स्थो वसू॒ना रु॒द्राणा॑मादि॒त्याना॑ सद॒सि सीद॑
जु॒हूरु॑पभृद् ध्रु॒वाऽसि॑ घृ॒ताची॑ नाम्ना प्रि॒येण॑ नाम्ना प्रि॒ये सद॑सि ()

सीदै॒ता अ॒सद॒न्त् सु॒कृत॒स्य लो॒के ता वि॒ष्णो पा॒हि पा॒हि य॒ज्ञं पा॒हि
य॒ज्ञप॒तिं पा॒हि मां य॒ज्ञनि॒यं । 20

(बा॒हुर॒सि – प्रि॒ये सद॒सि – पञ्च॑दश च) (A11)

1.1.12.1

भु॒वन॒मसि॒ वि प्र॒थस्वा॒ग्ने य॒ष्टरि॒दं नमः॑ ।
जु॒ह्वे॒ह्यग्नि॒स्त्वा ह॒वति॑ दे॒वय॒ज्याया॑ उप॒भृदे॒हि दे॒वस्त्वा स॒विता ह॒वति॑
दे॒वय॒ज्याया॑ अ॒ग्नावि॒ष्णू मा वा॒मव॑ क्र॒मिषं॑ वि जिहा॒थां मा मा सं ता॒प्तं
लो॒कं मे॑ लो॒ककृ॑तौ कृ॒णुतं॑ वि॒ष्णोः स्था॒नम॑सीत इन्द्रो॑ अ॒कृणो॑द्
वी॒र्या॑णि स॒मा र॒भ्योर्ध्वो॑ अध्व॒रो दि॒विस्पृ॑शमहु॒तो () य॒ज्ञो
य॒ज्ञप॒ते-रि॒न्द्रावा॒न्त् स्वा॒हा बृ॒हद्वाः पा॒हि मा॒ग्ने दु॒श्चरि॑ता॒दा मा सु॒चरि॑ते
भज॑ म॒खस्य॑ शिरो॒ऽसि सं ज्यो॑तिषा ज्योति॑रङ्गां । 21

(अ॒हुत॑ – ए॒कवि॑ंशतिश्च) (A12)

1.1.13.1

वा॒जस्य॑ मा प्र॒सवे॑नो॒द्ग्राभे॑णो॒दग्र॑भीत् ।
अ॒था स॒पत्ना॑ इन्द्रो॑ मे नि॒ग्राभे॑णाध॒रा अ॒कः ।

उद्ग्रा॑भं च॒ नि॒ग्रा॑भं च॒ ब्र॒ह्म॑ दे॒वा अ॒वी॒वृ॑धन् ।
 अ॒था स॒प॒त्नानि॑न्द्रा॒ग्नी मे॑ वि॒षू॒ची॒नान् व्य॑स्यतां ।
 व॒सु॒भ्यस्त्वा रु॒द्रेभ्य॑स्त्वाऽऽदि॒त्येभ्य॑स्त्वा ऽक्त॑ रि॒हाणा॑ वि॒यन्तु॑ वयः ।
 प्र॒जां यो॑निं मा निर्मृ॑क्षमा प्यायन्ता॒माप॑ ओष॒धयो॑
 म॒रुतां॑ पृष॒तयः॑ स्थ दि॒वं- [] 22

1.1.13.2

गच्छ॑ ततो॒ नो वृ॑ष्टिमे॒रय॑ । आ॒यु॒ष्पा अ॒ग्नेऽस्या॑यु॒र्मे पा॑हि चक्षु॒ष्पा अ॒ग्नेऽसि॑
 चक्षु॒र्मे पा॑हि ध्रु॒वाऽसि॑यं परि॒धिं पर्य॑धत्था अ॒ग्ने दे॒व प॑णिभि
 र्वी॒यमा॑णः । तं त ए॒तम॑नु जोषं भ॒रामि॑ ने॒देष॑ त्वद॒पचे॑तया॒तैय॑ज्ञस्य पाथ
 उ॒प स॑मित् स॒स्रा॒वभा॑गाः स्थे॒षा बृ॑हन्तः प्र॒स्तरे॑ष्ठा
 ब॒र्हिष॑दश्च- [] 23

1.1.13.3

दे॒वा इ॒मां वा॑चम॒भि वि॒श्वे गृ॑णन्त आ॒सद्या॑स्मिन् ब॒र्हिषि॑ मा॒दय॑ध्वम॒ग्ने
 र्वा॒मप॑न्नगृहस्य स॒दसि॑ सा॒दयामि॑ सु॒नाय॑ सु॒निनी॑ सु॒ने मा॑ धत्तं धु॒रि
 धु॒र्यो पा॑तम॒ग्ने ऽद॑ब्धायो ऽशी॒तत॑नो पा॒हि मा॒द्य दि॒वः पा॑हि प्र॒सित्यै॑ पा॒हि

दुरि॑ष्ट्यै पा॒हि दु॒र॒द्म॒न्यै पा॒हि दु॒श्च॒रि॒ताद॒वि॒षं नः पि॒तुं कृ॑णु सु॒षदा॒
योनि॑ꣳ स्वाहा दे॒वा गा॒तुवि॒दो गा॒तुं वि॒त्त्वा गा॒तु () मि॒त मन॑सस्पत
इ॒मं नो॑ दे॒व दे॒वेषु॑ य॒ज्ञꣳ स्वाहा वा॒चि स्वाहा वा॒ते धाः । 24

(दि॒वं – च – वि॒त्त्वा गा॒तुं – त्रयो॑दश च) (A13)

1.1.14.1

उ॒भा वा॒मिन्द्रा॑ग्नी आ॒हुव॑ध्या उ॒भा रा॒धसः॑ सह मा॒दय॑ध्ये ।
उ॒भा दा॒ता रा॒विषा॑ꣳ रयी॑णामु॒भा वा॒जस्य॑ सा॒तये॑ हुवे वां ।
अ॒श्रव॑ꣳ हि भू॒रिदा॑वत्तरा वां वि॒जामा॑तुरु॒त वा घा॑ स्या॒लात् ।
अथा॑ सोम॒स्य प्र॑यती यु॒वभ्या॑मिन्द्रा॒ग्नी स्तोमं॑ जनयामि नव्यं ।
इन्द्रा॑ग्नी नव॒तिं पु॒रो दा॒सप॑त्नीरधू॒नुतं । सा॒कमे॑के॒न क॑र्मणा ।
शुचिं॑ नु स्तोमं नवजात-मद्येन्द्रा॒ग्नी वृ॒त्रह॑णा जु॒षेथां॑ । 25

1.1.14.2

उ॒भा हि वाꣳ सु॒हवा॑ जो॒हवी॑मि ता वा॒जꣳ सद्य॑ उ॒शते॑ धे॒ष्ठा ।
व॒यमु॑ त्वा पथस्प॒ते रथं॑ न वा॒जसा॑तये । धि॒ये पू॒षन्न॑युज्महि ।
पथस्प॑थः परिप॒तिं व॑चस्या का॒मेन॑ कृ॒तो अ॒भ्या॒नड॑र्क ।

स॒नो॑ रा॒सच्छु॑रु॒धश्च॑न्द्रा॒ग्रा धि॑यंधि॒यꣳ सी॒षधा॑ति॒ प्र पू॒षा ।

क्षेत्र॑स्य॒ पति॑ना॒ वयꣳ॑ हि॒तेने॑व॒ जया॑मसि ।

गा॒मश्चं॑ पो॒षयि॑त्त्वा स॒ नो – [] 26

1.1.14.3

मृ॒डाती॑दृ॒शे॑ ।

क्षेत्र॑स्य॒ पते॑ म॒धुम॑न्त॒मूर्मि॑ धे॒नुरि॑व॒ पयो॑ अ॒स्मासु॑ धु॒क्ष्व ।

म॒धुश्चु॑तं॒ घृ॒तमि॑व॒ सु॒पू॒तमृ॑तस्य॒ नः॑ प॒तयो॑ मृ॒डय॑न्तु ।

अ॒ग्ने न॑य॒ सु॒पथा॑ रा॒ये अ॒स्मान् वि॒श्वानि॑ दे॒व व॒युना॑नि॒ वि॒द्वान् ।

यु॒यो॒ध्यस्म॑-ज्जु॒हुरा॑णमे॒नो भू॑यि॒ष्ठां ते॒ नम॑ उ॒क्तिं वि॑धेम ।

आ दे॒वाना॑मपि॒ पन्था॑मगन्म॒ यच्छ॑क्नवा॒म तद॑नु॒ प्रवो॑ढुं ।

अ॒ग्नि वि॒द्वान्त्स॑ य॒जाथ् – [] 27

1.1.14.4

सै॒दु होता॑ सो॒ अध्व॑रान्त् स॒ ऋ॒तून् क॑ल्पयाति ।

यद्वा॑हि॒ष्ठं तद॑ग्नये॒ बृ॒हदर्च॑ वि॒भाव॑सो ।

महि॑षी॒व त्व॒द्रयि॑स्त्वद्वा॒जा उ॒दीर॑ते ।

अग्ने॑ त्वं॒ पा॒रया॑ न॒व्यो॑ अ॒स्मान्त् स्व॒स्तिभि॑रति॒ दु॒र्गाणि॑ वि॒श्वा॑ ।
 पू॒श्च॑ पृ॒थ्वी॑ ब॒हु॒ला॑ न उ॒र्वी॑ भ॒वा॑ तो॒काय॑ तनयाय॒ शं॑ योः ।
 त्वम॑ग्ने व्रतपा॒ असि॑ दे॒व आ॑ () म॒र्त्येष्वा॑ । त्वं॒ यज्ञे॑ष्वी॒ड्यः॑ ।
 यद्वो॑ व॒यं प्र॑मिनाम॒ व्रतानि॑ वि॒दुषां॑ दे॒वा अ॑विदुष्टरासः ।
 अ॒ग्निष्ट॑द् वि॒श्वमा॑ पृ॒णाति॑ वि॒द्वान् ये॒भि दे॒वा ऋ॒तुभिः॑ क॒ल्पया॑ति । 28
 (जु॒षे॒थामा॑ – सा॒ नो॑ – य॒जा – दा॑ – त्रयो॑वि॒ंशति॑श्च) (A14)

Prasna Korvai with starting Padams of 1 to 14 Anuvaakams :-

(इ॒षे त्वा॑ – य॒ज्ञस्य॑ – शु॒न्धध्वं॑ – क॒र्मणे॑ वां – दे॒वो –
 ऽव॑धूतं – धु॒ष्टिः – सं॑ व॒पा – म्या॑ ददे – प्र॒त्युष्टं॑ – कृ॒ष्णो॑ऽसि –
 भु॒वनम॑सि – वा॒जस्यो॑भा वां – च॒तुर्द॑श ।)

Korvai with starting Padams of 1, 11, 21 Series of Panchaatis :-

(इ॒षे – दृ॒ह – भु॒वन – म॒ष्टावि॑ंशतिः ।)

First and Last Padam of First Prasnam :-

(इ॒षे त्वा॑ – क॒ल्पया॑ति ।)

॥ हरिः॑ ओं ॥

कृष्ण यजुर्वेदीय तैत्तिरीय संहितायां प्रथमकाण्डे प्रथमः प्रश्नः समाप्तः

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.2 प्रथमकाण्डेद्वितीयः प्रश्नःअग्निष्टोमे क्रयः

1.2.1.1

आप॑ उ॒न्दन्तु जी॒वसे॑ दी॒र्घायु॑त्वाय॒ वर्च॑स॒ औष॑धे॒ त्राय॑स्वैन॒ स्वधि॑ते॒
मै॒न॒ हि॒सी॒ दे॒वश्रू॑रे॒तानि॒ प्र व॑पे॒ स्वस्त्यु॑त्तरा॒ण्यशी॑याऽऽपो॒
अ॒स्मान् मा॒तरः॑ शु॒न्धन्तु॑ घृ॒तेन॑ नो॒ घृत॑पु॒वः पु॒नन्तु॑ वि॒श्वम॑स्मत् प्र
व॒हन्तु॑ रि॒प्रमु॑दा॒भ्यः शु॒चिरा॑ पू॒त ए॒मि सो॑मस्य॒ तनू॑र॒सि त॒नुवं॑ मे पा॒हि
म॒हीनां॑ पयो॒ऽसि॒ वर्चो॑धा॒ असि॑ वर्चो॒ – [] 1

1.2.1.2

मयि॑ धे॒हि वृ॒त्रस्य॑ क॒नीनि॑का॒ऽसि चक्षु॑ष्पा॒ असि॑ चक्षु॒र्मे पा॒हि
चि॒त्पति॑स्त्वा पु॒नातु॑ वा॒क्पति॑स्त्वा पु॒नातु॑ दे॒वस्त्वा स॒विता॑ पु॒नात्व॑च्छि॒द्रेण॑
प॒वित्रे॑ण॒ वसोः॑ सूर्य॑स्य॒ रश्मि॑भि॒स्तस्य॑ ते प॒वित्र॑पते॒ पवि॑त्रेण॒ यस्मै॑
कं पु॒ने तच्छ॑के॒यमा॑ वो॒ दे॒वास ई॒महे॑ स॒त्यध॑र्माणो॒ अध्व॑रे॒ यद्वो॑ दे॒वास

आ॒गुरे य॒ज्ञिया॒सो ह॒वाम॒ह इन्द्रा॑ग्नी॒ द्यावा॑ पृथि॒वी आप॑ ओष॒धी ()
 स्त्वं दी॒क्षाणा॒-मधि॑पतिरसी॒ह मा स॒न्तं पा॒हि । 2
 (वर्च॑ – ओष॒धीर॒ष्टौ च॑) (A1)

1.2.2.1

आ॒कू॒त्यै प्र॒युजे॑ऽग्नये॒ स्वाहा॑ मे॒धायै॑ म॒नसे॑ऽग्नये॒ स्वाहा॑ दी॒क्षायै॑
 तप॑सेऽग्नये॒ स्वाहा॑ सर॒स्वत्यै॑ पू॒ष्णेऽग्नये॒ स्वाहा॑ऽपो दे॒वीर्बृ॑हती
 वि॒श्वशं॑भुवो॒ द्यावा॑पृथि॒वी उ॒र्वन्त॑रि॒क्षं बृ॑हस्पति॒र्नो ह॒विषा॑ वृ॒धातु॑ स्वाहा
 वि॒श्वे दे॒वस्य॑ ने॒तुर्म॑र्तो वृणीत स॒ख्यं वि॒श्वे रा॒य इ॒षुध्य॑सि द्यु॒म्नं वृ॑णीत
 पु॒ष्यसे॑ स्वा॒हर्ख्-सा॒मयोः॑ शिल्पे॒ स्थस्ते॑ वा॒मा र॒भे ते मा॑ – [] 3

1.2.2.2

पा॒तमा॑स्य य॒ज्ञस्यो॑दृच॒ इमां॑ धि॒यꣳ शि॒क्षमा॑णस्य दे॒व क्र॒तुं
 दक्षं॑ वरु॒ण सꣳशि॑शाधि॒ यया॑ति वि॒श्वा दु॒रिता॑ तरे॒म सु॒तर्मा॑णमधि॒
 नावꣳ रु॒हेमो॑र्गस्याङ्गि॒रस्यूर्ण॑म्रदा ऊ॒र्जं मे॑ यच्छ पा॒हि मा॑ मा॒ मा
 हिꣳसी-वि॒ष्णोः श॑र्मासि श॒र्म य॑जमानस्य श॒र्म मे॑ यच्छ

नक्ष॑त्राणां॒ मा॒ऽतीका॑शात् पा॒हीन्द्र॑स्य यो॒निर॑सि – [] 4

1.2.2.3

मा मा हि॒ऽसीः कृ॒ष्यै त्वा सु॑स॒स्यायै सु॑पि॒प्पला॑भ्य-स्त्वौष॑धीभ्यः
सू॒प॒स्था दे॒वो व॒नस्प॑तिरू॒र्ध्वो मा पा॒ह्योदृ॑चः स्वाहा य॒ज्ञं म॑नसा
स्वाहा द्या॒वापृ॑थि॒वीभ्या॑ऽ स्वा॒होरो-र॑न्तरि॒क्षात् स्वाहा य॒ज्ञं
वा॒तादा र॑भे । 5 (मा - यो॒निर॑सि - त्रि॒ऽश॑च्च) (A2)

1.2.3.1

दैवीं धि॒यं म॑नामहे सु॒मृ॒डीका-म॑भि॒ष्टये॑ वर्चो॒धां य॑ज्ञवा॒हस॑ सु॒पारा नो॑
अस॑द् व॒शे । ये दे॒वा म॑नो॒जाता॑ म॒नोयु॑जः सु॒दक्षा दक्ष॑पि॒तार॑स्ते नः पा॒न्तु
ते नो॑ऽव॒न्तु तेभ्यो॑ नम॒स्तेभ्यः॑ स्वाहा॒ग्ने त्व॑ सु जा॒गृहि वय॑
सु म॑न्दि॒षीम॑हि गो॒पाय नः॑ स्व॒स्तये॑ प्र॒बुधे नः पु॑नर्ददः ।
त्वम॑ग्ने व्र॒तपा॑ अ॒सि दे॒व आ म॑र्त्ये॒ष्वा । त्वं – [] 6

1.2.3.2

य॑ज्ञेष्वी॒ड्यः ।
वि॒श्वे दे॒वा अ॒भि मा॑मा॒ऽववृ॑त्रन् पू॒षा स॒न्या सोमो॑ रा॒धसा दे॒वः

स॒वि॒ता व॒सोर्व॑सु॒दा वा रा॒स्वे॒य॒थ् सो॒मा ऽऽ*भू॒यो भ॒र मा पृ॒णन् पू॒र्त्या
वि रा॒धि माऽह॑मायुषा च॒न्द्रम॑सि म॒म भो॑गाय भ॒व व॒स्त्रम॑सि म॒म
भो॑गाय भ॒वोऽस्रा॑ऽसि म॒म भो॑गाय भ॒व ह॒योऽसि॑ म॒म भो॑गाय भ॒व-[] 7

1.2.3.3

छा॒गोऽसि॑ म॒म भो॑गाय भ॒व मे॒षोऽसि॑ म॒म भो॑गाय भ॒व वा॒यवे॑ त्वा व॒रु॒णाय॑
त्वा नि॒र्ऋ॒त्यै त्वा रु॒द्राय॑ त्वा दे॒वीरा॑पो अ॒पां न॒पाद्य॑ ऊ॒र्मिर्ऋ॒विष्य॑
इन्द्रि॒यावा॑न्-मदि॒न्तम॑स्तं वो माऽव॑ क्रमिषमच्छिन्नं तन्तुं पृथि॒व्या अनु॑
गेषं भ॒द्राद॑भि श्रे॒यः प्रे॒हि बृ॒हस्प॑तिः पु॒र ए॒ता ते अ॒स्त्वथे॑मव॒स्य ()
वर॑ आ पृथि॒व्या आ॒रे श॒त्रून् कृ॑णुहि स॒र्ववी॑र ए॒दम॑गन्म दे॒वय॑जनं पृथि॒व्या
विश्वे॑ दे॒वा यद॑जुषन्त॒ पूर्व ऋ॒ख् सा॒माभ्यां॑ य॒जुषा॑ स॒न्तर॑न्तो रा॒यस्पो॑षेण
समि॒षा मदे॑म । 8

(आ त्वञ्-ह॒योऽसि॑ म॒म भो॑गाय भ॒व-स्य॑-पञ्चविंश॒तिश्च॑) (A3)

1.2.4.1

इ॒यं ते शु॒क्र त॑नूरिदं व॒र्चस्त॑या सं भ॒व भ्रा॑जं गच्छ॒ जूर॑सि धृ॒ता म॑नसा
जु॒ष्टा वि॒ष्णवे॑ तस्या॒स्ते स॒त्यस॑वसः प्र॒सवे॑ वा॒चो य॒न्त्रम॑शीय॒ स्वाहा॑

शु॒क्रम॑स्य-मृ॒तम॑सि वै॒श्वदे॑वꣳ ह॒विः सूर्य॑स्य चक्षु॒राऽरु॑हम॒ग्ने र॒क्षणः
कनी॑निकां य॒देत॑ शो॒भिरी॑यसे भ्राज॑मानो वि॒पश्चि॑ता चि॒दसि॑ म॒नाऽसि॑
धी॒रसि॑ दक्षि॒णा - [] 9

1.2.4.2

ऽसि॑ य॒ज्ञिया॑ऽसि क्ष॒त्रिया॑ ऽस्यदि॑ति-रस्यु॒भय॑तः शी॒र्ष्णी सा नः॑ सु॒प्राची॑
सु॒प्रती॑ची सं भव॑ मि॒त्रस्त्वा॑ प॒दि ब॑ध्नातु पू॒षाऽध्व॑नः
पा॒त्विन्द्रा॑या-ध्य॒क्षाया॑नु त्वा मा॒ता म॑न्यतामनु पि॒ताऽनु॑ भ्रा॒ता स॒गर्भ्यो॑ऽनु
सखा॑ स॒यूथ्यः॑ सा दे॒वि दे॒वम॑च्छेहीन्द्रा॒य सोमꣳ रु॒द्रस्त्वा ऽऽ*व॑र्तयतु
मि॒त्रस्य॑ प॒था स्व॑स्ति सोम॑ सखा॒ () पु॒नरे॑हि स॒ह र॒य्या । 10

(दक्षि॒णा-सोम॑सखा-पञ्च॑ च) (A4)

1.2.5.1

वस्व्य॑सि रु॒द्राऽस्य॑दि॒ति-रस्या॑दि॒त्याऽसि॑ शु॒क्राऽसि॑ च॒न्द्राऽसि॑
बृ॒हस्प॑तिस्त्वा सु॒म्ने र॑ण्वतु रु॒द्रो वसु॑भिरा चि॒केतु॑ पृथि॒व्यास्त्वा मूर्ध॑न्ना
जिघ॑र्मि दे॒वय॑जन॒ इडा॑याः प॒दे घृ॑तवति स्वाहा॒ परि॑लिखितꣳ
रक्षः॑ परि॒लिखि॑ता अ॒रात॑य इ॒दम॑हꣳ रक्ष॑सो ग्री॒वा अ॒पि कृ॑न्तामि

योऽस्मान् द्वेष्टि यं च वयं द्विष्म इदमस्य ग्रीवा – [] 11

1.2.5.2

अपि कृन्ताम्यस्मे रायस्त्वे रायस्तोते रायः सं देवि देव्योर्वश्या पश्यस्व
त्वष्टीमती ते सपेय सुरेता रेतो दधाना वीरं विदेय तव संदृशि
माऽहं रायस्पोषेण वि योषं । 12

(अस्य ग्रीवा-एकान्न त्रिंशच्च) (A5)

1.2.6.1

अंशुना ते अंशुः पृच्यतां परुषा परुर्गन्धस्ते काममवतु मदाय रसो
अच्युतो ऽमात्योऽसि शुक्रस्ते ग्रहोऽभि त्यं देव
सवितारमूण्योः कविक्रतुमर्चामि सत्यसवसं रत्नधामभि प्रियं
मतिमूर्ध्वा यस्यामतिर्भा अदिद्युतथ् सवीमनि हिरण्य पाणिरमिमीत
सुक्रतुः कृपा सुवः । प्रजाभ्यस्त्वा प्राणाय त्वा व्यानाय त्वा प्रजास्त्वमनु
() प्राणिहि प्रजास्त्वामनु प्राणन्तु । 13

(अनु – सप्त च) (A6)

1.2.7.1

सोमं ते क्रीणाम्यूर्जस्वन्तं पयस्वन्तं वीर्यावन्तमभि मातिषाह॑
 शुक्रं ते शुक्लेण क्रीणामि चन्द्रं चन्द्रेणा-मृतममृतेन सम्यत्ते
 गोरस्मे चन्द्राणि तपसस्तनूरसि प्रजापते वर्णस्तस्यास्ते सहस्रपोषं
 पुष्यन्त्याश्चरमेण पशुना क्रीणाम्यस्मे ते बन्धुर्मयि ते रायः
 श्रयन्तामस्मे ज्योतिः सोमविक्रयिणि तमो मित्रो न एहि सुमित्रधा
 इन्द्रस्योरु () मा विश दक्षिण-मुशन्नुशन्त॑ स्योनः स्योन॑
 स्वान भ्राजाङ्गारे बभारे हस्त सुहस्त कृशानवेते वः सोम क्रयणास्तान्
 रक्षध्वं मा वो दभन् । 14 (उरुं-द्वाविंशतिश्च) (A7)

1.2.8.1

उदायुषा स्वायुषोदोषधीना॑ रसेनोत् पर्जन्यस्य शुष्मेणो
 दस्थाममृता॑ अनु । उर्वन्तरिक्षमन्विह्यदित्याः सदोऽस्यदित्याः सद
 आ सीदास्तभ्नाद्-द्यामृषभो अन्तरिक्षममिमीत वरिमाणं पृथिव्या
 आऽसीदद् विश्वा भुवनानि सम्राड् विश्वेत्तानि वरुणस्य व्रतानि वनेषु
 व्यन्तरिक्षं ततान वाजमर्वथ्सु पयो अघ्नियासु हथ्सु – [] 15

1.2.8.2

क्र॒तुं व॑रु॒णो वि॒क्ष्वग्निं॑ दि॒वि सूर्य॑मद॒धात् सोम॑मद्रावु॒दु त्वं जा॒तवे॑दसं
दे॒वं व॑हन्ति के॒तवः॑ । दृ॒शे वि॒श्वाय॑ सूर्यं॑ । उ॒स्रावे॑तं धूर्.षा॒हावन॑श्रू
अ॒वीर॑हणौ ब्र॒ह्मचो॑दनौ वरु॒णस्य॑ स्क्॒भन॑मसि वरु॒णस्य॑ कं॒भस॑र्जनमसि
प्र॒त्यस्तो॑ वरु॒णस्य॑ पा॒शः । 16

(ह॒थ्सु-पञ्च॑त्रिं॒शच्च॑) (A8)

1.2.9.1

प्र च्य॑वस्व भुव॒स्पते॑ वि॒श्वा॒न्यभि॑ धा॒मानि॑ मा त्वा परि॒परी वि॑दन्मा त्वा
परि॒पन्थि॑नो वि॒दन्मा॑ त्वा वृ॒का अ॒घाय॑वो मा गन्ध॒र्वो वि॒श्वाव॑सुरा
द॒घच्छ॑ये॒नो भू॒त्वा परा॑ पत॒ यज॑मानस्य नो गृ॒हे दे॒वैः स॒कृत्
य॒ज॑मानस्य स्व॒स्त्यय॑न्यस्यपि पन्था॒मग॑स्महि स्व॒स्ति गा॒मने॑हसं यै॒न
वि॒श्वाः परि॑ द्वि॒षो वृ॒णक्ति॑ वि॒न्दते॑ वसु॒ नमो॑ मि॒त्रस्य॑ () वरु॒णस्य॑
चक्ष॑से॒ महो॑ दे॒वाय॑ तदृ॒तं स॑पर्यत दू॒रे दृ॒शे दे॒वजा॑ताय के॒तवे॑ दि॒वस्पु॒त्राय॑
सूर्या॑य श॒स॒त वरु॒णस्य॑ स्क्॒भन॑मसि वरु॒णस्य॑

स्कं॑भ॒स॒र्ज॒न-म॒स्यु॒न्मु॒क्तो॑ वरुणस्य पाशः । 17

(मि॒त्रस्य॑-त्रयो॒वि॒ंश॒तिश्च॑) (A9)

1.2.10.1

अ॒ग्ने-रा॒ति॒थ्य॒म॒सि॒ वि॒ष्ण॒वे॒ त्वा॒ सो॒म॒स्याऽऽ*ति॒थ्य॒म॒सि॒ वि॒ष्ण॒वे॒
त्वा-ऽति॒थे॒रा॒ति॒थ्य॒म॒सि॒ वि॒ष्ण॒वे॒ त्वाऽ॒ग्नये॑ त्वा रा॒य॒स्पो॒ष॒दा॒व॒न्ने॒ वि॒ष्ण॒वे॒ त्वा
इ॒ये॒ना॒य॒ त्वा॒ सो॒म॒भृ॒ते॒ वि॒ष्ण॒वे॒ त्वा॒ या॒ ते॒ धा॒मा॒नि॒ ह॒वि॒षा॒ य॒ज॒न्ति॒ ता॒ ते॒
वि॒श्वा॒ परि॒भूर॑स्तु य॒ज्ञं ग॒य॒स्फा॒नः॒ प्र॒त॒र॒णः॒ सु॒वी॒रोऽवी॑रहा प्र॒च॒रा
सो॒म॒ दु॒र्या॒न॒दि॒त्याः॒ स॒दोऽस्य॑दि॒त्याः॒ स॒द॒ आ - [] 18

1.2.10.2

सी॒द॒ वरु॑णोऽसि धृ॒त॒व्र॒तो॒ वा॒रु॒ण॒म॒सि॒ शँ॒यो॒र्दे॒वा॒नां॑ स॒ख्या॒न्मा
दे॒वा॒ना-म॒प॒स॒श्छि॒त्स्म॒ह्या॒प॒तये॑ त्वागृ॒ह्णामि॑ परि॒प॒तये॑ त्वा गृ॒ह्णामि॑ त॒नू॒न॒प्त्रे॑
त्वागृ॒ह्णामि॑ शा॒क्व॒रा॒य॒ त्वा॒ गृ॒ह्णामि॑ श॒क्म॒न्-नो॒जि॒ष्ठाय॑ त्वा गृ॒ह्णाम्य
-ना॒धृ॒ष्ट॒म॒स्य॑-ना॒धृ॒ष्यं॑ दे॒वा॒ना॒मो॒जोऽभि॑ष॒स्ति॒पा॒ अ॒न॒भि॒श॒स्तेऽन्य॑म॒नु॒ मे॒
दी॒क्षां॑ दी॒क्षा॒प॒ति॒ र्म॒न्य॒ता॒म॒नु॒ त॒प॒स्त॒प॒स्प॒ति॒र॒ज्ज॒सा॒ स॒त्य॒मु॒प॒ गे॒ष॑

सु॒वि॒ते॒ मा॒ () धाः । 19 (अ॒मै-कं॑ च) (A10)

1.2.11.1

अ॒ञ्शु॒रञ्शु॒स्ते॒ दे॒व सो॒माऽऽप्या॑य॒ता-मिन्द्रा॑यै॒क॒ध॒न॒वि॒द आ
तु॒भ्यमिन्द्रः॑ प्या॒य॒ता॒मा त्वमिन्द्रा॑य प्या॒य॒स्वाऽऽप्या॑य॒य स॒खी॑न्थ॒ स॒न्या
मे॒धया॑ स्व॒स्ति ते॑ दे॒व सो॒म सु॒त्याम॑शीये॒ष्टा रा॒यः प्रे॒षे
भगा॑य॒र्त॒मृ॒त॒वा॒दि॒भ्यो न॒मो दि॒वे न॒मः पृ॒थि॒व्या अ॒ग्ने व्र॑त॒प॒ते त्वं व्र॑तानां
व्र॒त॒प॒ति॒र॒सि या॒ म॒म त॒नू॒रे॒षा सा॒ त्वयि॑ - [] 20

1.2.11.2

या तव॑ त॒नू॒रि॒यञ् सा॒ मयि॑ स॒ह नौ॑ व्र॒त॒प॒ते व्र॑ति॒नो॑र्व्र॒तानि॑
या ते॑ अ॒ग्ने रु॒द्रि॒या त॒नू॒स्त॒या नः॑ पा॒हि तस्या॑स्ते॒ स्वाहा॑
या ते॑ अ॒ग्नेऽया॑श॒या र॒जाश॑या ह॒राश॑या त॒नू॒र्वर्षि॑ष्ठा ग॒ह्वरे॑ष्ठोऽग्रं
ँव॒चो अ॒पा॒व॒धीं त्वे॒षं ँव॒चो अ॒पा॒व॒धीञ् स्वाहा॑ । 21
(त्वयि॑-च॒त्वा॒रिञ्श॑च्च) (A11)

1.2.12.1

वि॒त्ताय॑नी मे॒ऽसि ति॒क्ताय॑नी मे॒ऽस्यव॑तान्मा नाथि॒तमव॑तान्मा व्यथि॒तं
 वि॒देर॑ग्निर्न॒भो ना॒माग्ने॑ अ॒ङ्गिरो॒ यो॒ऽस्यां पृ॑थिव्यामस्यायुषा॑ नाम्नेहि
 यत्ते॒ऽनाधृ॑ष्टं नाम॒ यज्ञि॑यं तेन॒ त्वाऽऽ*द॑धेऽग्ने॒ अ॒ङ्गिरो॒ यो द्वि॑तीयस्यां
 तृ॒तीय॑स्यां पृथिव्या-मस्यायुषा॑ नाम्नेहि यत्ते॒ऽनाधृ॑ष्टं नाम - [] 22

1.2.12.2

यज्ञि॑यं तेन॒ त्वाऽऽ*द॑धे॒ सि॒॒हीर॑सि॒ महि॑षीरस्युरु॒ प्रथ॑स्वोरु
 ते य॒ज्ञप॑तिः प्रथतां ध्रु॒वाऽसि॑ दे॒वेभ्यः॑ शु॒न्धस्व॑ दे॒वेभ्यः॑
 शु॒भस्वे॑न्द्रघोषस्त्वा॒ वसु॑भिः पु॒रस्ता॑त् पातु॒ मनो॑जवास्त्वा पि॒तृभि॑
 र्दक्षि॑णतः पातु॒ प्रचे॑तास्त्वा रु॒द्रैः प॒श्चात् पातु॑ वि॒श्वक॑र्मा
 त्वाऽऽदि॒त्यैरु॑त्तरतः पातु॒ सि॒॒हीर॑सि सप॒त्नसा॑ही स्वाहा
 सि॒॒हीर॑सि सु॒प्रजा॑वनिः स्वाहा सि॒॒ही - [] 23

1.2.12.3

रसि॑ रायस्पोषवनिः स्वाहा सि॒॒हीर॑स्या-दि॒त्यव॑निः स्वाहा
 सि॒॒हीर॑स्या॒ वह॑ दे॒वान्दे॑वयते॒ यज॑मानाय॒ स्वाहा॑ भू॒तेभ्य॑स्त्वा

वि॒श्वायु॑रसि पृ॒थि॒वीं दृ॒ह ध्रु॒वक्षि॑दस्यन्त॒रिक्षं॑ दृ॒हाच्यु॑तक्षि॒दसि॑
दि॒वं दृ॒हाग्ने॑ भ॒स्मास्य॑ग्नेः पु॒रीष॑मसि । 24

(नाम॑-सुप्रजा॒वनिः॑ स्वाहा॒ सि॒हिः-पञ्च॑त्रि॒ंशच्च॑) (A12)

1.2.13.1

यु॒ञ्जते॑ मन॒ उत॑ यु॒ञ्जते॑ धि॒यो वि॒प्रा वि॒प्रस्य॑ बृ॒हतो॑ वि॒पश्चि॑तः ।
वि हो॒त्रा द॑धे वयु॒ना वि॒देक॑ इ॒न्मही॑ दे॒वस्य॑ स॒वितुः॑ परि॒ष्टुतिः॑ ।
सु॒वाग्दे॑व दु॒र्या॒ आ व॑द दे॒वश्रु॑तौ दे॒वेष्व॑ घो॒षेथा॑मा नो
वी॒रो जा॑यतां क॒र्मण्यो॑ य॒ सर्वे॑ऽनु जी॒वाम॑ यो ब॒हूना॑मस॒द्वशी॑ ।
इ॒दं वि॑ष्णु वि॒चक्र॑मे त्रे॒धा नि द॑धे प॒दं । स मू॒ढम॑स्य – [] 25

1.2.13.2

पा॒सुर इ॑रावती धे॒नुम॑ती हि भू॒त॒ सू॒यव॑सिनी मन॒वे
य॒शस्ये॑ । व्य॒स्क॒भ्नाद्रो॑दसी वि॒ष्णुरे॑ते दा॒धार पृ॒थि॒वीम॑भि॒तो म॒यूखैः॑ ।
प्रा॒ची प्रे॑तमध्व॒रं क॑ल्पयन्ती ऊ॒र्ध्वं य॒ज्ञं न॑यतं मा जी॒ह्वर॑तम॒त्र रमे॑थां
व॒र्ष्मन् पृ॒थि॒व्या दि॒वो वा वि॑ष्णवु॒त वा पृ॒थि॒व्या म॒हो वा वि॑ष्णवु॒त
वाऽन्त॑रि॒क्षाद्ध॑स्तौ पृ॒णस्व॑ बहु॒भिर्व॑स॒व्यैरा॑ प्र य॒च्छ – [] 26

1.2.13.3

दक्षिणादोत सव्यात् ।

विष्णोर्नुकं वीर्याणि प्र वोचं यः पार्थिवानि विममे रजाँसि यो

अस्कभायदुत्तरँ सधस्थं विचक्रमाण स्त्रेधोरुगायो

विष्णो रराटमसि विष्णोः पृष्ठमसि विष्णोः शन्यप्त्रे स्थो

विष्णोः स्यूरसि विष्णो ध्रुवमसि वैष्णवमसि विष्णावे त्वा । 27

(अस्य-यच्छैकान्न चत्वारिँशच्च) (A13)

1.2.14.1

कृणुष्व पाजः प्रसितिन्न पृथ्वीं याहि राजे वामवाँ इभे न ।

तृष्वीमनु प्रसितिं-द्रूणानोऽस्ताऽसि विध्य रक्षस स्तपिष्ठैः ।

तव भ्रमास आशुया पतंत्यनु स्पृश-धृषता शोशुचानः ।

तपूँष्यग्ने जुह्वा पतङ्गानसन्दितो विसृज विष्व गुल्काः ।

प्रतिस्पशो विसृज-तूर्णितमो भवा पायुर्विशो अस्या अदब्धः ।

यो नो दूरे अघशँसो - [] 28

1.2.14.2

यो अ॒न्त्यग्ने॑ मा॒किष्टे॑ व्य॒थिरा॑ द॒धर्षी॑त् ।
 उद॒ग्ने तिष्ठ॑ प्र॒त्या *ऽऽत॑नुष्व न्यमि॒त्राँ॑ ओष॒तात् ति॒ग्महे॑ते ।
 यो नो अ॒रातिँ॑ समि॒धान च॒क्रे नी॒चा तं ध॑क्ष्यत॒सं न शु॒ष्कं॑ ॥
 ऊ॒र्ध्वो भव॑ प्र॒तिवि॑ध्या-ऽध्य॒स्मदा॑ विष्कृ॒णुष्व॑ दै॒व्या॑न्यग्ने ।
 अ॒वस्थि॑रा तनु॒हि या॒तु जू॒नां जा॒मिम॑जा॒मिं प्र॑मृ॒णीहि॑ श॒त्रून् ।
 स ते - [] 29

1.2.14.3

जा॒नाति॑ सु॒मतिं॑ य॒विष्ठ॑य ई॒वते॑ ब्र॒ह्मणे॑ गा॒तुमै॑रत् ।
 वि॒श्वा॑न्यस्मै सु॒दिना॑नि रा॒यो द्यु॒म्नान्य॑र्यो वि॒दुरो॑ अ॒भि द्यौ॑त् ।
 से॒दग्ने॑ अस्तु सु॒भगः॑ सु॒दानु॑-र्य॒स्त्वा नि॒त्येन॑ ह॒विषा॑य उ॒क्थैः॑ ।
 पि॒प्री॑षति स्व आ॒युषि॑ दुरो॒णे वि॒श्वेद॑स्मै सु॒दिना॑ साऽस॒दिष्टिः॑ ।
 अ॒र्चामि॑ ते सु॒मतिं॑ घोष्य॒र्वाख्-सन्ते॑ वा वा ता॒ जर॑ता - [] 30

1.2.14.4

मियंगीः । स्वश्वा॑स्त्वा सु॒रथा॑ म॒र्जये॑-मा॒स्मे क्ष॒त्राणि॑ धा॒रये॑रनु॒ द्यून् ।
 इ॒ह त्वा॑ भू॒र्या च॑रे दु॒प॒त्मन्-दो॑षावस्त दी॒दिवा॑ꣳ स॒मनु॑ द्यून् ।
 क्री॒डन्त॑स्त्वा सु॒मन॑सः स॒पेमा॑भि द्यु॒म्ना त॑स्थिवाꣳ सो॒ जना॑नां ।
 य॒स्त्वा-स्व॑श्चः सु॒हिर॑ण्यो अ॒ग्न उप॑याति व॒सुम॑ता रथे॒न ।
 तस्य॑ त्रा॒ता-भ॑वसि तस्य॑ स॒खा य॒स्त आ॑तिथ्य मा॒नुष॑ग् जु॒जोष॑त् ।
 म॒हो रु॑जामि - [] 31

1.2.14.5

ब॒न्धुता॑ वचो॒भिस्त॑न्मा पि॒तुर्गो॑तमाद-न्वियाय ।
 त्व॒न्नो अ॒स्य व॑चस-श्चि॒किद्धि॑ हो॒तर्य॑विष्ठ सु॒क्रतो॑ द॒मूनाः॑ ।
 अ॒स्वप्र॑ज स्त॒रणयः॑ सु॒शेवा॑ अत॒न्द्रा सोऽवृ॑का अ॒श्रमि॑ष्ठाः ।
 ते पा॒यवः॑ स॒ध्रिय॑ञ्चो निष॒द्याग्ने॑ त॒वनः॑ पा॒न्त्वमू॑र ।
 ये पा॒यवो॑ मा॒मते॑यंते अ॒ग्ने प॑श्यन्तो अ॒न्धं दु॑रि॒ताद॑ र॒क्षन् ।
 र॒रक्ष॑तान्त् सु॒क्रतो॑ वि॒श्ववे॑दा दि॒प्सन्त॑ इ॒द्रिप॑वो ना ह - [] 32

1.2.14.6

दे॒भुः । त्वया॑ व॒य॒ꣳ स॒ध॒न्य-स्त्वो॒ता-स्तव॑ प्र॒णी॒त्य॑ श्याम॒ वाजा॑न् ।
 उ॒भा श॒ꣳसा॑ सू॒दय॑ सत्यता॒ते-ऽनु॑ष्ठुया कृ॒णु॒ह्य-ह॒याण॑ ।
 अ॒या ते॑ अ॒ग्ने॒ समि॑धा वि॒धेम॑ प्र॒तिस्तो॑म॒ꣳ श॒स्य॑मा॒नं गृ॑भाय ।
 द॒हाश॑सो र॒क्षसः॑ पा॒ह्यस्मा॑न् द्रु॒हो नि॒दो मि॒त्रम॑हो अव॒द्यात् ।
 र॒क्षो॒हणं॑ वा॒जिन॑माजि घ॒र्मि मि॒त्रं प्र॑थिष्ठ-मु॒पया॑मि श॒र्म ।
 शि॒शानो॑ अ॒ग्निः क्र॑तुभिः-समि॒द्धः-स॒नो दि॒वा - [] 33

1.2.14.7

स॒रि॒षः पा॒तु॒नक्तं॑ ।
 वि॒ज्यो॒तिषा॑ बृ॒हता॑ भा॒त्य॒ग्निरा॒वि-र्वि॒श्वानि॑ कृ॒णु॒तेम॑हित्वा ।
 प्रा॒दे॒वी-र्मा॒याः स॒हते॑-दु॒रे॒वाः शि॒शी॒ते शृ॒ङ्गे र॒क्षसे॑ वि॒निक्षे॑ ।
 उ॒त स्वा॒नासो॑ दि॒विष॑न्त्व॒ग्ने स्ति॒ग्मायु॑धा र॒क्षसे॑ ह॒न्त वा॑ उ ।
 म॒दे चि॒दस्य॑ प्र॒रुज॑न्ति भा॒मा न॑ व॒रन्ते॑ परि॒बाधो॑ अ॒दे॒वीः । 34
 (अ॒घश॑ꣳसः-स ते॑-ज॒रता॑ꣳ-रु॒जामि॑-ह
 दि॒वै-क॑च॒त्वारि॑ꣳश॒च्च)(A14)

Prasna Korvai with starting Padams of 1 to 14 Anuvaakams :-

(उ॒न्द॒न्त्वा॒-कू॒त्यै॒-दै॒वी॒-मि॒यन्ते॒-व॒स्व्यस्य॒-ॐ॒शु॒नाते॒-
सो॒मन्त॒-उ॒दायु॒षा प्र॒ च्यव॒स्वा-ॐ॒ने॒राति॒थ्य-म॒ॐ॒शु॒रॐ॒ शु॒र्-वि॒त्ताय॑नी
मे॒ऽसि॒ - यु॒ञ्चते॒ - कृ॒णु॒ष्व पा॒ज-श्च॑तु॒र्दश॑ ।)

Korvai with starting Padams of 1, 11, 21 Series of Panchaatis :-

(आ॒पो-व॒स्व्यसि॒ या तवे॒-य॒ङ्गी-श्च॑तु॒स्त्रि॒ॐ॒शत् ।)

First and Last Padam of Second Prasnam :-

(आ॒प उ॒न्दन्-त्व॑दे॒वीः ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

द्वितीयः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.3 प्रथमकाण्डे तृतीयः प्रश्नः अग्निष्टोमे पशुः

1.3.1.1

दे॒वस्य॑ त्वा स॒वितुः॑ प्र॒सवे॑ऽश्विनो॑ ब॒र्हुभ्यां॑ पू॒ष्णो ह॒स्ताभ्या॑मा ददे॑ऽभिर॒सि
ना॒रिर॑सि परि॒लिखि॑त् र॒क्षः परि॒लिखि॑ता अ॒रातय॑ इ॒दम॑ह र॒क्षसो॑ ग्री॒वा
अपि॑ कृ॒न्तामि॑ योऽस्मा॑न् द्वेष्टि॒ यं च॑ व॒यं द्वि॒ष्म इ॒दम॑स्य ग्री॒वा अपि॑
कृ॒न्तामि॑ दि॒वे त्वाऽन्तरि॑क्षाय त्वा पृथि॒व्यै त्वा शु॒न्धतां॑ लो॒कः पि॒तृष॑द॒नो
यवो॑ऽसि य॒वया॑स्मद्द्वेष्टो – [] 1

1.3.1.2

य॒वया॑रा॒तीः पि॒तृणां॑ स॒दन॑मस्युद्वि॒ स्त॒भाना॑ऽन्तरि॒क्षं पृ॒ण पृथि॑वीं
दृ॒ह द्यु॒तान॑स्त्वा मा॒रुतो॑ मि॒नोतु॑ मि॒त्राव॑रुणयो ध्रु॒वेण॑ ध॒र्मणा॑ ब्र॒ह्मव॑निं
त्वा क्ष॒त्रव॑नि सु॒प्रजा॑वनि रा॒यस्यो॑ष॒वनिं॑ पर्यू॒हामि॑ ब्र॒ह्म दृ॒ह क्ष॒त्रं
दृ॒ह प्र॒जां दृ॒ह रा॒यस्यो॑षं दृ॒ह घृ॒तेन॑ द्या॒वापृथि॑वी आ पृ॒णोथा॑मिन्द्र॒स्य

सदो॑ऽसि विश्व॑जनस्य॒ छाया॑ परि॒ त्वा गिर्व॑णो गिर॒ इमा () भव॑न्तु
विश्वतो॑ वृद्धायु॒मनु॑ वृद्धयो॒ जुष्टा॑ भवन्तु जुष्टय॒ इन्द्रस्य॑ स्यूरसीन्द्रस्य॑
ध्रुवम॑स्यैन्द्रमसीन्द्राय॒ त्वा । 2

(द्वेष - इमा - अष्टादश च) (A1)

1.3.2.1

रक्षो॑हणो॒ वलग॑हनो॒ वैष्णवान् ख॑नामीदमहं॒ तं वलग॑मुद्वपामि
यं नः॑ समा॒नो यम॑समानो॒ निच॑खानेदमे॒नमध॑रं करोमि यो नः॑ समा॒नो
योऽस॑मानोऽराती॒यति॑ गाय॒त्रेण॒ छन्द॑साऽवबाढो॒ वलगः॑ किमत्र॒ भद्रं॑ तन्नौ
सह॑ विराडसि सप॒त्नहा॑ सम्राडसि॒ भ्रातृ॑व्यहा॒ स्वरा॑डस्यभिमातिहा
विश्वा॑राडसि॒ विश्वा॑सां नाष्ट्राणां॑ हन्ता - [] 3

1.3.2.2

रक्षो॑हणो॒ वलग॑हनः प्रोक्षामि॒ वैष्णवान् रक्षो॑हणो॒ वलग॑हनोऽव॒ नयामि॑
वैष्णवान् यवो॑ऽसि यवया॒स्मद्वे॑षो यवया॒राती॑ रक्षो॑हणो॒ वलग॑हनोऽव
स्तृ॑णामि॒ वैष्णवान् रक्षो॑हणो॒ वलग॑हनोऽभि जुहोमि॒ वैष्णवान् रक्षो॑हणौ
वलग॑हनावुप॒ दधामि॑ वैष्णवी॒ रक्षो॑हणौ॒ वलग॑हनौ पर्यू॒हामि॑ वैष्णवी

रक्षो॑हणौ॒ वल॒गहनौ॑ परि॒ स्तृणामि॑ वैष्ण॒वी रक्षो॑हणौ॒ वल॒गहनौ॑ वैष्ण॒वी
बृ॒हन्न॑सि बृ॒हद्ग्रा॑वा बृ॒हती॑मिन्द्रा॒य () वाचं॑ वद । 4

(हन्ते॑-न्द्राय॒ द्वे च॑) (A2)

1.3.3.1

विभूर॑सि प्र॒वाह॑णो वहि॑रसि ह॒व्यवा॑हनः श्वा॒त्रोऽसि॑ प्र॒चेता॑स्तुथो॒ऽसि
वि॒श्ववे॑दा उ॒शिग॑सि क॒विरङ्घा॑रिरसि बं॒भारि॑रवस्यु॒रसि
दु॒वस्वाञ्छु॑न्ध्यूर॒सि मा॒र्जाली॑यः सं॒राड॑सि कृ॒शानुः॑ परि॒षद्यो॑ऽसि
प॒वमा॑नः प्र॒तक्वा॑ऽसि नभ॒स्वान॑संमृ॒ष्टोऽसि॑ ह॒व्यसू॑द ऋ॒तधा॑माऽसि
सु॒वर्ज्यो॑ति ब्र॒ह्मज्यो॑तिरसि सु॒वर्धा॑माऽजो॒ऽस्यैक॑पाद॒हिर॑सि बु॒ध्नियो॑
रौ॒द्रेणा॑नीकेन () पा॒हि मा॒ग्ने पि॒पृहि॑ मा मा मा हि॒ंसीः । 5

(अनी॑केना-ष्टौ च) (A3)

1.3.4.1

त्वञ् सोम॑ तनू॒कृद्भ्यो॑ द्वे॒षोभ्यो॑ऽन्यकृ॒तेभ्य॑ उरु॒ यन्ता॑ऽसि वरू॒थञ्
स्वाहा॑ जुषा॒णो अ॒प्तुरा॑ज्यस्य वेतु॒ स्वाहा॑ऽयन्नो अ॒ग्निर्व॑रिवः कृ॒णोत्व॑यं
मृ॒धः पु॒र एतु॑ प्र॒भिन्द॑न् । अ॒यञ् श॒त्रूञ्ज॑यतु॒ जर्ह॑षा॒णोऽयं॑ वा॒जं ज॑यतु॒

वा॒जसा॑तौ । उ॒रु वि॑ष्णो वि क्र॑मस्वो॒रु क्ष॑याय नः कृ॒धि ।

घृ॒तं घृ॑तयो॒ने पिब॑ प्र॒प्र य॒ज्ञप॑तिं ति॒र । सोमो॑ जिगाति गा॒तुवि॑ - [] 6

1.3.4.2

दे॒वाना॑मेति निष्कृ॒तमृ॒तस्य॑ योनि॑मा॒सद॑मदि॒त्याः सदो॑ऽस्यदि॒त्याः सद॑ आ
सी॒दैष वो॑ दे॒व स॑वि॒तः सोम॑स्त॒ रक्ष॑ध्वं मा वो॑ द॒भ दे॒तत्व॑ सोम॑ दे॒वो
दे॒वानु॑पा॒गा इ॒दम॑हं म॒नुष्यो॑ म॒नुष्या॑न्त् सह॑ प्र॒जया॑ सह॑ रा॒यस्पो॑षेण॒ नमो॑
दे॒वेभ्यः॑ स्व॒धा पि॒तृभ्य॑ इ॒दम॑हं निर्व॑रुणस्य॒ पाशा॑त् सु॒वर॑भि- [] 7

1.3.4.3

वि ख्ये॑षं वै॒श्वान॑रं ज्योति॑र॒ग्ने व्र॑तप॒ते त्वं व्र॑तानां व्र॑तप॒तिर॑सि॒या मम॑
त॒नूस्त्वय्य॑भू॒दिय॑ सा म॒यि या तव॑ त॒नू र्मय्य॑भू॒देषा॑ सा त्वयि॑यथा॒यथं नौ॑
व्र॑तप॒ते व्र॑ति॒नो व्र॑तानि । 8 (गा॒तुवि॒द-भ्ये-क॒त्रि॒श॒च्च) (A4)

1.3.5.1

अत्य॑न्या॒नगां॑ ना॒न्यानु॑पा॒ गाम॑र्वाक्त्वा प॒रैर॑वि॒दं प॒रोऽव॑रैस्तं त्वा जु॒षे
वै॒ष्णावं॑ दे॒वय॑ज्यायै दे॒वस्त्वा॑ स॒विता॑ म॒ध्वाऽन॑क्त्वोष॒धे त्रा॑यस्वैन॒
स्व॒धिते॑ मै॒न हि॑सी दि॒वम॑ग्रेण॒ मा ले॑खी॒रन्त॑रि॒क्षं म॒ध्येन॑ मा हि॑सीः

पृ॒थि॒व्या सं॑ भ॒व व॒नस्प॑ते श॒तव॑ल्शो वि॒ रो॒ह स॒हस्र॑वल्शा वि॒ वय॑ꣳ रु॒हेम॑
यं () त्वा ऽय॑ꣳ स्व॒धिति॑स्तेति॒जानः॑ प्र॒णिना॑य म॒हते॑ सौ॒भगा॑याच्छि॒न्नो
रा॒यः सु॒वीरः॑ । 9 (यं-दश॑ च) (A5)

1.3.6.1

पृ॒थि॒व्यै त्वा॒न्तरि॑क्षाय त्वा दि॒वे त्वा शु॒न्धतां॑ लो॒कः पि॒तृष॑दनो यवो॑ऽसि
यव॑यास्मद्द्वे॒षो य॒वया॑रातीः पि॒तृणा॑ꣳ स॒दन॑मसि स्वा॒वेशो॑ऽस्यग्रे॒गा
ने॒तृणां॑ व॒नस्प॑तिरधि त्वा स्था॒स्यति॑ तस्य॑ वि॒त्तादे॒वस्त्वा॑ स॒विता
म॒ध्वाऽन॑क्तु सु॒पिप्प॒लाभ्य॑स्त्वौष॒धीभ्य॑ उ॒द्विव॑ꣳ स्त॒भाना॑ऽन्तरि॒क्षं पृ॒ण
पृ॒थि॒वीमु॑परेण दृ॒ह ते ते॒ धामा॑न्यु॒श्मसि॑ - [] 10

1.3.6.2

ग॒म॒ध्ये गा॒वो य॒त्र भू॑रिशृ॒ङ्गा अ॒यासः॑ । अ॒त्राह॑ तदु॒रुगा॑यस्य वि॒ष्णोः॑ प॒रमं॑
प॒दम॑व भा॒ति भू॑रेः । वि॒ष्णोः॑ क॒र्माणि॑ पश्य॒त यतो॑ व्र॒तानि॑ प॒स्पशे॑ ।
इ॒न्द्रस्य॑ यु॒ज्यः स॒खा । तद्-वि॒ष्णोः॑ प॒रमं॑ प॒दꣳ स॒दा प॑श्यन्ति
सू॒रयः॑ । दि॒वीव॑ चक्षु॒रात॑तं । ब्र॒ह्मव॑निं त्वा क्ष॒त्रव॑निꣳ सु॒प्रजा॑वनिꣳ
रा॒यस्पोष॑वनिं प॒र्यूहा॑मि ब्र॒ह्म दृ॒ह क्ष॒त्रं दृ॒ह प्र॒जां दृ॒ह

रा॒य॒स्पोषं॑ () दृ॒ह॒ परि॒वीर॑सि परि॒ त्वा दै॒वीर्वि॑शो॒ व्यय॑न्तां॒ परी॒म॒
रा॒य॒स्पोषो॑ यज॒मानं॑ म॒नुष्या॑ अ॒न्तरि॑क्षस्य त्वा सा॒नाव॑व गू॒हामि॑ । 11

(उ॒श्म॒सि-पो॒षमे॑-का॒न्न वि॒शति॑श्च) (A6)

1.3.7.1

इ॒षे त्वो॑प॒वीर॑स्युपो॒ देवान् दै॒वीर्वि॑शः प्रा॒गु र्व॒ह्नीरु॑शिजो बृ॒हस्प॑ते धा॒रया॑
व॒सूनि॑ ह॒व्या ते॑ स्व॒दन्तां॑ दे॒व त्व॑ष्ट॒र्वसु॑ रण॒व रे॒वती॑ र॒मध्व॑-म॒ग्ने
ज॒नित्र॑म॒सि वृ॑षणौ स्थ उ॒र्वश्य॑स्यायु॒रसि॑ पु॒रुर॒वा घृ॑ते॒नाक्ते॑ वृ॒षणं॑ दधा॒थां
गा॒य॒त्रं छ॒न्दोऽनु॑ प्र जा॒यस्व॑ त्रै॒ष्टुभं॑ जा॒गतं॑ छ॒न्दोऽनु॑ प्र जा॒यस्व॑
भ॒वतं॑- [] 12

1.3.7.2

नः॑ स॒मन॑सौ स॒मो॒कसा॑व॒रेप॑सौ । मा य॒ज्ञं हि॑सिष्टं॒ मा य॒ज्ञप॑तिं
जा॒तवे॑दसौ शि॒वौ भ॑वत॒मद्य॑ नः । अ॒ग्नाव॑ग्निश्चरति प्र॒विष्ट॑ ऋ॒षीणां॑ पु॒त्रो
अ॒धि॒राज॑ ए॒षः । स्वा॒हाकृ॑त्य ब्र॒ह्मणा॑ ते जुहोमि॒ मा दे॒वानां॑ मिथु॒या
क॒र्भाग॑धेयं॑ । 13 (भ॒वत॑-मे॒कत्रि॑श॒च्च) (A7)

1.3.8.1

आ दद ऋतस्य त्वा देवहविः पाशेनाऽऽरभे धर्षा
मानुषानद्भ्यस्त्वौषधीभ्यः प्रोक्षाम्यपां पेरुरसि स्वात्तं चिथ् सदेवꣳ
हव्यमापो देवीः स्वदतैनꣳ सं ते प्राणो वायुना गच्छताꣳ सं
यज्ञत्रैरङ्गानि सं यज्ञपतिराशिषा घृतेनाक्तौ पशुं त्रायेथाꣳ रेवतीर्यज्ञपतिं
प्रियथाऽऽ* विशतोरो अन्तरिक्ष सजूर्देवेन - [] 14

1.3.8.2

वातेनास्य हविषस्त्मना यज समस्य तनुवा भव वर्षीयो वर्षीयसि
यज्ञे यज्ञपतिं धाः पृथिव्याः संपृचः पाहि नमस्त आतानाऽनर्वा प्रेहि
घृतस्य कुल्यामनु सह प्रजया सह रायस्पोषेणाऽऽपो देवीः शुद्धायुवः
शुद्धा यूयं देवाꣳ ऊढ्वꣳ शुद्धा वयं परिविष्टाः परिवेष्टारो वो
भूयास्म । 15 (देवन-चतुश्चत्वारिꣳशच्च) (A8)

1.3.9.1

वाक्त आ प्यायतां प्राणस्त आ प्यायतां चक्षुस्त आ प्यायताꣳ श्रोत्रं त
आ प्यायतां याते प्राणाञ्छुग्जगाम या चक्षुर्या श्रोत्रं यत्ते क्रूरं यदास्थितं

तत्त॑ आ॒ प्या॒यतां॑ तत्त॑ ए॒तेन॑ शु॒न्धतां॑ नाभि॒स्त आ॒ प्या॒यतां॑ पा॒युस्त॑ आ॒
प्या॒यता॑ञ् शु॒द्धाश्च॑रि॒त्राः श॒मद्भ्यः॑ - [] 16

1.3.9.2

श॒मोष॑धी॒भ्यः शं॑ पृ॒थिव्यै॑ श॒महो॑भ्या-मोष॑धे त्रा॒यस्वैन॑ञ् स्व॒धिते॑ मै॒नञ्
हि॒ञ्सी॒ रक्ष॑सां॒ भागो॑ऽसी॒दम॑हञ् रक्षो॑ऽध॒मं तमो॑ न॒यामि॑ योऽस्मा॑न् द्वेष्टि॒
यं च॑ व॒यं द्वि॑ष्म इ॒दमे॑न॒मध॑मं तमो॑ न॒यामी॑षे त्वा॒ घृ॒तेन॑ द्या॒वापृ॑थि॒वी
प्रो॒र्ण्वा॒था-म॑च्छि॒न्नो रा॑यः सु॒वीर॑ उ॒र्वन्त॑रि॒क्षम॑न्वि॒हि
वा॒यो वी॑हि () स्तो॒काना॑ञ् स्वा॒होर्ध्व॑न॒भसं॑ मा॒रुतं॑ ग॒च्छतं॑ । 17

(अ॒द्भ्यो-वी॑हि-पञ्च॒ च) (A9)

1.3.10.1

सं ते॑ म॒नसा॑ म॒नः सं॑ प्रा॒णेन॑ प्रा॒णो जु॑ष्टं दे॒वेभ्यो॑ ह॒व्यं
घृ॒तव॑थ् स्वा॒हैन्द्रः॑ प्रा॒णो अ॒ङ्गेअ॒ङ्गे नि॑ दे॒ध्यदै॑न्द्रो ऽपानो॑ अ॒ङ्गेअ॒ङ्गे
वि॒ बो॑भुव॒देव॑ त्वष्ट॒र्भूरि॑ ते स॒ञ् समे॑तु वि॒षुरू॑पा यथ् सल॑क्ष्माणो॒ भव॑थ
दे॒वत्रा॑ यन्त॒मव॑से सखा॒योऽनु॑ त्वा मा॒ता पि॒तरो॑ म॒दन्तु॑ श्रीर॑स्यग्नि॒स्त्वा
श्री॒णात्वा॑पः स॒मरि॑णन् वा॒तस्य॑ - [] 18

1.3.10.2

त्वा ध्रज्यै पू॒ष्णो र॒ज्या॑ अ॒पामो॑षधीना॒ ऽ रोहि॑ष्यै घृतं॑ घृतपावानः
 पि॒बत॑ वसां॑ वसापावानः पि॒बता-॑ऽन्तरिक्षस्य ह॒विर॑सि स्वाहा॑
 त्वाऽन्तरि॑क्षाय दि॒शः प्र॑दिश आ॒दिशो॑ वि॒दिश॑ उ॒द्दिशः॑ स्वाहा दिग्भ्यो॑
 नमो॑ दिग्भ्यः । 19 (वा॒तस्या-॑ष्टावि॒ंशति॑श्च) (A10)

1.3.11.1

समु॒द्रं गच्छ॑ स्वाहाऽन्तरि॑क्षं गच्छ स्वाहा दे॒व॑ ऽ स॒वितारं॑ गच्छ
 स्वाहाऽहो॑रात्रे गच्छ स्वाहा मि॒त्रावरु॑णौ गच्छ स्वाहा सोमं॑ गच्छ स्वाहा
 य॒ज्ञं गच्छ॑ स्वाहा छन्दा॑ ऽसि गच्छ स्वाहा द्या॒वापृ॑थिवी गच्छ स्वाहा नभो॑
 दि॒व्यं गच्छ॑ स्वाहाऽग्निं॑ वै॒श्वानरं॑ गच्छ स्वाहाऽद्भ्य॑स्त्वौषधीभ्यो॑ मनो॑
 मे॒ हा॒र्दि यच्छ॑ तनूं॑ त्वचं॑ पु॒त्रं न॑प्तारमशीय शु॒गसि॑ () तम॒भि शो॑च
 योऽस्मान् द्वेष्टि॑ यं च व॒यं द्वि॑ष्मो धाम्नो॑ धाम्नो॑ राजन्नि॒तो वरु॑ण नो मुञ्च
 यदा॒पो अ॒घ्निया॑ वरु॒णोति॑ श॒पाम॑हे ततो॑ वरुण नो मुञ्च । 20

(अ॒सि-॑षड्वि॒ंशति॑श्च) (A11)

1.3.12.1

ह॒विष्म॑तीरि॒मा आ॑पो ह॒विष्मा॑न् दे॒वो अ॑ध्व॒रो ह॒विष्मा॑ञ् आ वि॒वास॑ति
ह॒विष्मा॑ञ् अस्तु सूर्यः । अ॒ग्नेर्वो॑ ऽप॒न्नगृ॑हस्य स॒दसि॑ सा॒दयामि॑ सु॒म्नाय॑
सु॒म्निनीः॑ सु॒म्ने मा॑ धत्तेन्द्रा॒ग्नियो॑ भा॒गधे॑यीः स्थ मि॒त्राव॑रुणयो॒ भाग॑धेयीः
स्थ वि॒श्वेषां॑ दे॒वानां॑ भा॒गधे॑यीः स्थ य॒ज्ञे जा॑गृत । 21

(ह॒विष्म॑ती-श्चतु॒स्त्रिंशत्) (A12)

1.3.13.1

ह॒दे त्वा॑ म॒नसे॑ त्वा दि॒वे त्वा॑ सूर्या॒य त्वो॑र्ध्वमि॒मम॑ध्व॒रं कृ॑धि दि॒वि
दे॒वेषु॑ हो॒त्रा य॑च्छ सोम॒ राज॑न्नेह्य॒व रो॒ह मा॑ भे॒र्मा सं वि॑क्था मा त्वा
हि॒सिषं॑ प्र॒जास्त्वमु॑पावरोह प्र॒जास्त्वामु॑पावरोहन्तु शृ॒णोत्व॑ग्निः स॒मिधा॑
ह॒वं मे॑ शृ॒ण्वन्त्वा॑पो धि॒षणा॑श्च दे॒वीः ।

शृ॒णोत॑ ग्रा॒वाणो॑ वि॒दुषो॑ नु - [] 22

1.3.13.2

य॒ज्ञञ् शृ॒णोतु॑ दे॒वः स॒विता॑ ह॒वं मे॑ । दे॒वीरा॑पो अ॒पां न॑पाद्य ऊ॒र्मिर्ह॒विष्य॑
इन्द्रि॒यावान्-म॒दि॒न्तम॑स्तं दे॒वेभ्यो॑ दे॒वत्रा॑ धत्त शु॒क्रञ् शु॒क्रपे॑भ्यो येषां

भागः स्थ स्वाहा कार्ष्णि॑रस्य॒पा॒ऽपां॑ मृ॒ध्र॒ऽ समु॒द्रस्य॑ वो॒ऽक्षित्या॑
उन्नये॑ । यम॒ग्ने पृ॒थ्सु॑ मर्त्य॒मावो॑ वा॒जेषु॑ यं जु॒नाः ।

स यन्ता॑ शश्च॒तीरिषः॑ । 23

(नु सप्तचत्वारि॑ऽशच्च) (A13)

1.3.14.1

त्वम॒ग्ने रु॒द्रो अ॒सुरो॑ म॒हो दि॒वस्त्व॑ऽ श॒र्द्धो॑ मा॒रुतं॑ पृ॒क्ष ई॒शिषे॑ ।
त्वं वा॒तैर॒रुणै॒र्यासि॑ शंग॒यस्त्वं॑ पू॒षा वि॒धतः॑ पा॒सि नु॒त्मना॑ ।
आ वो॑ रा॒जान॑म॒ध्वर॒स्य रु॒द्र॑ऽ हो॒तार॑ऽ स॒त्यय॑ज॒ऽ रो॒दस्योः॑ ।
अ॒ग्निं पु॒रा त॑नयि॒न्नो र॑चि॒त्ता-द्वि॑रण्यरूपमवसे कृ॒णुध्वं॑ ।
अ॒ग्निर्हो॒ता नि॑ षसा॒दा य॑जी॒यानु॑प॒स्थे मा॒तुः सु॑र॒भावु॑ लो॒के ।
यु॒वा क॒विः पु॒रुनि॑ष्ठ - [] 24

1.3.14.2

ऋ॒तावा॑ ध॒र्ता कृ॑ष्टीनामु॒त म॒ध्य इ॒द्धः॑ ।
सा॒ध्वीम॑क॒ दे॒ववी॑तिं नो अ॒द्य य॒ज्ञस्य॑ जि॒ह्वा॒मवि॑दाम॒ गुह्यां॑ ।
स आ॒युरा॑ ऽगा॒थ्सुर॑भि॒र्वसानो॑ भ॒द्राम॑क॒ दे॒वहू॑तिं नो अ॒द्य ।

अ॒क्र॒न्द॒द॒ग्निः॑ स्त॒न॒य॒न्नि॒व॒ द्यौः॑ क्षा॒मा रे॒रि॒ह॒द्वी॒रु॒धः॑ स॒म॒ञ्ज॒न् ।
स॒द्यो ज॒ज्ञा॒नो वि॒ ही॒मि॒द्धो अ॒ख्य॒दा रो॒द॒सी भा॒नुना॑ भा॒त्यन्तः॑ ।
त्वे व॒सूनि॑ पु॒र्वणी॑क - [] 25

1.3.14.3

हो॒त॒र्दो॒षा व॒स्तो॒रे॒रिरे॑ य॒ज्ञिया॑सः । क्षा॒मे॒व वि॒श्वा भु॒व॒ना॒नि य॒स्मिन्त्स॑
सौ॒भ॒गा॒नि द॒धिरे॑ पा॒व॒के ।तु॒भ्यं ता अ॒ङ्गि॒र॒स्त॒म वि॒श्वाः सु॒क्षि॒त॒यः पृ॒थक् ।
अ॒ग्ने का॒माय॑ ये॒मिरे॑ ।अ॒श्या॒म तं का॒म॒म॒ग्ने त॒वो त्य॑श्या॒म र॒यि र॒यि॒वः
सु॒वी॒रं । अ॒श्या॒म वा॒ज॒म॒भि वा॒ज॒य॒न्तो ऽश्या॑म द्यु॒म्न॒म॒ज॒रा॒ज॒रं ते॑ ।
श्रे॒ष्ठं य॑वि॒ष्ठ भा॒रता॑ऽग्ने द्यु॒म॒न्त॒मा भ॑र । 26

1.3.14.4

व॒सो पु॒रु॒स्पृ॒ह र॒यिं ।
स श्चि॒ता॒न॒स्त॒न्य॒तू रो॒च॒न॒स्था अ॒ज॒रे॒भिर् नान॑द॒द्भि॒र्य॒वि॒ष्ठः ।
यः पा॒व॒कः पु॒रु॒त॒मः पु॒रू॒णि पृ॒थू॒न्य॒ग्नि॒रनु॑याति भ॒वन् ।
आ॒यु॒ष्टे वि॒श्वतो॑ द॒ध॒द॒य॒म॒ग्नि व॑रे॒ण्यः ।
पु॒न॒स्ते प्रा॒ण आ॑यति प॒रा य॒क्ष्म सु॒वामि॑ ते ।

आ॒यु॒र्दा अ॒ग्ने ह॒विषो॑ जु॒षा॒णो घृ॒तप्र॑ती॒को घृ॒तयो॑निरे॒धि ।

घृ॒तं पी॒त्वा मधु॑ चा॒रु ग॒व्यं पि॒तेव पु॒त्रम॒भि - [] 27

1.3.14.5

रक्ष॑तादि॒मं ।

तस्मै॑ ते प्र॒तिह॑र्यते जा॒तवे॑दो वि॒चर्ष॑णे । अ॒ग्ने जना॑मि सु॒ष्टुतिं॑ ।

दि॒वस्परि॑ प्रथ॒मं जज्ञे॑ अ॒ग्निर॒स्मद् द्वि॒तीयं॑ परि जा॒तवे॑दाः ।

तृ॒तीयम॒प्सु नृ॒मणा॑ अज॒स्रमि॑न्धा॒न ए॒नं ज॒रते॑ स्वा॒धीः ।

शु॒चिः पा॒वक॑ व॒न्द्योऽग्ने॑ बृ॒हद्वि॑ रो॒चसे॑ । त्वं घृ॒तेभि॑राहु॒तः ।

दृ॒शानो॑ रु॒क्म उ॒र्व्या व्य॑द्यौद्-दु॒र्मर्ष॑मायुः श्रि॒ये रु॒चानः॑ ।

अ॒ग्निर॒मृतो॑ अ॒भव॒द्वयो॑भि - [] 28

1.3.14.6

य॒देनं॑ द्यौ॒रज॑नय॒थ्सु॑रेताः ॥

आ य॒दिषे॑ नृ॒पतिं॑ ते॒ज आ॒नट्छु॑चि रे॒तो नि॑षि॒क्तं द्यौ॒रभी॑के ॥

अ॒ग्निः श॒र्द्धम॑नव॒द्यं यु॑वान॒ स्वा॒धियं॑ ज॒नय॑थ्सू॒दय॑च्च ।

स ते॑जी॒यसा॑ मन॒सा त्वो॑त॒ उत॑ शि॒क्ष स्व॑पत्यस्य॒ शिक्षोः॑ ।

अग्ने॑ रा॒यो नृ॑तमस्य॒ प्रभू॑तौ भू॒याम ते॑ सु॒ष्टुत॑यश्च॒ वस्वः॑ ।

अग्ने॑ सह॒न्तमा॑ भर॒ द्यु॒म्नस्य॑ प्रा॒सहा॑ र॒यिं । विश्वा॑ य - [] 29

1.3.14.7

श्च॒र्षणी॑रभ्यासा॒ वाजे॑षु सासहत् ।

तम॑ग्ने पृ॒तना॑सह॒ रयि॑ सह॒स्व आ॑ भर । त्वं॑ हि स॒त्यो अ॑द्भुतो

दा॒ता वा॑जस्य॒ गोम॑तः । उ॒क्षान्ना॑य॒ वशान्ना॑य॒ सोम॑पृ॒ष्ठाय॑ वे॒धसे॑ ।

स्तो॑मै॒ वि॒धेमा॑ऽनये॑ ।

व॒द्मा हि॑ सू॒नो अ॑स्य॒द्भस॑द्वा च॒क्रे अ॒ग्नि र्ज॑नुषा॒ ऽज्मा॑ऽन्नं॑ ।

स त्वं॑ न ऊ॒र्जसन॑ ऊ॒र्जं धा॑ रा॒जेव॑ जै॒रवृ॑के॒ क्षे॒ष्यन्तः॑ ।

अ॒ग्न आ॑यू॒षि - [] 30

1.3.14.8

पव॑स आ सु॒वोर्ज॑मिषं च नः । आ॒रे ब॑धस्व दु॒च्छुनां॑ ।

अग्ने॑ पव॒स्व स्व॑पा अ॒स्मै वर्चः॑ सु॒वीर्यं॑ । द॒धत्पो॑ष॒ रयि॑ म॒यि ।

अग्ने॑ पाव॒क रो॒चिषो॑ म॒न्द्रया॑ दे॒व जि॒ह्वाया॑ । आ दे॒वान् व॑क्षि॒ यक्षि॑ च ।

स नः पावक दीदिवोऽग्ने देवाँ इहा वह । उप यज्ञँ हविश्च नः ।
अग्निः शुचि व्रततमः शुचि विप्रः शुचिः कविः । शुची रोचत आहुतः ।
उदग्ने शुचयस्तव शुक्रा भ्राजन्त ईरते । तव ज्योतीँष्यर्चयः । 31
(पुरुनिष्ठः पुर्वणीक भ्राजन्त वयोभिर्य आयुँषि विप्रः
शुचिश्चतुर्दश च) (A14)

Prasna Korvai with starting Padams of 1 to 14 Anuvaakams :-

(देवस्य-रक्षोहणो -विभू-स्त्वँ सोमा- ऽत्यन्यानां - पृथिव्या -
इषे त्वा - ऽददे वाक्त-संते- समुद्रँ- हविष्मती- हृदे-
त्वमग्नेरुद्र-श्चतुर्दश ।)

Korvai with starting Padams of 1, 11, 21 Series of Panchaatis :-

(देवस्य-गमध्वे-हविष्मतीः-पवस-एकत्रिंशत् ।)

First and Last Padam of Third Prasnam:-

(दे॒व॒स्या-ऽर्च॑यः।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे
तृतीयः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.4 प्रथमकाण्डेचतुर्थः प्रश्नः सुत्यादिने कर्तव्या ग्रहाः

1.4.1.1

आ ददे॑ ग्रावा॑ऽस्य॑ध्वर॑कृद् दे॒वेभ्यो॑-गंभी॑रमि॒म-म॑ध्वरं
कृ॒ध्युत्त॑मे॒न प॑वि॒नेन्द्रा॑य सोम॑ सु॒षुतं॑ म॒धुम॑न्तं प॒यस्व॑न्तं
वृ॒ष्टि॒वनि॑मिन्द्रा॑य त्वा वृ॒त्रघ्न॑ इन्द्रा॑य त्वा वृ॒त्रतु॑र इन्द्रा॑य त्वाऽभि॑माति॒घ्न
इन्द्रा॑य त्वाऽऽदि॒त्यव॑त इन्द्रा॑य त्वा वि॒श्वदे॑व्याव॒ते श्वा॒त्राः स्थ॑ वृ॒त्रतु॑रो
रा॒धो॒गूर्ता॑ अ॒मृत॑स्य प॒त्नी॒स्ता दे॒वीर्दे॒वत्रे॑मं य॒ज्ञं ध॒त्तोप॑हू॒ताः सोम॑स्य
पि॒बतो॑ प॒हूतो॑ यु॒ष्माक॑ - [] 1

1.4.1.2

सोमः॑ पि॒बतु॑ य॒त्ते सोम॑ दि॒वि ज्योति॑र्यत् पृ॒थिव्यां॑ य॒दुरा॑व॒न्तरि॑क्षे ते॒नाऽस्मै॑
यज॑मा॒नायो॒रु रा॒या कृ॒ध्यधि॑ दा॒त्रे वो॒चो धि॑षणे वी॒डू स॒ती वी॑डये॒था-मूर्जं॑

द॒धा॒था॒मूर्जं॑ मे॒ धत्तं॑ मा॒ वा॒ँ हि॒ँसि॒षं॑ मा॒ मा॒ हि॒ँसि॒ष्टं॑

प्रा॒गपा॒गुद॒ग॒धरा॒क्तास्त्वा॑ दि॒श आ॒ धा॒वन्त्वं॑ नि॒ ष्वर॑ ।

यत्ते॑ () सो॒माऽदा॒भ्यं॑ ना॒म जा॒गृवि॑ तस्मै॑ ते सो॒म सो॒माय॑ स्वाहा॑ । 2

(यु॒ष्माक॑ँ – स्वर॒ यत्ते॑ –नव॒ च) (A1)

1.4.2.1

वा॒चस्प॑तये॒ पव॑स्व वा॒जिन् वृ॒षा वृ॒ष्णो अ॒ँशु॒भ्यां॑ ग॒भस्ति॑पूतो

दे॒वो दे॒वानां॑ पवि॒त्रम॑सि॒ येषां॑ भा॒गोऽसि॑ ते॒भ्यस्त्वा॑ स्वा॒ंकृ॒तोऽसि॑

मधु॑मती॒र्न इ॒षस्कृ॑धि वि॒श्वेभ्य॑स्त्वे॒न्द्रिये॑भ्यो दि॒व्येभ्यः॑ पा॒र्थिवे॑भ्यो

मन॑स्त्वा ऽष्टू॒र्वन्त॑रि॒क्ष-म॑न्वि॒हि स्वाहा॑ त्वा सु॒भवः॑ सू॒र्याय॑ दे॒वेभ्य॑स्त्वा

मरी॑चिपे॒भ्य ए॒ष ते॑ यो॒निः प्रा॒णाय॑ त्वा । 3

(वा॒चः-स॑प्तच॒त्वारि॑ँशत्) (A2)

1.4.3.1

उप॒या॒मगृ॑हीतो॒ ऽस्य॑न्त॒र्यच्छ॑ म॒घव॑न् पा॒हि सो॒ममु॑रु॒ष्य रा॒यः स॒मिषो॑

यज॑स्वाऽन्त॒स्ते द॑धामि द्या॒वापृ॑थि॒वी अ॒न्तरु॑र्वन्त॒रि॒क्षँ स॒जोषा॑ दे॒वैर॑व॒रैः

परै॑श्चाऽन्त॒र्यामे॑ म॒घव॑न् मा॒दय॑स्व स्वा॒ंकृ॒तोऽसि॑ मधु॑मती॒र्न इ॒षस्कृ॑धि

वि॒श्वेभ्य॑स्त्वेन्द्रि॒येभ्यो॑ दि॒व्येभ्यः॑ पा॒र्थिवे॑भ्यो म॒नस्त्वा ऽष्टू॑र्व॒न्तरि॑क्षमन्वि॒हि
स्वाहा॑ त्वा सु॒भवः॑ सू॒र्याय॑ दे॒वेभ्यः॑ ()स्त्वा म॒रीचि॑पेभ्य ए॒ष ते
यो॒निर॑पा॒नाय॑ त्वा । 4 (दे॒वेभ्यः-स॒प्त च) (A3)

1.4.4.1

आ वा॒यो भू॑ष शु॒चिपा॑ उप॒ नः स॒हस्रं॑ ते नि॒युतो॑ वि॒श्ववार॑ । उपो॑ ते अ॒न्धो
म॒द्यम॑यामि यस्य दे॒व द॒धिषे॑ पूर्॒वपे॑यं । उप॒याम॑गृहीतोऽसि वा॒यवे
त्वेन्द्र॑वायू इ॒मे सु॒ताः । उप॒ प्रयो॑भिरा ग॒तमि॑न्द्रवो वा॒मुश॑न्ति हि ।
उप॒याम॑गृहीतो-ऽसीन्द्र॑वायु॒भ्यां त्वैष॑ ते यो॒निः स॒जोषा॑भ्यां त्वा । 5
(आ वा॒यो- त्रि॑च॒त्वारि॑ञ्शत्) (A4)

1.4.5.1

अयं वाँ मि॒त्राव॑रुणा सु॒तः सोम॑ ऋ॒तावृ॑धा । म॒मेदि॑ह श्रु॒तञ् ह॒वं ।
उप॒याम॑गृहीतो-ऽसि मि॒त्राव॑रुणा॒भ्यां त्वैष॑ ते यो॒निर् ऋ॒तायु॑भ्यां त्वा । 6
(अयं वाँ - वि॑ञ्श॒तिः) (A5)

1.4.6.1

या वा॒ क॒शा॒ म॒धु॒म॒त्य॒श्चि॒ना॒ सू॒नृ॒ता॒वती॑ । तया॑ य॒ज्ञं॑ मि॒मिक्ष॑तं ।
उ॒प॒या॒म॒गृ॒ही॒तो॒-ऽस्य॑श्चि॒भ्यां॑ त्वैष॑ ते यो॒नि॒र्मा॒ध्वी॒भ्यां॑ त्वा । 7
(या वा- म॒ष्टाद॑श) (A6)

1.4.7.1

प्रा॒त॒र्यु॒जौ॒ वि॒ मु॒च्ये॒था॒-म॒श्चि॒ना॒वे॒ह ग॑च्छ॒तं । अ॒स्य॑ सो॒म॒स्य॑ पी॒तये॑ ।
उ॒प॒या॒म॒गृ॒ही॒तो॒-ऽस्य॑श्चि॒भ्यां॑ त्वैष॑ ते यो॒नि॒र॒श्चि॒भ्यां॑ त्वा । 8
(प्रा॒त॒र्यु॒जा॒वे॒-का॒न्न वि॑श्र॒तिः) (A7)

1.4.8.1

अ॒यं वै॒नश्चो॑द॒यत् पृ॑श्नि॒ग॒र्भा ज्यो॑ति॒र्ज॒रायू॑ र॒ज॒सो वि॒माने॑ ।
इ॒म॒म॒पा॒ञ् संग॑मे सूर्य॑स्य शि॒शुं न वि॒प्रा म॑ति॒भी रि॑हन्ति ।
उ॒प॒या॒म॒गृ॒ही॒तो॒-ऽसि॑ श॒ण्डा॒य त्वैष॑ ते यो॒नि॒र्वी॒रतां॑ पा॒हि । 9
(अ॒यं वै॒नः- पञ्च॑वि॒श्र॒तिः) (A8)

1.4.9.1

तं प्र॒ल॒था॒ पूर्॒व॒था॒ वि॒श्व॒थे॒म॒था॒ ज्ये॒ष्ठ॒ता॒तिं॑ ब॒र्हि॒ष॒द॒ꣳ सु॒व॒र्वि॒दं॑
प्र॒ती॒ची॒नं॑ वृ॒ज॒नं॑ दो॒ह॒से॑ गि॒राऽऽशुं॑ ज॒य॒न्त॒म॒नु॒ या॒सु॒ व॒र्द्ध॒से॑ ।
उ॒प॒या॒म॒गृ॒ही॒तो-ऽसि॑ म॒र्का॒य॒ त्वै॒ष ते॑ यो॒निः प्र॒जाः पा॒हि । 10
(तं॒प्र॒ल॒था-षट्॒विं॒शतिः॑) (A9)

1.4.10.1

ये दे॒वा दि॒व्ये॒का॒द॒श॒ स्थ॑ पृ॒थि॒व्या-म॒ध्ये॒का॒द॒श॒ स्थाऽ॒प्सु॒षदो॑
म॒हि॒नै॒का॒द॒श॒ स्थ॑ ते दे॒वा य॒ज्ञ॒मि॒मं जु॒ष॒ध्व-मु॒प॒या॒म॒गृ॒ही॒तो-
ऽस्या॒ग्र॒य॒णो॑ऽसि॒ स्वा॒ग्र॒य॒णो॑ जि॒न्व॒ य॒ज्ञं जि॒न्व॒ य॒ज्ञ॒प॒ति॒म॒भि॒ स॒व॒ना
पा॒हि वि॒ष्णु॒स्त्वां पा॒तु वि॒शं त्वं पा॒ही॒न्द्रि॒ये॒णै॒ष ते॑ यो॒नि वि॒श्वेभ्य॑स्त्वा
दे॒वेभ्यः॑ । 11 (ये दे॒वा-स्त्रि॒च॒त्वा॒रिं॒शत्) (A10)

1.4.11.1

त्रिं॒श॒त्र॒य॒श्च॑ ग॒णि॒नो॑ रु॒ज॒न्तो॑ दि॒वꣳ रु॒द्राः पृ॒थि॒वीं च॑ स॒च॒न्ते॑ ।
ए॒का॒द॒शा॒सो॑ अ॒प्सु॒षदः॑ सु॒तꣳ सो॒मं जु॒ष॒न्ताꣳ स॒व॒ना॒य वि॒श्वे॑ ।
उ॒प॒या॒म॒गृ॒ही॒तो-ऽस्या॒ग्र॒य॒णो॑ऽसि॒ स्वा॒ग्र॒य॒णो॑ जि॒न्व॒ य॒ज्ञं जि॒न्व॑

य॒ज्ञ॒प॒ति॒म॒भि॒ स॒व॒ना॒ पा॒हि॒ वि॒ष्णु॒स्त्वां॑ पा॒तु॒ वि॒शं॒ त्वं॑ पा॒ही॒न्द्रि॒ये॒णै॒ष ते॒
यो॒नि॒र्वि॒श्वे॒भ्य॒स्त्वा॒ दे॒वे॒भ्यः॑ । 12

(त्रि॒ंश॒त्रयो॒-द्वि॒च॒त्वारि॒ंश॒त्) (A11)

1.4.12.1

उ॒प॒या॒म॒गृ॒ही॒तो॒-ऽसी॒न्द्रा॒य॒ त्वा॒ बृ॒ह॒द्व॒तो॒ व॒य॒स्व॒त॒ उ॒क्था॒यु॒वे॒ य॒त्त॑
इ॒न्द्र॒ बृ॒ह॒द्व॒य॒स्त॒स्मै॑ त्वा॒ वि॒ष्ण॒वे॒ त्वै॒ष ते॒ यो॒नि॒रि॒न्द्रा॒य॒ त्वो॒क्था॒यु॒वे॑ । 13

(उ॒प॒या॒म॒गृ॒ही॒तो॒-ऽसी॒न्द्रा॒य॒-द्वि॒वि॒ंश॒तिः॑) (A12)

1.4.13.1

मू॒र्ध्ना॒नं॑ दि॒वो॒ अ॒र॒तिं॑ पृ॒थि॒व्या॒ वै॒श्वान॒र॒मृ॒ता॒य॒ जा॒त॒म॒ग्निं॑ ।
क॒वि॒ं॒ स॒म्रा॒ज॒-म॒ति॒थिं॑ ज॒ना॒ना॒मा॒स॒न्ना॒ पा॒त्रं॑ ज॒न॒य॒न्त॑ दे॒वाः ।
उ॒प॒या॒म॒गृ॒ही॒तो॒-ऽस्य॒ग्न॒ये॒ त्वा॒ वै॒श्वान॒रा॒य॒ ध्रु॒वो॒ऽसि॑ ध्रु॒व॒क्षि॒ति॒ ध्रु॒वा॒णां॑
ध्रु॒व॒त॒मो॒ऽच्यु॒ता॒ना॒-म॒च्यु॒त॒क्षि॒त्त॒म॒ ए॒ष ते॒ यो॒नि॒र॒ग्न॒ये॒ त्वा॒ वै॒श्वान॒रा॒य॑ । 14

(मू॒र्ध्ना॒नं॑-पञ्च॒त्रि॒ंश॒त्) (A13)

1.4.14.1

मधु॑श्च मा॒धवश्च शु॒क्रश्च शु॒चिश्च न॒भश्च न॒भस्य॑श्चेषश्चो॒र्जश्च
सह॑श्च सह॒स्यश्च तप॑श्च तप॒स्यश्चो॒-प॒याम॑गृहीतोऽसि
स॒ञ् स॒र्पोऽस्य॑ह॒स्पत्या॑य त्वा । 15 (मधु॑श्च-त्रि॒ञ्शत्) (A14)

1.4.15.1

इन्द्रा॑ग्नी आ ग॒तञ् सु॒तं गी॒र्भिर्न॒भो व॑रेण्यं । अ॒स्य पा॑तं धि॒येषि॑ता ।
उ॒प॒याम॑गृहीतो-ऽसीन्द्रा॑ग्निभ्यां त्वैष ते यो॒निरिन्द्रा॑ग्निभ्यां त्वा । 16
(इन्द्रा॑ग्नी वि॒ञ्शतिः) (A15)

1.4.16.1

ओ॒मासश्च॑र्षणीधृ॒तो वि॒श्वे दे॒वास आ ग॑त । दा॒श्वाञ्सो दा॑शुषः सु॒तं ।
उ॒प॒याम॑गृहीतो-ऽसि वि॒श्वेभ्य॑स्त्वा दे॒वेभ्य॑ एष ते यो॒निर्वि॒श्वेभ्य॑स्त्वा
दे॒वेभ्यः । 17 (ओ॒मासो वि॒ञ्शतिः) (A16)

1.4.17.1

म॒रुत्व॑न्तं वृ॒षभं वा॑वृ॒धानम॑क॒वारिं दि॒व्यञ् शा॒समिन्द्रं॑ ।
वि॒श्वासा॑हमवसे नू॒तना॑यो॒ग्रञ् स॒होदा॑मिह त॒ञ् हु॒वेम ।

उप॒याम॑गृ॒हीतो॑-ऽसीन्द्रा॑य त्वा मरु॒त्वत॑ ए॒ष ते यो॒निरिन्द्रा॑य
त्वा मरु॒त्वते॑ । 18 (मरु॒त्वन्त॑-षट्॒विंश॑तिः) (A17)

1.4.18.1

इन्द्र॑ मरु॒त्व इ॒ह पा॑हि सोमं यथा शाय॑ति अ॒पिबः॑ सु॒तस्य॑ ।
तव॑ प्र॒णीती॑ तव॑ शूर॒ शर्म॑न्ना-वि॒वास॑न्ति क॒वयः॑ सु॒यज्ञाः॑ ।
उप॒याम॑गृ॒हीतो॑-ऽसीन्द्रा॑य त्वा मरु॒त्वत॑ ए॒ष ते यो॒निरिन्द्रा॑य
त्वा मरु॒त्वते॑ । 19 (इन्द्रै॑कान्न त्रि॒ंशत्) (A18)

1.4.19.1

मरु॒त्वा-इन्द्र॑ वृष॒भो र॑णाय पि॒बा सोम॑मनु॒ष्वधं॑ म॒दाय॑ ।
आ सिञ्च॑स्व ज॒ठरे॑ म॒ध्व ऊ॒र्मिं त्व-राजा॑ऽसि प्र॒दिवः॑ सु॒तानां॑ ।
उप॒याम॑गृ॒हीतो॑-ऽसीन्द्रा॑य त्वा मरु॒त्वत॑ ए॒ष ते यो॒निरिन्द्रा॑य
त्वा मरु॒त्वते॑ । 20 (मरु॒त्वाने॑कान्न त्रि॒ंशत्) (A19)

1.4.20.1

महा॑-इन्द्रो॒ य ओज॑सा प॒र्जन्यो॑ वृष्टि॒मा-इव॑ ।
स्तोमै॑र्व॒थ्सस्य॑ वावृ॒धे ।

उप॒याम॑गृ॒हीतो-ऽसि॑ म॒हेन्द्रा॑य त्वैष ते योनि॑ म॒हेन्द्रा॑य त्वा । 21

(म॒हाने॑का॒न्न-वि॑श्र॒तिः) (A20)

1.4.21.1

महा॑ इन्द्रो नृ॒वदा॑ चर्ष॒णिप्रा॑ उ॒त द्वि॒र्ब॒र्हा अ॒मिनः॑ स॒होभिः॑ ।

अ॒स्मद्भि॑र्य॒ग्वावृ॑धे वी॒र्या॑यो॒रुः पृ॒थुः सु॒कृतः॑ क॒र्तृभि॑र्भूत् ।

उप॒याम॑गृ॒हीतो-ऽसि॑ म॒हेन्द्रा॑य त्वैष ते योनि॑ म॒हेन्द्रा॑य त्वा । 22

(म॒हान् नृ॒वथ् - षड्वि॑श्र॒तिः) (A21)

1.4.22.1

कदा॑ च॒न स्त॒रीर॑सि नेन्द्र॑ सश्च॒सि दा॒शुषे॑ । उ॒पोपे॑न्नु म॒घव॑न् भूय॒ इन्नु॑

ते दानं॑ दे॒वस्य॑ पृ॒च्यते॑ । उप॒याम॑गृ॒हीतोऽस्या॑-दि॒त्येभ्य॑स्त्वा ।

कदा॑ च॒न प्र यु॑च्छस्यु॒भे नि पा॑सि जन्म॒नी ।

तु॒रीया॑दि॒त्य स॒वनं॑ त इन्द्रि॒यमा॑ त॒स्था-व॑मृतं दि॒वि ।

य॒ज्ञो दे॒वानां॑ प्रत्ये॒ति सु॒म्नमा॑दि॒त्यासो॑ भव॒ता मृ॒डय॑न्तः ।

आ वो॒ () ऽर्वा॑ची सु॒मति॑-र्व॒वृत्या॑द॒श्च हो॒श्चिद्या॑ व॒रिवो॑वि॒त्तरा॑ऽसत् ।

वि॒वस्व॑ आ॒दि॒त्यैष॑ ते॒ सोम॑पी॒थस्ते॑न॒ म॒न्दस्व॑ ते॒न तृ॑प्य तृ॒प्यास्म॑
ते व॒यं त॑र्पयि॒तारो॑ या दि॒व्या वृ॑ष्टिस्तया॑ त्वा श्री॑णामि । 23

(वः- सप्तविंशतिश्च) (A22)

1.4.23.1

वा॒मम॑द्य स॒वि॒त॒र्वा॒ममु॑ श्रो दि॒वेदि॑वे वा॒मम॑स्मभ्य॑ सा॒वीः ।
वा॒मस्य॑ हि क्ष॒यस्य॑ दे॒व भू॑रे॒रया॑ धि॒या वा॒मभा॑जः स्याम ।
उ॒प॒या॒मगृ॑हीतो-ऽसि दे॒वाय॑ त्वा स॒वि॒त्रे । 24

(वा॒मं-च॑तुर्विंशतिः) (A23)

1.4.24.1

अ॒द॒ब्धो॒भिः स॒वि॒तः पा॒युभि॑ष्ट्व॑ शि॒वेभि॑रद्य परि पा॒हि नो॒ गयं॑ ।
हि॒र॒ण्य॒जिह्वः॑ सु॒वि॒ताय॑ न॒व्यसे॑ रक्षा॒ माकि॑र्नो अ॒घश॑स ई॒शत॑ ।
उ॒प॒या॒मगृ॑हीतोऽसि दे॒वाय॑ त्वा स॒वि॒त्रे । 25

(अ॒द॒ब्धेभि॑-स्त्रि॒योवि॑ंशतिः) (A24)

1.4.25.1

हिर॑ण्यपा॒णिमू॒तये॑ स॒वि॒तार॒मुप॑ ह्वये । स चे॒त्ता दे॒वता॑ प॒दं ।

उप॒याम॑गृही॒तो-ऽसि॑ दे॒वाय॑ त्वा स॒वि॒त्रे । 26

(हिर॑ण्यपा॒णिं-चतु॑र्दश) (A25)

1.4.26.1

सु॒शर्मा॑ऽसि सु॒प्रति॑ष्ठानो बृ॒हदु॒क्षे नम॑ ए॒ष ते॒ योनि॑

वि॒श्वेभ्य॑स्त्वा दे॒वेभ्यः॑ । 27 (सु॒शर्मा॑-द्वाद॑श) (A26)

1.4.27.1

बृ॒हस्प॑ति-सु॒तस्य॑ त इ॒न्द्रो इ॒न्द्रिया॑वतः प॒त्नीव॑न्तं ग्र॒हं गृ॒ह्णाम्य॑ग्रा(३)इ

प॒त्नीवा॑(३) स्स॒जूर्दे॒वेन॑ त्वष्ट्रा सोमं पिब स्वाहा ॥ 28

(बृ॒हस्प॑तिसु॒तस्य॑-पञ्च॑दश) (A27)

1.4.28.1

हरि॑रसि हा॒रियो॒जनो॑ ह॒र्योः॑ स्था॒ता वज्र॑स्य भ॒र्ता पृ॒श्नेः॑ प्रे॒ता तस्य॑ ते दे॒व

सोमे॑ष्टय॒जुषः॑ स्तु॒तस्तो॑मस्य श॒स्तोक्थ॑स्य हरि॒वन्तं॑ ग्र॒हं गृ॒ह्णामि॑

ह॒रीः स्थ॑ ह॒र्योर्द्वा॑नाः स॒हसो॑मा इ॒न्द्राय॑ स्वाहा ॥ 29

(हरि॑रसि-षड्विं॑शतिः) (A28)

1.4.29.1

अ॒ग्न॒ आ॒यू॒षि॑ पव॒स आ सु॒वो॒र्ज॒मिषं॑ च नः । आ॒रे बा॒धस्व॑ दु॒च्छु॒नां॑ ॥
उ॒प॒या॒म॒गृ॒ही॒तो-ऽस्य॑ग्नये॒ त्वा ते॒ज॒स्वत॑ ए॒ष ते॒ यो॒नि॒र॒ग्नये॑
त्वा ते॒ज॒स्वते॑ । 30 (अ॒ग्न॒ आ॒यू॒षि-त्रयो॑वि॒शतिः॑) (A29)

1.4.30.1

उ॒त्ति॒ष्ठ॒न्नो॒ज॒सा सह॑ पी॒त्वा शि॒प्रे अ॒वे॒पयः॑ । सो॒म॒मिन्द्र॑ च॒मू सु॒तं ।
उ॒प॒या॒म॒गृ॒ही॒तो-ऽसीन्द्रा॑य॒ त्वौज॑स्वत॒ ए॒ष ते॒ यो॒नि॒रिन्द्रा॑य॒ त्वौज॑स्वते । 31
(उ॒त्ति॒ष्ठ॒न्नेक॑वि॒शतिः॑) (A30)

1.4.31.1

तर॑णि वि॒श्वदर्श॑तो ज्योति॒ष्कृ॒दसि॑ सू॒र्य । वि॒श्व॒मा भा॑सि रो॒चनं॑ ।
उ॒प॒या॒म॒गृ॒ही॒तो-ऽसि॑ सू॒र्याय॑ त्वा भ्राज॑स्वत॒ ए॒ष ते॒ यो॒निः सू॒र्याय॑ त्वा
भ्राज॑स्वते । 32 (तर॑णि-वि॒श्व॒शतिः॑) (A31)

1.4.32.1

आ प्या॑यस्व मदि॒न्त॒म सो॒म वि॒श्वा॒भि-रू॒तिभिः॑ ।
भवा॑ नः स॒प्रथ॑स्तमः । 33 (आ प्या॑यस्व-नव॑) (A32)

1.4.33.1

ई॒यु॒ष्टे॒ ये॒ पूर्व॑तराम॒पश्यन्॑ व्यु॒च्छन्ती॑मु॒षसं॑ म॒र्त्या॒सः ।
अ॒स्माभि॑रू॒ नु॒ प्रति॑चक्ष्याऽभू॒दो ते॑ यन्ति॒ ये अ॑परी॒षु प॑श्यान् । 34
(ई॒यु-रे॒कान्न॑ वि॒श्रुतिः॑) (A33)

1.4.34.1

ज्यो॑तिष्मतीं॒ त्वा सा॑दयामि ज्यो॑तिष्कृतं॒ त्वा सा॑दयामि
ज्यो॑तिर्विदं॒ त्वा सा॑दयामि भा॒स्वतीं॑ त्वा सा॑दयामि
ज्वल॑न्तीं॒ त्वा सा॑दयामि म॒ल्मला॑भवन्तीं॒ त्वा सा॑दयामि
दी॒प्यमा॑नां॒ त्वा सा॑दयामि रो॒चमा॑नां॒ त्वा सा॑दयाम्यज॒स्रां
त्वा सा॑दयामि बृ॒हज्ज्यो॑तिषं॒ त्वा सा॑दयामि
बो॒धय॑न्तीं॒ त्वा सा॑दयामि जा॒ग्रतीं॑ त्वा सा॑दयामि । 35
(ज्यो॑तिष्मती॒-षट्त्रि॑ंशत्) (A34)

1.4.35.1

प्र॒यासा॑य स्वाहा॒ ऽऽया॑साय स्वाहा॒ वि॒यासा॑य स्वाहा॒ सँ॒यासा॑य
स्वा॒हो॒द्या॒साय॑ स्वाहा॒ऽव॒यासा॑य स्वाहा॒ शु॒चे॒ स्वाहा॒ शो॒काय॑ स्वाहा॒

तप्यत्वै॑ स्वाहा॑ तपते॑ स्वाहा॑ ब्रह्म॑हत्यायै॑ स्वाहा॑ सर्व॑स्मै॑ स्वाहा॑ । 36
(प्रया॒साय॒-चतुर्विं॑शतिः) (A35)

1.4.36.1

चित्तं॑ सं॒ताने॑न भव॑य॒क्त्वा रु॒द्रं तनि॑म्ना पशु॒पति॑स्थूल-हृदये॑नाग्निं॑
हृदये॑न रु॒द्रं लो॒हिते॑न शर्वं॑ मतस्नाभ्यां॑ महादे॒वमन्तः॑ पा॒र्श्वेनौषि॑ष्ठहन्॑
शिङ्गी-निको॑श्याभ्यां॑ । 37 (चित्त॑-म॒ष्टाद॑श) (A36)

1.4.37.1

आ तिष्ठ॑ वृत्रहन्॑ रथं॑ यु॒क्ता ते ब्रह्म॑णा हरी॑ । अ॒र्वाची॑नं॒ सु ते॒ मनो॑ ग्रा॒वा
कृ॒णोतु॑ व॒ग्नुना॑ । उ॒पया॑म॒गृही॑तोऽसीन्द्राय॑ त्वा षोड॒शिन॑ ए॒ष ते॒
यो॒निरिन्द्रा॑य त्वा षोड॒शिनै॑ । 38 (आ तिष्ठ॑-षट्॒विं॑शतिः) (A37)

1.4.38.1

इन्द्र॑मिद्धरी॑ वह॒तो-ऽप्र॑तिधृष्ट-शव॒समृ॑षीणां च स्तु॒तीरु॑प
य॒ज्ञं च॒ मानु॑षाणां । उ॒पया॑म॒गृही॑तोऽसीन्द्राय॑ त्वा षोड॒शिन॑ ए॒ष
ते यो॒निरिन्द्रा॑य त्वा षोड॒शिनै॑ । 39
(इन्द्र॑मित्-त्रयो॒विं॑शतिः) (A38)

1.4.39.1

अ॒सा॒वि॒ सो॒म इ॒न्द्र ते॑ श॒वि॒ष्ठ धृ॒ष्ण॒वा ग॒हि । आ॒ त्वा॒ पृ॒णक्त्वि॒न्द्रि॒यꣳ
रजः॑ सूर्यं॑ न रश्मि॑भिः । उ॒प॒या॒म॒गृ॒ही॒तोऽसी॒न्द्राय॑ त्वा षोड॒शि॒न
ए॒ष ते॑ यो॒नि॒रि॒न्द्राय॑ त्वा षोड॒शि॒ने ॥ 40

(असावि-सप्तविंशतिः) (A39)

1.4.40.1

सर्व॑स्य प्रति॒शी॒वरी॑ भूमि॒स्त्वो॒प॒स्थ आ॒ऽधि॒त । स्यो॒नाऽस्मै॑ सु॒षदा॑
भव॑ यच्छा॒ऽस्मै॑ शर्म॑ स॒प्र॒थाः ॥ उ॒प॒या॒म॒गृ॒ही॒तोऽसी॒न्द्राय॑ त्वा षोड॒शि॒न ए॒ष
ते॑ यो॒नि॒रि॒न्द्राय॑ त्वा षोड॒शि॒ने ॥ 41 (सर्व॑स्य षड्विं॒शतिः) (A40)

1.4.41.1

महा॑ꣳ इन्द्रो॑ वज्र॑ बाहुः॑ षोड॒शी शर्म॑ यच्छतु॑ । स्व॒स्ति नो॑ म॒घवा॑
करोतु॑ हन्तु॑ पाप्मानं॑ योऽस्मान् द्वेष्टि॑ । उ॒प॒या॒म॒गृ॒ही॒तोऽसी॒न्द्राय॑ त्वा
षोड॒शि॒न ए॒ष ते॑ यो॒नि॒रि॒न्द्राय॑ त्वा षोड॒शि॒ने ॥ 42

(महान्-षड्विंशतिः) (A41)

1.4.42.1

स॒जोषा॑ इन्द्रः॑ सग॑णो मरु॑द्भिः सोमं॑ पिब वृ॒त्रह॑ञ्छूर वि॒द्वान् ।
ज॒हि शत्रूँ॑ रप॒ मृधो॑ नुद॒स्वाऽथा॑ भयं कृणुहि वि॒श्वतो॑ नः ।
उप॒याम॑गृहीतोऽसीन्द्राय॑ त्वा षोड॒शिन् एष॑ ते
योनि॑रिन्द्राय॑ त्वा षोड॒शिन् ॥ 43 (स॒जोषा॑-त्रि॒ंशत्) (A42)

1.4.43.1

उदु॒ त्यं जा॑तवे॒दसं॑ दे॒वं वह॑न्ति के॒तवः॑ । दृ॒शो वि॑श्वाय॒ सूर्यं॑ ।
चि॒त्रं दे॒वाना॑-मुद॒गाद॑नीकं चक्षु॑ मि॒त्रस्य॑ वरु॒णस्या॑ग्नेः ।
आऽप्रा॑ द्यावापृथि॒वी अ॒न्तरि॑क्षं सूर्य॑ आ॒त्मा ज॑ग॒तस्त॑स्थुषश्च ।
अ॒ग्ने न॑य सु॒पथा॑ रा॒ये अ॒स्मान् वि॑श्वा॒नि दे॒व व॒युना॑नि वि॒द्वान् ।
यु॒योध्य॑स्म-ज्जु॒हुरा॑ण मे॒नो भू॑यिष्ठां ते नम॑ उ॒क्तिं वि॑धेम ।
दि॒वं ग॑च्छ सु॒वः प॑त रू॒पेण॑ - [] 44

1.4.43.2

वो रू॒पम॑भ्यैमि वय॑सा वयः॑ । तु॒थो वो॑ वि॒श्व वे॑दा वि भ॑जतु
वर्षि॑ष्ठे अ॒धि ना॑के ॥ ए॒तत्ते॑ अ॒ग्ने रा॒ध ऐ॒ति सो॑मच्यु॒तं तन्मि॑त्रस्य॑

पथा॑ न॒य॒र्त॒स्य॑ पथा॑ प्रे॒त॒ च॒न्द्र॒दक्षि॑णा य॒ज्ञ॒स्य॑ पथा॑ सु॒वि॒ता
न॒य॒न्ती॑ ब्रा॒ह्म॒णम॑द्य रा॒ध्या॒स॒मृषि॑मार्षे॒यं पि॒तृ॒म॒न्तं
पै॒तृ॒म॒त्यञ् सु॒धातु॑दक्षि॒णं वि॒ सु॒वः पश्य॑ व्य॒न्त॒रि॒क्षं
य॒त॒स्व स॒द॒स्यै () र॒स्मद्वा॒त्रा दे॒व॒त्रा ग॒च्छ॒त म॒धु॒म॒तीः प्र॒दा॒ता॒र॒मा
वि॒श॒ताऽन॒व॒हा॒याऽस्मा॑न् दे॒व॒या॒ने॒न प॒थे॒त सु॒कृ॒तां लो॒के सी॒द॒त
त॒न्नः सञ्स्कृ॑तं । 45 (रूपेण-सदस्यै-रष्टादश च) (A43)

1.4.44.1

धा॒ता रा॒तिः स॒वि॒ते॒दं जु॒ष॒न्तां प्र॒जा॒प॒ति नि॒धि॒प॒ति॒र्नो अ॒ग्निः ।
त्व॒ष्टा वि॒ष्णुः प्र॒ज॒या सञ् र॒रा॒णो य॒ज॒मा॒नाय॑ द्र॒वि॒णं द॒धातु॑ ।
स॒मि॒न्द्र णो॒ मन॒सा ने॒षि गो॒भिः सञ् सू॒रि॒भिर्म॒घ॒व॒न्थ् सञ् स्व॒स्त्या ।
सं ब्र॒ह्म॒णा दे॒व कृ॑तं य॒द॒स्ति सं दे॒वा॒नाञ् सु॒म॒त्या य॒ज्ञि॒या॒नां ।
सं व॒र्च॒सा प॒य॒सा सं त॒नू॒भि-र॒ग॒न्म॒हि मन॒सा सञ् शि॒वे॒न ।
त्व॒ष्टा नो॒ अ॒त्र व॒रि॒वः कृ॒णो - [] 46

1.4.44.2

त्व॒नु॒ मा॒र्षु॒ त॒नु॒वो॒ यद्वि॒लि॒ष्टं॑ ।

यद॒द्य॒ त्वा॑ प्र॒यति॑ य॒ज्ञे अ॒स्मिन्न॒ग्ने हो॒तार॑म॒वृणी॑मही॒ह ।

ऋ॒ध॒ग॒या॒ङ्घ्रि॒गु॒ताऽश॑मि॒ष्टाः प्र॒जान॑न् य॒ज्ञमु॑प॒ याहि॑ वि॒द्वान् ।

स्व॒गा वो॑ दे॒वाः स॒दन॑म॒कर्म॑ य आ॒जग्म॑ स॒वने॑दं जु॒षाणाः॑ ।

ज॒क्षि॒वा॒ँसः॑ प॒पि॒वा॒ँसश्च॑ वि॒श्वे॒ऽस्मे ध॑त्त॒ वस॑वो॒ वसू॑नि ।

या॒नाऽव॑ह॒ उ॒श॒तो॑ दे॒व दे॒वान् तान्॑ – [] 47

1.4.44.3

प्रे॒रय॑ स्वे॒ अ॒ग्ने स॒ध॒स्थे॑ । व॒ह॒मा॒ना भ॑र॒माणा॑ ह॒वी॒ँषि॑ व॒सुं

घ॒र्मं दि॒व॒मा ति॑ष्ठ॒ताऽनु॑ । य॒ज्ञं य॒ज्ञं ग॑च्छ॒ य॒ज्ञप॑तिं गच्छ॒ स्वां यो॑निं गच्छ॒

स्वा॒हैष॑ ते॒ य॒ज्ञो य॒ज्ञप॑ते॒ सह॑सू॒क्तवा॑कः सु॒वीरः॑ स्वा॒हा दे॒वा गा॑तु॒विदो॑ गा॒तुं

वि॒त्त्वा गा॑तु॒मित॑ मन॒सस्प॑त॒ इ॒मं नो॑ दे॒व दे॒वेषु॑ य॒ज्ञं स्वा॒हा वा॒चि स्वा॒हा

वा॒र्ते धाः॑ । 48 (कृ॒णो॒तु-ता॒न-ष्टा॑च॒त्वारि॑ँश्च॒) (A44)

1.4.45.1

उ॒रु॒ꣳ हि॒ रा॒जा व॒रु॒णश्च॒का॒र सूर्या॑य॒ प॒न्था॒मन्वे॑त॒वा उ॑ ।
अ॒पदे॑ पा॒दा प्र॒तिधा॑तवे-ऽक॒रु॒ता-ऽप॒वक्ता॑ हृ॒दया॑वि॒धश्चि॑त् ।
श॒तं ते॑ रा॒जन् भि॒षजः॑ स॒हस्र॑मु॒र्वी गं॒भीरा॑ सु॒मति॑ष्ठे अस्तु ।
बा॒धस्व॑ द्वे॒षो निर्ऋ॑तिं प॒राचैः॑ कृ॒तं चि॒देनः॑ प्र मु॒मुग्ध्य॑स्मत् ।
अ॒भिष्ठि॑तो व॒रु॒णस्य॑ पा॒शोऽग्ने॑रनी॒कम॑प आ वि॒वेश॑ ।
अ॒पा॒न्नपा॑त् प्र॒तिर॑क्ष॒न्न सु॒र्यं दमे॑दमे - [] 49

1.4.45.2

स॒मिधं॑ य॒क्ष्यग्ने॑ । प्र॒ति ते॑ जि॒ह्वा घृ॒तमु॑च्च॒रण्ये॑थ्
स॒मु॒द्रे ते॑ हृ॒दय॑म॒प्स्वन्तः॑ । सं त्वा॑ वि॒शन्त्वो॑ष॒धी-रु॒ताऽऽपो॑
य॒ज्ञस्य॑ त्वा य॒ज्ञप॑ते ह॒विर्भिः॑ । सू॒क्तवा॑के न॒मोवा॑के
वि॒धेमा॑ऽव॒भृथ॑ नि च॒ङ्कु॑ण नि॒चेरु॑र॒सि नि च॒ङ्कु॑णाऽव
दे॒वैर्दे॒व-कृ॒तमे॑नो॒ऽयाड॑व म॒र्त्यैर्म॑र्त्य-कृ॒तमु॑रो॒रा नो॑ दे॒व
रि॒षस्पा॑हि सु॒मित्रा॑ न आप॒ ओष॑धयः - [] 50

1.4.45.3

सन्तु दुर्मित्रास्तस्मै भूयासु योऽस्मान् द्वेष्टि यं च वयं द्विष्मो
 देवीराप एष वो गर्भस्तं वः सुप्रीतं सुभृतमकर्म
 देवेषु नः सुकृतो ब्रूतात्-प्रतियुतो वरुणस्य पाशः प्रत्यस्तो
 वरुणस्य पाश एधोऽस्येधिषीमहि समिदसि तेजोऽसि तेजो मयि
 धेह्यपो अन्वचारिषं रसेन समसृक्ष्महि ।
 पयस्वां अग्न आ () ऽगमं तं मा सं सृज वर्चसा । 51

(दमैदम-ओषधय- आ-षट्च) (A45)

1.4.46.1

यस्त्वा हृदा कीरिणा मन्यमानो ऽमर्त्यं मर्त्यो जोहवीमि ।
 जातवेदो यशो अस्मासु धेहि प्रजाभिरग्ने अमृतत्वमश्यां ।
 यस्मै त्वं सुकृते जातवेद उ लोकमग्ने कृणवः स्योनं ।
 अश्विनं स पुत्रिणं वीरवन्तं गोमन्तं रयिं नशते स्वस्ति ।
 त्वे सु पुत्र शवसोऽवृत्रन् काम कातयः । न त्वामिन्द्राति रिच्यते ।
 उक्थ-उक्थे सोम इन्द्रं ममाद नीथेनीथे मघवानं - [] 52

1.4.46.2

सु॒तासः॑ । यदी॑ꣳ स॒बाधः॑ पि॒तरं॑ न पु॒त्राः स॒मान॑दक्षा॒ अव॑से हवन्ते ।
 अ॒ग्ने र॑सेन तेजसा जा॒तवे॑दो वि रोच॑से । र॒क्षोहा॑ऽमीवचा॒तनः॑ ।
 अपो॑ अन्व॒चारिष॑ꣳ र॑सेन स॒मसृ॑क्ष्महि ।
 पय॑स्वाꣳ अ॒ग्न आ॑ऽगमं तं मा सꣳ सृ॒ज वर्च॑सा ।
 वसु॑र्वसुपतिर्हि॒कम॑स्यग्ने वि॒भाव॑सुः । स्याम॑ ते सु॒मता॑वपि ।
 त्वाम॑ग्ने वसुपतिं व॒सूना॑मभि प्र म॒न्दे – [] 53

1.4.46.3

अध्व॑रेषु राजन् । त्वया वाजं वा॒जय॑न्तो जये॒माऽभि॑ ष्याम पृथ॒सुती॑
 र्म॒र्त्यानां॑ । त्वाम॑ग्ने वाजसा॒तमं॑ वि॒प्रा वर्द्ध॑न्ति सु॒ष्टुतं॑ ।
 स नो॑ रास्व सु॒वीर्यं॑ ॥ अयं नो॑ अ॒ग्निर्व॑रिवः कृ॒णोत्व॑यं मृ॒धः पु॒र ए॒तु
 प्र॒भिन्द॑न् । अयꣳ श॒त्रूञ्ज॑यतु ज॒र्हषा॑णोऽयं वाजं जयतु वाजसा॒तौ ।
 अ॒ग्निना॑ऽग्निः स॒मिध्य॑ते क॒वि गृ॑हपति र्यु॒वा ॥ ह॒व्यवा॑ङ्-जु॒ह्वास्यः॑ ॥
 त्वꣳ ह्य॑ग्ने () अ॒ग्निना॑ वि॒प्रो वि॒प्रेण॑ सन्ध॒सता॑ । सखा॑ सख्या
 स॒मिध्य॑से ॥ उ॒दग्ने॑ शुचयस्तव >¹, वि ज्योतिषा >² ॥ 54

(म॒घ॒वा॒नं-म॒न्दे-ह्य॒ग्ने-च॒तु॒र्द॒श च) (A46)

Prasna Korvai with starting Padams of 1 to 46 Anuvaakams :-

आ द॒दे-वा॒चस्प॒तये॒-उ॒प॒या॒म॒गृ॒ही॒तोऽस्या॒ वा॒यो - अ॒यं वां -
॥ या॒वं-प्रा॒तर्यु॒जा-व॒यं-तं - ये दे॒वा-स्त्रि॒ंश-
दु॒प॒या॒म॒गृ॒ही॒तोऽसी॒-मू॒र्ध्ना॒नं-म॒धु॒श्चे-न्द्रा॒ग्नि ओ॒मा॒सो-म॒रु॒त्वन्त॒-
मि॒न्द्र म॒रु॒त्वो-म॒रु॒त्वान्-म॒हान्-म॒हान्नु॒वत्-क॒दा-वा॒म-म॒द॒ब्धेभि॒-
हि॒र॒ण्य॒पा॒णि॒-सु॒श॒र्मा-बृ॒हस्प॒ति सु॒तस्य॒ - ह॒रि॒र॒स्य-ग्न॒-
उ॒त्तिष्ठ॑न्-त॒र॒णि-रा॒प्या॒यस्वे॒-यु॒ष्टे ये॒- ज्यो॒तिष्म॑तीं- प्र॒या॒साय॑-
चि॒त्त-मा॒तिष्ठे॑-न्द्र॒-म॒सा॒वि-सर्व॑स्य॒-म॒हान्-स॒जोषा॑-
उ॒दु॒त्यं-धा॒तो-रु॒-हि॒-य-स्त्वा षट्च॑त्वारि॒ंशत् ।

Special Korvai for this Prasnam:-

वा॒च प्रा॒णाय॑ त्वा । उ॒प॒या॒म॒गृ॒ही॒तोऽस्य॑पा॒नाय॑ त्वा ।
आ वा॒यो वा॒यवे॑ स॒जोषा॑भ्यां त्वा । अ॒यमृ॒तायु॑भ्यां त्वा ।

या॑ वा॒मश्चि॒भ्यां॑ मा॒ध्वी॒भ्यां॑ त्वा । प्रा॒तर्यु॒जाव॑श्चि॒भ्याम॑श्चि॒भ्यां॑ त्वा ।
 अ॒य॒ꣳ श॒ण्डाय॑ वी॒रतां॑ पा॒हि । तं म॒र्काय॑ प्र॒जाः पा॒हि ।
 ये॑ दे॒वा स्त्रि॒ꣳश॒दाग्र॑य॒णोऽसि॑ वि॒श्वेभ्य॑स्त्वा दे॒वेभ्यः॑ ।
 उ॒पया॑म॒गृही॑तो-ऽसी॒न्द्राय॑ त्वो॒क्थायु॑वे । मू॒र्ध्ना॒नम॑ग्नये॒ त्वा वैश्वान॑राय ।
 म॒धुश्च॑ स॒ꣳ सर्पो॑ऽसि । इ॒न्द्रा॒ग्नी इ॒न्द्राग्नि॑भ्यां त्वा ।
 ओ॒मासो॑ वि॒श्वेभ्य॑स्त्वा दे॒वेभ्यः॑ । म॒रुत्वं॑ त॒न्त्रीणी॑न्द्राय॒ त्वा म॒रुत्व॑ते ।
 म॒हान्दे॑ म॒हेन्द्रा॑य॒ त्वा । क॒दा च॒नाऽऽदि॑त्येभ्य॒त्वा । क॒दा च॒न स्त॑री वि॒वस्व॑
 आ॒दित्य॑ । इ॒द्र॒ꣳ शु॒चिर॑पः । वा॒मन्त्री॑णी दे॒वाय॑ त्वा स॒वित्रे॑ । सु॒शर्मा॑ऽसि
 वि॒श्वेभ्य॑स्त्वा दे॒वेभ्यः॑ । बृ॒हस्प॑ति-सु॒तस्य॑ त्वष्ट्रा सोमं पिब स्वाहा ।
 ह॒रिर॑सि स॒हसो॑मा इ॒न्द्राय॑ स्वाहा । अ॒ग्न आ॒यूꣳष्य॑ग्नये॒ त्वा
 ते॒जस्व॑ते । उ॒त्तिष्ठ॑न्निन्द्राय॒ त्वौज॑स्वते । तर॒णिः सूर्या॑य॒ त्वा भ्राज॑स्वते ।
 आ ति॒ष्ठाद्या॑षट्तिन्द्राय॒ त्वा षोड॑शिने । उ॒दु त्यं चि॒त्रं ।
 अ॒ग्ने न॒य दि॒वं गच्छ॑ । उ॒रूमा॑युष्टे यद्दे॒वा मुमु॑ग्धि ।

अ॒ग्ना॒विष्णू॑ सु॒क्रतू॑ मु॒मुक्तं॑ । प॒रा वै प॒ङ्क्त्यः॑ । दे॒वा वै ये दे॒वाः
प॒ङ्क्त्यो॑ ॥ प॒रा वै स वाचं॑ ॥ भू॒मिर्व्य॑तृष्यन् ।
प्र॒जाप॑ति॒र्व्यक्षु॑ध्यन् । भू॒मिरा॑दि॒या वै । अ॒ग्निहो॑त्रमा॒दित्यो॑ वै ।
भू॒मिर्ले॑कः स॒लेकः॑ सु॒लेकः॑ । वि॒ष्णोरु॑दु॒त्तमं॑ ।
अ॒न्नप॑ते पु॒नस्वाऽऽदि॒त्याः । उ॒रुꣳ सꣳ सृ॒ज व॑र्चसा ।
यस्त्वा सु॒ष्टुतं॑ । त्वम॑ग्ने यु॒क्ष्वा हि सु॑ष्टि॒तिं ।
त्वम॑ग्ने वि॒चर्ष॑णे । य॒त्वा वि रो॑चसे ।

Korvai with starting Padams of 1, 11, 21 Series of Panchaatis :-

(आ ददे॑-ये दे॒वा-महा॑-नु॒त्तिष्ठ॑न्थ्-सर्व॑स्य-सन्तु
दुर्मि॑त्रा-श्रु॒तुष्पञ्चा॑शत् ।)

First and Last Padam of Fourth Prasnam :-

(आ ददे॑-वि ज्यो॑तिषा ।)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे चतुर्थः प्रश्नः समाप्तः ॥

1.4.1 Annexure for 1.4

1.4.46.3 उ॒द॒ग्ने॑ शु॒च॒य॒स्त॒व॒ >¹

उ॒द॒ग्ने॑ शु॒च॒य॒स्त॒व॒ शु॒क्रा॑ भ्राजन्त ईरते । त॒व॒ ज्योती॑ ऽर्च्यः ।

(TS 1-3-14-8)

1.4.46.3 -वि॒ ज्योति॑षा >²

वि॒ज्योति॑षा बृ॒ह॒ता॑ भा॒त्य॒ग्नि॒रा॒वि-वि॒श्वानि॑ कृ॒णु॒ते॒म॒हि॒त्वा ।
प्रा॒दे॒वी-मा॒याः॑ स॒ह॒ते-दु॒रे॒वाः॑ शि॒शी॒ते॒ शृ॒ङ्गे॑ रक्ष॒से॒ वि॒नि॒क्षे॑ ।

(TS 1-2-14-7)

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.5 प्रथमकाण्डेपञ्चमः प्रश्नः पुनराधानं

1.5.1.1

दे॒वासुराः सँ॑य॒त्ता आ॒सन्ते दे॒वा वि॒जय॑मु॒पय॑न्तोऽग्नौ॒ वामं॑ व॒सु सं
न्य॒दध॑ते॒दमु॑ नो भ॒विष्य॑ति॒ यदि॑ नो जे॒ष्यन्ती॑ति॒ तद॑ग्नि॒र्न्य॒काम॑यत
तेनापा*क्रामत् तद्दे॒वा वि॒जित्या*वरु॑रु॒थ्समा॑ना अ॒न्वाय॑न् तद॒स्य
सह॒साऽऽदि॑त्सन्त॒ सोऽरो॑दी॒द्यद॑रो॒दीत् तद् रु॒द्रस्य॑ रु॒द्रत्वं
य॑दश्च॒शीय॑त तद् - [] 1

1.5.1.2

रज॑तं हिर॒ण्यम॑भवत् तस्माद्-रज॑तं हिर॒ण्यम॑दक्षि॒ण्यम॑श्रुजं हि
यो बर्हि॑षि द॒दाति॑ पु॒राऽस्य॑ सँव॒त्सरा॑द् गृ॒हे रु॑दन्ति॒ तस्माद्-बर्हि॑षि
न दे॒यं सोऽग्नि॑रब्रवीद्-भा॒ग्यसा॑न्यथ॒ व इ॒दमि॑ति पु॒नरा॑धेयं ते
के॒वल॑मि॒त्यब्रु॑वन्-नृ॒ध्नव॑त् खलु॒ स इ॒त्यब्रु॑वीद्यो मद्दे॒वत्य॑म॒ग्निमा॑दधा॒ता

इति तं पू॒षाऽऽध॑त्त तेन – [] 2

1.5.1.3

पू॒षाऽऽध॑र्नोत् तस्मात् पौ॒ष्णाः प॒शव॑ उच्यन्ते तं त्वष्टाऽऽध॑त्त तेन
 त्वष्टाऽऽध॑र्नोत् तस्मात् त्वाष्ट्राः प॒शव॑ उच्यन्ते तं म॒नुराऽध॑त्त तेन
 म॒नुराध॑र्नोत् तस्मान्मान॒व्यः प्र॒जा उच्यन्ते तं धा॒ताऽऽ*ध॑त्त तेन
 धा॒ताऽऽ*ध॑र्नोत् सँव॒त्सरो॒ वै धा॒ता तस्मात् सँव॒त्सरं॑ प्र॒जाः
 प॒शवोऽनु॑ प्र जायन्ते य एवं पुनराधेयस्यर्द्धिँ वेद – [] 3

1.5.1.4

ध॑र्नोत्येव योऽस्यै॒वं ब॒न्धुतां॑ वे॒द ब॒न्धुमा॑न् भवति भा॒गधे॑यं वा
 अ॒ग्निरा॑हित इच्छ॒मानः॑ प्र॒जां प॒शून् यज॑मानस्योप दो॒द्रावो॑द्वास्य पुनरा
 द॒धीत॑ भा॒गधे॑येनै॒वैनं॑ सम॒र्द्धय॑त्यथो शान्तिरे॒वास्यै॑षा पुनर्व॒स्वोरा
 द॒धीतै॑तद्वै पुनराधेयस्य नक्ष॒त्रं य॑त् पुनर्व॒सू स्वा॑यामे॒वैनं॑ दे॒वता॑यामा॒धाय॑
 ब्र॒ह्मव॑र्चसी भवति द॒र्भै() रा द॑धात्ययातयाम॒त्वाय॑ द॒र्भैरा॑ द॒धात्य॑द्भ्य
 ए॒वैन॑मोषधीभ्यो ऽव॒रुध्या॑ ऽऽ*ध॑त्ते पञ्च॒कपालः॑ पु॒रोडा॑शो
 भवति पञ्च॒ वा ऋ॒तव॑ ऋ॒तुभ्य॑ ए॒वैन॑मव॒रुध्या॑ ऽऽ*ध॑त्ते । 4

(अशी॑यत् तत्- तेन॑-वेद॑- द॒र्भैः पञ्च॑विं॒शति॑श्च) (A1)

1.5.2.1

परा॑ वा ए॒ष य॒ज्ञं प॒शून् व॒पति॑ योऽग्नि॑मु॒द्वास॑यते पञ्च॑कपालः पुरो॒डाशो॑
भवति॑ पा॒ङ्क्तो य॒ज्ञः पा॒ङ्क्तः प॒शवो॑ य॒ज्ञमे॒व प॒शून् व रु॒न्धे वी॒रहा॑ वा ए॒ष
दे॒वानां॑ योऽग्नि॑मु॒द्वास॑यते न वा ए॒तस्य॑ ब्रा॒ह्मणा॑ ऋ॒ताय॑वः पुरा॒न्नम॑क्षन्
प॒ङ्क्त्यो॑ या॒ज्यानु॑वाक्या भवन्ति॑ पा॒ङ्क्तो य॒ज्ञः पा॒ङ्क्तः पुरु॑षो दे॒वाने॒व
वी॒रं नि॒रव॑दायाग्निं पुनरा - [] 5

1.5.2.2

धत्ते॑ श॒ताक्ष॑रा भवन्ति॑ श॒तायुः॑ पुरु॒षः श॒तेन्द्रि॑य आयु॒ष्येवेन्द्रि॑ये
प्रति॑ तिष्ठति॒ यद्वा अ॒ग्निरा॑हितो न॒र्ध्यते॑ ज्यायो॑ भा॒गधे॑यं नि॒काम॑यमानो
यदा॑ग्नेयं॒ सर्वं॑ भवति॑ सै॒वास्य॑र्द्धिः सं वा ए॒तस्य॑ गृ॒हे वा॒क्सृ॑ज्यते
योऽग्नि॑मु॒द्वास॑यते स वाचं॑ स॒ सृष्टां॑ यज॒मान ई॒श्वरो॑ऽनु॒ परा॑भवितो
वि॒भक्त्यो॑ भवन्ति॑ वा॒चो वि॒धृत्यै॑ यज॒मान॑स्या-परा॑भावाय - [] 6

1.5.2.3

वि॒भक्तिं॑ करो॒ति ब्र॒ह्मै॒व तद॑करु पा॒ञ्शु य॑जति यथा वा॒मं वँ॑सु वि॒विदा॒नो
गू॒हति॑ तादृ॒गे॒व तद॑ग्निं प्रति स्वि॒ष्टकृ॑तं निरा॒ह यथा॑ वा॒मं वँ॑सु वि॒विदा॒नः
प्र॒काशं॑ जिगमिषति तादृ॒गे॒व तद्वि॑भक्तिमुक्त्वा प्रयाजे॒न
वषट्करो॒त्याय॑तनादे॒व नैति॑ यज॒मानो॒ वै पु॒रोडा॑शः प॒शव॑ ए॒ते आ॒हुती॑
यद॒भितः॑ पु॒रोडा॑शमे॒ते आ॒हुती॑ – [] 7

1.5.2.4

जु॒होति॑ यज॒मानमे॒वोभ॑यतः प॒शुभिः॑ परि गृ॒ह्णाति॑ कृ॒तय॑जुः सं भृ॒तसं॑भार
इ॒त्याहु॑र्न संभृ॒त्याः सं॑भारा न यजुः कर्त॒व्यमि॑त्यथो खलु संभृ॒त्या ए॒व
सं॑भाराः कर्त॒व्यं य॑जु र्य॒ज्ञस्य॑ समृ॒द्ध्यै पु॒नर्नि॑ष्कृतो रथो दक्षि॒णा
पु॒नरु॑थ्स्यू॒तं वा॑सः पु॒नरु॑थ्सृ॒ष्टोऽन॑ड्वान् पु॒नरा॑र्धेयस्य समृ॒द्ध्यै स॒प्त ते॑
अ॒ग्ने स॒मिधः॑ स॒प्त जि॒ह्वा इ॒त्यग्नि॑हो॒त्रं जु॒होति॑
यत्र॑यत्रै॒वास्य॑ न्य॒क्तं तत॑ – [] 8

1.5.2.5

ए॒वैन॒मव॑ रु॒न्धे वी॒रहा॑ वा ए॒ष दे॒वानां॑ यो॒ऽग्निमु॑द्वा॒सय॑ते तस्य वरुण
 ए॒वर्ण॑यादा॒ग्निवा॑रुण-मे॒काद॑शकपालमनु निर्व॑पेद्यं चैव हन्ति
 यश्चा॒स्यर्ण॑यात्तौ भा॒गधे॑येन प्रीणाति नाऽऽर्ति॑माच्छति यज॑मानः । 9
 (आ-ऽप॒राभा॑वाय-पु॒रोडा॑शमे॒ते-आहु॑ती-ततः-षट्त्रिं॑शच्च) (A2)

1.5.3.1

भूमि॑ भू॒म्ना द्यौ॑ वरि॒णाऽन्तरि॑क्षं महि॒त्वा ।
 उप॑स्थे ते दे॒व्यदि॑ते ऽग्निम॑न्नादमन्नाद्याया ऽऽद॑धे । आऽयं॑ गौः
 पृ॒श्नि॒र॒क्रमी॑दसनन् मा॒तरं पुनः॑ । पि॒तरं च॑ प्र॒यन्त्सु॑वः । त्रिं॑शब्दाम॒ वि
 राज॑ति वाक् प॒तंगा॑य शि॒श्रिये॑ । प्र॒त्यस्य॑ वह॒ द्युभिः॑ । अस्य
 प्रा॒णाद॑पा॒नत्य॑न्तश्चरति रो॒चना॑ । व्य॒ख्यन् महि॑षः सु॒वः । यत्त्वा - [] 10

1.5.3.2

क्रु॒द्धः प॒रोव॑प म॒न्युना॑ यदव॑र्त्या । सु॒कल्प॑म॒ग्ने तत्तव॑ पु॒नस्त्वो॑दीपयामसि ।
 यत्ते॑ म॒न्युप॑रो॒प्तस्य॑ पृथि॒वीमनु॑ दध्वसे ।
 आ॒दि॒त्या वि॒श्वे तद्दे॒वा वस॑वश्च स॒माभ॑रन् ।

मनो॑ ज्योति॑ र्जुषता॑माज्यं॑ विच्छिन्नं॑ यज्ञ॑ꣳ समिमं॑ दधातु ।

बृहस्पति॑स्तनुता॑मिमं॑ नो विश्वे॑ देवा इह॑ मादयन्तां ।

सप्त॑ ते अग्ने॑ समिधः॑ सप्त॑ जिह्वाः॑ सप्त॑ - [] 11

1.5.3.3

र्षयः॑ सप्त॑ धाम॑ प्रियाणि॑ ।

सप्त॑ होत्राः॑ सप्त॑धा त्वा यजन्ति॑ सप्त॑ योनीरा॑ पृणस्वा॑ घृतेन॑ ।

पुनरूर्जा॑ नि वर्तस्व॑ पुनरग्न॑ इषाऽऽयुषा॑ । पुनर्नः॑ पाहि विश्वतः॑ ।

सह॑ रय्या॑ नि वर्तस्वाग्ने॑ पिन्वस्व॑ धारया॑ । विश्वफ॑स्निया विश्वत॑स्परि॑ ।

लोकः॑ सलोकः॑ सुलोक॑स्ते न आदित्या॑ आज्यं॑ जुषाणा॑ वियन्तु॑ केतः॑

सकेतः॑ सुकेत॑स्ते न () आदित्या॑ आज्यं॑ जुषाणा॑ वियन्तु॑ विवस्वाꣳ

अदिति॑ र्देवजूति॑स्ते न आदित्या॑ आज्यं॑ जुषाणा॑ वियन्तु॑ । 12

(त्वा-जिह्वाः सप्त-सुकेतस्ते न-स्त्रयो दश च) (A3)

1.5.4.1

भूमि॑ भू॒म्ना द्यौ॑ वरि॒णेत्या॑हा-ऽऽशि॒षैवैन॑मा ध॒त्ते सर्पा॑ वै जी॒र्यन्तो॑ ऽमन्यन्त॑
स ए॒तं क॑सर्णीरः का॒द्रवे॑यो मन्त्र॑मपश्यत् ततो॑ वै ते जी॒र्णास्त॑नूरपा॒घ्नत॑
सर्प॑राज्ञिया ऋ॒ग्भिर्गार्.ह॑पत्य॒मा द॑धाति पुन॑र्नवमे॒वैन॑मजरं कृ॒त्वा
ऽऽ*ध॒त्तेऽथो॑ पू॒तमे॒व पृ॑थिवीमन्नाद्यं नोपा॑नमथ्सैतं - [] 13

1.5.4.2

मन्त्र॑मपश्यत् ततो॑ वै तामन्नाद्यमुपा॑नमद्यथ-सर्प॑राज्ञिया ऋ॒ग्भिर्
गार्.ह॑पत्य-माद॑धात्यन्नाद्यस्या वरु॑ध्या अथो अ॒स्यामे॒वैनं॑ प्रति॑ष्ठितमा
ध॒त्ते यत्त्वा॑ क्रु॒द्धः प॑रोवपेत्याहाप हु॒त ए॒वास्मै॑ तत्
पुन॑स्त्वोदीपयामसीत्याह॒ समि॑न्ध ए॒वैनं॑ य॒त्ते म॒न्युप॑रोप्तस्येत्याह
दे॒वता॑भिरेवै - [] 14

1.5.4.3

न॒ञ् सं भ॑रति वि वा ए॒तस्य॑ य॒ज्ञश्छि॑द्यते यो॒ऽग्नि॑मु॒द्वास॑यते
बृ॒हस्प॑तिवत्यर्चोप तिष्ठते ब्र॒ह्म वै दे॒वानां॑ बृ॒हस्प॑ति ब्र॒ह्मणै॑व
य॒ज्ञञ् सं द॑धाति वि॒च्छिन्नं॑ य॒ज्ञञ् समि॑मं दधा॒त्वित्या॑ह संत॑त्यै

वि॒श्वे दे॒वा इ॒ह मा॒दय॒न्तामि॒त्याह॑ स॒न्तत्यै॒व य॒ज्ञं दे॒वेभ्योऽनु॑ दि॒शति॑
स॒प्त ते अ॒ग्ने स॒मिधः॑ स॒प्त जि॒ह्वा - [] 15

1.5.4.4

इ॒त्याह॑ स॒प्तस॒प्त वै स॒प्तधाऽग्नेः॑ प्रि॒यास्तनु॑वस्ता ए॒वाव रु॒न्धे
पुन॑रूर्जा॒ सह र॒य्येत्य॑भितः पु॒रोडा॑शमाहु॒ती जु॒होति॑ यज॒मानमे॒वोर्जा च॑
र॒य्या चो॑भयतः परि गृ॒ह्णात्यादि॒त्या वा अ॒स्माल्लो॒कादमुं॑
ँलो॒कमा॒यन्तेऽमु॑ष्मिन् ँलो॒के व्य॑तृष्यन्त इ॒मं ँलो॒कं
पुन॑रभ्यवे॒त्याऽग्नि॑मा॒धायै॒तान् () हो॒मान॑जुहवुस्त आ॒र्ध्नुव॑न्ते सु॒वर्गं
ँलो॒कमा॒यन् यः प॒राची॑नं पुन॒राधे॒याद॑ग्निमा॒दधी॑त स ए॒तान् हो॒मां
जु॒हुया॒द्यामे॒वाऽऽदि॒त्या ऋ॒द्धिमा॒र्ध्नुव॑न् ता॒मेव॑ध्नोति । 16

(सै॒तं-दे॒वता॑भिरे॒व-जि॒ह्वा-ए॒तान्-पञ्च॑विं॒शति॑श्च)(A4)

1.5.5.1

उप॒प्रय॑न्तो अ॒ध्वरं॑ मन्त्रं वो॒चेमा॑ग्नये । आ॒रे अ॒स्मै च॑ शृण्वते ।
अ॒स्य प्र॒त्नाम॑नु द्युतं शु॒क्रं दु॒दुहे॑ अ॒हयः॑ । प॒यः स॒हस्र॑सामृषिं ।
अ॒ग्नि॒र्मूर्धा॑ दि॒वः क॒कुत्प॑तिः पृथि॒व्या अ॒यं । अ॒पां रे॒तांसि॑ जि॒न्वति॑ ।

अ॒यमि॒ह प्र॒थमो॑ धा॒यि धा॒तृभि॒र्होता॑ यजि॒ष्ठो अ॒ध्वरे॒ष्वीड्यः॑ ।

यम॑प्र॒वानो॑ भृ॒गवो॑ विरु॒रुचु॑र्वनेषु चि॒त्रं वि॒भुवं वि॒शेवि॑शे ।

उ॒भा वा॒मिन्द्रा॑ग्नी आ॒हुव॑ध्या - [] 17

1.5.5.2

उ॒भा रा॒धसः॑ सह॑ मा॒दय॑ध्यै ॥

उ॒भा दा॒तारा॑विषाँ रयी॒णामु॒भा वा॒जस्य॑ सा॒तये॑ हुवे॒ वां ।

अ॒यं ते यो॒निर्ऋ॒त्वियो॒ यतो॑ जा॒तो अ॒रोच॑थाः । तं जा॒नन्न॑ग्न आ रो॒हाथा॑

नो वर्द्ध॑या रयिं । अ॒ग्न आ॒यूँषि॑ पव॒स आ सु॒वोर्ज॑मिषं च नः ।

आ॒रे बा॒धस्व॑ दु॒च्छुनां॑ ॥ अ॒ग्ने पव॑स्व स्व॒पा अ॒स्मै वर्चः॑ सु॒वीर्यं॑ ॥

दध॑त्पोषँ रयिं - [] 18

1.5.5.3

म॒यि । अ॒ग्ने पा॒वक॑ रो॒चिषा॑ म॒न्द्रया॑ दे॒व जि॒ह्वया॑ ॥

आ दे॒वान् व॒क्षि य॒क्षि च॑ । स नः॑ पा॒वक॑ दी॒दिवो॑ऽग्ने दे॒वाँ इ॒हा

ऽऽ*व॒ह । उप॑ य॒ज्ञँ ह॒विश्च॑ नः । अ॒ग्निः शु॒चि॒व्रत॑तमः शु॒चिर्वि॒प्रः शु॒चिः

क॒विः । शु॒ची रो॒चत॑ आ॒हुतः॑ । उ॒दग्ने॑ शु॒चय॑स्तव शु॒क्रा भ्रा॑जन्त ई॒रते॑ ।

तव ज्योती॑ ऽर्चयः॑ । आयु॑र्दा अग्ने॑ ऽस्यायु॑र्मे- [] 19

1.5.5.4

देहि॑ वर्चो॑दा अग्ने॑ ऽसि॒ वर्चो॑ मे देहि॑ तनू॑पा अग्ने॑ ऽसि॒ तनु॑वं मे पा॒ह्यग्ने॑
यन्मे॑ तनु॑वा ऊ॒नं तन्म॑ आ पृ॒ण चि॒त्राव॑सो स्व॒स्ति ते॑ पा॒रम॑शीयेन्
धा॒नास्त्वा श॒तं हि॒मा द्यु॒मन्तः॑ स॒मिधी॑महि॒ वय॑स्वन्तो॒ वय॑स्कृतं
य॒शस्व॑न्तो॒ यश॑स्कृतं सु॒वीरा॑सो अ॒दाभ्यं॑ । अग्ने॑ स॒पत्न॑दंभनं
व॒र्षिष्ठे॑ अ॒धि ना॒के । सं त्वम॑ग्ने॒ सूर्य॑स्य॒ वर्च॑सा () ऽग॒थाः
समृ॑षीणा॒ स्तुते॑न सं प्रि॒येण॒ धाम्ना॑ । त्वम॑ग्ने॒ सूर्य॑वर्चा॒ असि॑ सं
मा॒मायु॑षा॒ वर्च॑सा प्र॒जया॑ सृ॒ज । 20

(आहु॑वद्ध्यै-पोष॑ रयिं-मे-वर्च॑सा-स॒प्त द॑श च) (A5)

1.5.6.1

सं प॑श्यामि प्र॒जा अ॒हमि॑डप्र॒जसो॑ मा॒नवीः॑ । सर्वा॑ भवन्तु नो गृ॒हे ।
अंभः॑ स्था॒म्भो वो॑ भक्षी॒य महः॑ स्थ महो॒ वो भक्षी॒य सहः॑ स्थ स॒हो
वो भक्षी॒योर्जः॑ स्थो॒र्जं वो॑ भक्षी॒य रे॒वती॑ र॒मध्व॑म॒स्मिन् लो॒के ऽस्मिन्

गो॑ष्ठेऽस्मिन् क्षये॑ऽस्मिन् यो॒ना॒वि॒है॒व स्ते॒तो माऽप॑ गा॒त ब॒ह्वी॒र्मे

भूयास्त – [] 21

1.5.6.2

स॒ऽहि॒ताऽसि॑ वि॒श्वरू॒पीरा॑ मो॒र्जा वि॒शा ऽऽ*गौ॒पत्ये॑ना ऽऽ*रा॒यस्पो॑षेण
सह॑स्रपो॒षं वः॑ पु॒ष्यासं॑ मयि॒ वो रा॒यः श्र॑यन्तां । उप॑ त्वा॒ग्ने दि॒वेदि॒वे
दोषा॑वस्तर्द्धि॒या व॒यं । नमो॑ भर॒न्त ए॒मसि॑ । राज॑न्तमध्व॒राणां॑ गो॒पामृ॑तस्य
दी॒दि॒विं । वर्द्ध॑मान॒ऽस्वे द॒मे । स नः॑ पि॒तेव॑ सू॒नवे॑ऽग्ने सू॒पाय॑नो
भव॑ । सच॑स्वा नः॒ स्वस्त्ये॑ । अ॒ग्ने – [] 22

1.5.6.3

त्वं नो॑ अ॒न्तमः॑ । उ॒त त्रा॒ता शि॒वो भ॒व वरू॑त्थ्यः ।
तं त्वा॑ शोचि॒ष्ठ ऽदी॒दिवः॑ । सु॒म्नाय॑ नू॒नमी॑महे॒ सखि॑भ्यः ।
वसु॑र॒ग्निर्वसु॑श्रवाः । अ॒च्छा नक्षि॑ द्यु॒मत्त॑मो र॒यिं दाः॑ ।
ऊ॒र्जा वः॑ प॒श्याम्यू॒र्जा मा प॑श्यत रा॒यस्पो॑षेण वः प॒श्यामि॑ रा॒यस्पो॑षेण मा
प॒श्यते॑डाः॒ स्थ म॒धुकृ॑तः स्यो॒ना मा ऽवि॑शते॒रा म॒दः ।
सह॑स्रपो॒षं वः॑ पु॒ष्यासं॑ – [] 23

1.5.6.4

मयि॑ वो॒ रायः॑ श्रयन्तां॑ ।

तत्स॑वि॒तुर्वरे॑ण्यं॑ भर्गो॑ दे॒वस्य॑ धीमहि॑ । धियो॑ यो॒नः प्र॑चोदयात्॑ ।

सो॒मान॑ꣳ स्वर॑णं कृ॒णुहि॑ ब्र॒ह्मण॑स्पते । कक्षी॑वन्तं॒ यँ औ॒शिजं॑ ।

कदा॑ च॒न स्त॒रीर॑सि॒ नेन्द्र॑ सश्च॒सि दा॒शुषे॑ ।

उपो॑पे॒न्नु म॒घव॑न्भूय॒ इन्नु॑ ते॒ दानं॑ दे॒वस्य॑ पृच्यते ।

परि॑ त्वा॒ग्ने पु॒रं व॒यं वि॒प्रꣳ स॒हस्य॑ धीमहि॑ ।

धृष॑द्वर्णं () दि॒वेदि॑वे भे॒त्तारं॑ भ॒ङ्गुरा॑वतः ।

अ॒ग्ने गृ॑हपते॒ सुगृ॑हपति॒रहं॑ त्वया॒ गृह॑पति॒ना भू॒यासꣳ सु॑गृहपति॒र्मया॑

त्वं गृ॑हपति॒ना भू॒याः श॒तꣳ हि॒मास्त॑मा॒शिष॑मा॒ शा॒से त॑न्त॒वे ज्यो॑तिष्मतीं॒

ता॒माशि॑षमा॒ शा॒से ऽमु॑ष्मै॒ ज्यो॑तिष्मतीं॒ । 24

(भू॒यास्त॑-स्व॒स्तये॑ग्ने-पु॒ष्यासं॑-धृष॑द्वर्णं-मे॒कान्न॑ त्रि॒ꣳश॑च्च) (A6)

1.5.7.1

अ॒य॒ज्ञो॒ वा ए॒ष यो॑ऽसा॒मोप॑प्र॒यन्तो॑ अ॒ध्वर॑मि॒त्याह॑ स्तो॒ममे॑वास्मै
 यु॒नक्त्यु॑पेत्याह प्र॒जा वै प॒शव॑ उ॒पे॒मं लो॒कं प्र॒जामे॑व प॒शूनि॑मं
 लो॒कमु॑पै॒त्यस्य॑ प्र॒त्नाम॑नु द्यु॒तमि॒त्याह॑ सु॒वर्गो॑ वै लो॒कः प्र॒त्नः
 सु॒वर्गमे॑व लो॒कं स॒मारो॑ह॒त्यग्नि॑र्मूर्ध्ना दि॒वः

क॒कुदि॒त्याह॑ मूर्धा॒न- [] 25

1.5.7.2

मे॒वैनं॑ स॒माना॑नां करोत्यथो दे॒वलो॑कादे॒व म॑नुष्यलो॒के प्र॑ति
 तिष्ठत्ययमिह प्रथ॒मो धा॒यि धा॒तृभि॑रि॒त्याह॑ मु॒ख्यमे॒वैनं॑ करोत्यु॒भा
 वा॒मिन्द्रा॑ग्नी आ॒हुव॑ध्या इ॒त्याहौ॒जो ब॑लमे॒वाव रु॑न्धे ऽयं ते यो॒निर्ऋ॒त्विय
 इ॒त्याह॑ प॒शवो॑ वै र॒यिः प॒शूने॒वाव रु॑न्धे षड्भि॒रुप॑

तिष्ठते षड्वा - [] 26

1.5.7.3

ऋ॒तव॑ ऋ॒तुष्वे॒व प्र॑ति तिष्ठति षड्भि॒रुत्तरा॑भि॒रुप॑ तिष्ठते द्वा॒दश॑ सं
 प॒द्यन्ते॑ द्वा॒दश॑ मा॒साः सँव॑त्सरः सँव॑त्सर ए॒व प्र॑ति तिष्ठति यथा

वै॒ पुरु॑षोऽश्वो॒ गौर्जी॑र्यत्ये॒वम॑ग्निरा॒हितो॑ जी॒र्यति॑ सँव॒थ्स॑रस्य
पर॒स्तादा॑ग्निपाव॒मानी॑भिरुप॒ तिष्ठ॑ते पुन॒र्नव॑मे॒वैन॑म॒जरं॑ करोत्यथो
पुना॒त्येवो॑प॒ तिष्ठ॑ते यो॒ग ए॒वा॒स्यैष॑ उप॒ तिष्ठ॑ते – [] 27

1.5.7.4

दम॑ ए॒वा॒स्यैष॑ उप॒ तिष्ठ॑ते याञ्चै॒वा॒स्यैषो॑प॒ तिष्ठ॑ते यथा॑ पापी॒याञ्छे॑यस
आ॒हृत्य॑ नम॒स्यति॑ तादृ॒गेव॑ तदा॒ युर्दा॑ अ॒ग्नेऽस्या॑यु॒र्मे दे॒हीत्या॑हा*ऽयु॒र्दा
ह्येष॑ व॒र्चो॒दा अ॒ग्नेऽसि॑ व॒र्चो मे॑ दे॒हीत्या॑ह व॒र्चो॒दा ह्येष॑ त॒नूपा॑ अ॒ग्नेऽसि॑
त॒नुवं मे॑ पा॒हीत्या॑ह – [] 28

1.5.7.5

त॒नूपा॑ ह्येषोऽग्ने॒ यन्मे॑ त॒नुवा॑ ऊ॒नं त॒न्म आ॑ पृ॒णेत्या॑ह॒ यन्मे॑
प्र॒जायै॑ प॒शूना॑मू॒नं त॒न्म आ॑ पू॒रये॑ति वावै॒तदा॑ह॒चित्रा॑व॒सो स्व॑स्ति ते
पा॒रम॑शीयेत्या॒ह रा॒त्रिर्वै॑ चि॒त्राव॑सु॒रव्यु॑ष्ट्यै॒ वा ए॒तस्यै॑ पु॒रा
ब्रा॒ह्म॒णा अ॒भैषु॑र्व्यु॒ष्टिमे॑वाव॒ रुन्ध॑ इ॒न्धा॒नास्त्वा॑ श॒तꣳ – [] 29

1.5.7.6

हि॒मा इ॒त्याह॑ श॒तायुः॑ पु॒रुषः॑ श॒तेन्द्रि॑य आयु॒ष्येवेन्द्रि॑ये प्र॒ति तिष्ठ॑त्येषा
वै सू॒र्मी क॑र्ण॒काव॑त्येतया ह स्म वै दे॒वा असु॑राणां श॒तत॑र्.हा॒ स्तृ॑
हन्ति॑ यदे॒तया॑ स॒मिध॑मादधाति॒ वज्र॑मे॒वैतच्छ॑त॒घ्नीं य॑ज॒मानो॑ भ्रातृ॒व्याय॑
प्र॒ हर॑ति स्तृ॒त्या अ॒च्छं॑बट्कारं सं त्वम॒ग्ने सूर्य॑स्य वर्च॒साऽग॑था
इ॒त्याहै॑त॒त्त्वम॑सीदमहं () भू॒यास॑मिति॒ वावै॑तदाह॒ त्वम॒ग्ने सूर्य॑वर्चा
अ॒सीत्या॑हाऽऽशि॒षमे॑वैता॒मा शा॑स्ते । 30

(मू॒र्ध्ना॒न॒-ष॒ड्वा-ए॒ष उप॑ तिष्ठते-पा॒हीत्या॑ह-श॒त-म॒ह॒-
षोड॑श च) (A7)

1.5.8.1

सं प॒श्यामि॑ प्र॒जा अ॒हमि॑त्याह॒ याव॑न्त ए॒व ग्रा॒म्याः प॒शव॑स्ताने॒वाव॑
रु॒न्धेऽम्भः॑ स्था॒म्भो वो॑ भक्षी॒येत्या॑हा॒म्भो ह्ये॑ता म॒हः स्थ॑ म॒हो वो॑
भक्षी॒येत्या॑ह म॒हो ह्ये॑ताः स॒हः स्थ॑ स॒हो वो॑ भक्षी॒येत्या॑ह स॒हो
ह्ये॑ता ऊ॒र्जः स्थो॑र्जं वो॒ भक्षी॒येत्या॑ - [] 31

1.5.8.2

हो॒र्जो॒ ह्ये॒ता रे॒वती॑ र॒मध्व॑मि॒त्याह॑ प॒शवो॑ वै रे॒वतीः॑ प॒शूने॒वात्मन्॑ र॒मय॑त
इ॒हैव॑ स्ते॒तो मा॒ऽप गा॒तेत्या॑ह ध्रु॒वा ए॒वैना॑ अन॒पगाः॑ कुरु॒त
इ॒ष्टक॑चि॒द्वा अ॒न्योऽग्निः॑ प॒शुचि॑दन्यः स॒हि॒तासि॑ वि॒श्वरू॒पीरि॑ति
व॒थ्सम॑भि मृ॒शत्यु॑पै॒वैनं॑ ध॒त्ते प॒शुचि॑तमे॒नं कुरु॑ते प्र - [] 32

1.5.8.3

वा ए॒षोऽस्मा॑ल्लो॒काच्च॑यव॒ते य आ॑ह॒वनी॑यमु॒प तिष्ठ॑ते गा॒र्हप॑त्यमु॒प
तिष्ठ॑ते ऽस्मि॒न्नेव॑ लो॒के प्र॑ति तिष्ठ॒त्यथो॑ गा॒र्हप॑त्यायै॒व नि हु॑ते
गा॒यत्री॑भि॒रुप॑ तिष्ठ॒ते ते॒जो वै॑ गा॒यत्री॑ ते॒ज ए॒वात्मन्॑ ध॒त्तेऽथो॑ यदे॒तं
तृ॒चम॑न्वा॒ह सं॑त॒त्यै गा॒र्हप॑त्यं वा॒ अनु॑ द्वि॒पादो॑ वी॒राः प्र॑ जा॒यन्ते॑
य ए॒वं वि॒द्वान् द्वि॒पदा॑भि गा॒र्हप॑त्यमु॒पतिष्ठ॑त - [] 33

1.5.8.4

आ॒ऽस्य॑ वी॒रो जा॑य॒त ऊ॒र्जा वः॑ प॒श्यां यू॒र्जा मा॑ प॒श्यते॑-त्या॒हा
ऽऽशि॑षमे॒वैता॑मा शा॒स्ते तथ्स॑वि॒तुर्व॑रे॒ण्यमि॒त्याह॑ प्र॒सू॒त्यै सो॒मान॑
स्व॒रण॑मि॒त्याह॑ सो॒मपी॒थमे॒वाव॑ रु॒न्धे कृ॑णु॒हि ब्र॑ह्म॒णस्प॑त इ॒त्याह॑

ब्रह्मवर्चसमेवाव रुन्धेकदा चन स्तरीरसीत्याह न स्तरीः

रात्रिं वसति - [] 34

1.5.8.5

य एवं विद्वानग्निमुपतिष्ठते परि त्वाग्ने पुरं वयमित्याह

परिधिमेवैतं परि दधात्यस्कन्दायाग्ने गृहपत इत्याह यथायजुरेवैतच्छतः

हिमा इत्याह शतं त्वा हेमन्तानिन्धिषीयेति वा वैतदाह पुत्रस्य नाम

गृह्णात्यन्नादमेवैनं करोति तामाशिषमा शासे तन्तवे

ज्योतिष्मतीमिति ब्रूयाद्यस्य पुत्रोऽजातः स्यात् तेजस्व्येवास्य

ब्रह्मवर्चसी पुत्रो जायते तामाशिषमा शासे ऽमुष्मै ज्योतिष्मती () मिति

ब्रूयाद्यस्य पुत्रो जातः स्यात् तेज एवास्मिन् ब्रह्मवर्चसं दधाति । 35

(उर्जं वो भक्षीयेति-प्र-गार्हपत्यमुपतिष्ठते-वसति-ज्योतिष्मती-

मेकान्न त्रिंशच्च) (A8)

1.5.9.1

अ॒ग्नि॒हो॒त्रं जु॒होति॑ यदे॒व किं॑ च॒ यज॑मानस्य॒ स्वं तस्यै॒व तद्रे॑तः
 सिञ्च॑ति प्र॒जनने॑ प्र॒जन॒न् हि॒ वा अ॒ग्नि॒रथौष॑धीरन्त॒गता॑ द॒हति॑ तास्ततो
 भूय॑सीः प्र॒ जाय॑न्ते यथ॒सायं॑ जु॒होति॑ रेत॒ एव॑ तथ्सिञ्च॑ति प्रै॒व प्रा॑तस्तनेन
 जन॑यति तद्रे॑तः सि॒क्तं न त्वष्ट्राऽ॒विकृ॑तं प्र॒जाय॑ते याव॒च्छो वै
 रेत॑सः सि॒क्तस्य॑ - [] 36

1.5.9.2

त्वष्टा॑ रूपाणि॒ विक॑रोति॒ ताव॑च्छो वै तत्प्र॒ जाय॑त ए॒ष वै दै॒व्यस्त्वष्टा॑ यो
 यज॑ते ब॒ह्वीभि॑रुप॒ तिष्ठ॑ते रेत॒स ए॒व सि॒क्तस्य॑ बहु॒शो रूपा॑णि वि॒ करो॑ति
 स प्रै॒व जा॑यते श्वःश्वो॒ भूया॑न् भव॒ति य ए॒वं वि॒द्वान॑ग्निमु॒पतिष्ठ॑ते
 ऽह॑र्दे॒वाना॑मासीद्-रा॒त्रिर॑सुराणां॒ तेऽसुरा॑ यदे॒वानां॑ वि॒त्तं
 वैद्य॑मासी॒त्तेन॑ सह- [] 37

1.5.9.3

रा॒त्रिं प्रा॑ऽवि॒शन्ते॑ दे॒वा ही॑ना अ॒मन्य॑न्त तेऽप॒श्यन्नाग्ने॑यी रा॒त्रिराग्ने॑याः
 प॒शव॑ इ॒ममे॒वाग्नि॑ स्त॒वाम॑ स नः॒ स्तुतः॑ प॒शून् पु॑नर्दास्यतीति॒

ते॑ऽग्नि॑मस्तु॒वन्त्स॑ ए॒भ्यः॑ स्तु॒तो रा॒त्रिया॑ अ॒ध्यह॑रभि प॒शून्नि॑रार्ज॒ते
दे॒वाः प॒शून् वि॒त्त्वा का॒माऽ॑ अकुर्व॒त य ए॒वं वि॒द्वान॒ग्निमु॒पति॑ष्ठते प॒शुमा॑न्
भव- [] 38

1.5.9.4

त्यादि॒त्यो वा अ॒स्माल्लो॒काद॒मुं लो॒कमै॒त्सो ऽमु॑ल्लो॒कं ग॒त्वा पुन॑रि॒मं
लो॒कम॒भ्यध्या॑यत् स इ॒मं लो॒कमा॒गत्य॑ मृ॒त्योर्बि॑भेन्मृ॒त्युसँ॑युत
इ॒व ह्य॑यं लो॒कः सोऽम॑न्यते-ममे॒वाग्नि॑ः स्त॒वानि॑ स मा॒ स्तुतः॑ सु॒वर्गं
लो॒कं ग॒मयि॑ष्यतीति सोऽग्नि॑मस्तौ॒त् स ए॒नऽ॑ स्तुतः सु॒वर्गं
लो॒कम॒गम॑यद्य - [] 39

1.5.9.5

ए॒वं वि॒द्वान॒ग्निमु॒पति॑ष्ठते सु॒वर्गमे॒व लो॒कमे॒ति स॒र्वमा॑यु॒रेत्य॑भि
वा ए॒षोऽग्नी॑ आ रो॒हति॑ य ए॒नावु॑पति॑ष्ठते यथा॒ खलु॑ वै श्रे॒यान॒भ्यारू॑ढः
का॒मय॑ते तथा॒ करो॑ति न॒क्तमु॑प ति॑ष्ठते न प्रा॒तः सँ॑ हि न॒क्तं व्र॑तानि
सृ॒ज्यन्ते॑ स॒ह श्रे॒याश्च॑ पा॒पीया॑श्च॒ श्रासा॑ते ज्योति॒र्वा अ॒ग्निस्त॑मो
रा॒त्रिर्य॑ - [] 40

1.5.9.6

न॒क्तमु॒पति॑ष्ठते॒ ज्योति॑षै॒व तम॑स्तर-त्युप॒स्थेयो॑ऽग्नी(३) नो॒पस्थे॑या(३)
 इ॒त्याहु॑र्मनु॒ष्याये॑न्वै योऽहर॑हराह॒त्याऽथै॑नं॒ याच॑ति स इ॒न्वै
 तमु॒पाच्छ॑त्यथ॒ को दे॒वान॑हर॒हर्या॑चिष्य॒तीति॑ तस्मा॒न्नोप॑स्थेयो॒ ऽथो
 ख॒ल्वाहु॑राशि॒षे वै कं॑ यज॒मानो॑ यजत॒ इत्ये॒षा ख॒लु वा - [] 41

1.5.9.7

आ॒हि॒ताग्ने॑रा॒शी र्यद॑ग्निमु॒पति॑ष्ठते॒ तस्मा॑दुप॒स्थे यः प्र॒जाप॑तिः
 प॒शून॑सृजत॒ ते सृ॒ष्टा अ॒होरा॑त्रे प्राऽ*वि॒शन्
 ताञ्छ॑न्दो॒भिर॑न्ववि॒न्दद्-य॑च्छन्दो॒भिरु॑पति॒ष्ठते
 स्वमे॒व तद॑न्विच्छति॒ न तत्र॑ जा॒म्यस्ती॑-त्याहु॒र्योऽहर॑हरुप॒ तिष्ठ॑त॒ इति॑ यो
 वा अ॒ग्निं प्र॒त्यङ्ङु॑प॒ तिष्ठ॑ते प्र॒त्ये॒नमो॑षति॒ यः प॒राङ् वि॒ष्वङ् प्र॒जया॑ प॒शुभि॑
 () रेति॑ क॒वाति॑र्यङ्ङि॒वोप॑ तिष्ठे॒त नैनं॑ प्र॒त्योष॑ति॒ न वि॒ष्वङ् प्र॒जया॑
 प॒शुभि॑रेति । 42

(सि॒क्तस्य॑-स॒ह-भ॑वति॒-यो-यत्-ख॒लु वै-प॒शुभि॑-स्त्रयो॑दश च)
 (A9)

1.5.10.1

मम॑ नाम॑ प्रथ॒मं जा॑तवे॒दः पि॒ता मा॒ता च॑ दध॒तुर्य॑द॒ग्रे ।
 तत्त्वं॑ बिभृ॒हि पुन॑रा मदै॒तोस्त॑वाहं॒ नाम॑ बिभ॒राण्य॑ग्ने ।
 मम॑ नाम॑ तव॒ च जा॑तवे॒दो वा॒ससी॑ इव॒ विव॑सानौ॒ ये च॑रावः ।
 आयु॑षे त्वं जी॒वसे॑ वयं॒ यथा॑यथं॒ वि परि॑ दधा॒वहै पु॑नस्ते ।
 नमो॑ऽग्नये॒ ऽप्र॑तिवि॒द्वाय॒ नमो॑ऽनाधृ॒ष्टाय॒ नमः॑ स॒म्राजे॑ ॥
 अषाढो – [] 43

1.5.10.2

अ॒ग्निर्बृ॑हद्व॒या वि॒श्वजि॑त्सह॒न्त्यः श्रे॑ष्ठो गन्ध॒र्वः ।
 त्वत्पि॑तारो अ॒ग्ने दे॒वास्त्वा-मा॑हु॒तय॑स्त्व-द्वि॒वाच॑नाः ।
 सं मा॑मायु॒षा सं गौ॑पत्येन॒ सुहि॑ते मा धाः ।
 अ॒यम॒ग्निः श्रे॑ष्ठतमो॒ ऽयं भ॑गवत्तमो॒ ऽयं सह॑स्रसा॒तमः॑ ।
 अ॒स्मा अ॑स्तु सु॒वीर्यं॑ । मनो॒ ज्योति॑र्जुषता॒माज्यं॑ वि॒च्छिन्नं॑
 य॒ज्ञं स॑मिमं॒ दधा॑तु । या इ॒ष्टा उ॑षसो नि॒मृच॑श्च ताः सं द॑धामि
 ह॒विषा॑ घृ॒तेन॑ । प॒यस्व॑तीरोष॒धयः॑ – [] 44

1.5.10.3

पयस्वद्वीरुधां पयः ।

अपां पयसो यत्पयस्तेन मामिन्द्र सꣳ सृज ।

अग्ने॑ व्रतपते॑ व्रतं चरिष्यामि तच्छकेयं तन्मे राध्यतां ।

अग्निꣳ होतारमिह तꣳ हुवे देवान् यज्ञियानिह यान् हवामहे ।

आ यन्तु देवाः सुमनस्यमाना वियन्तु देवा हविषो मे अस्य ।

कस्त्वा युनक्ति स त्वा युनक्तु यानि घर्मे कपालान्युपचिन्वन्ति-[] 45

1.5.10.4

वेधसः ।

पूष्णस्तान्यपि व्रत इन्द्रवायू वि मुञ्चतां ।

अभिन्नो घर्मो जीरदानुर्यत आत्तस्तदगन् पुनः ।

इध्मो वेदिः परिधयश्च सर्वे यज्ञस्याऽऽयुरनु सं चरन्ति ।

त्रयस्त्रिꣳ शतन्तवो ये वितन्निरे य इमं यज्ञꣳ स्वधया ददन्ते

तेषां छिन्नं प्रत्येतद्वधामि स्वाहा घर्मो देवाꣳ अप्येतु । 46

(अषाढ-ओषधय-उपचिन्वन्ति-पञ्चचत्वारिꣳशच्च) (A10)

1.5.11.1

वै॒श्वान॑रो न ऊ॒त्याऽऽ प्र या॑तु पराव॑तः । अ॒ग्निरु॑क्थेन वा॒हसा॑ ।
 ऋ॒तावा॑नं वै॒श्वान॑रमृ॒तस्य॑ ज्योति॑षस्पतिं ॥ अज॑स्रं घ॒र्ममी॑महे ।
 वै॒श्वान॑रस्य द॒स॒नाभ्यो॑ बृ॒हद॑रिणादे॒कः स्व॑प॒स्यया॑ क॒विः ।
 उ॒भा पि॒तरा॑ म॒हय॑न्नजायताग्नि॒र्द्यावा॑पृथि॒वी भू॑रिरेतसा ।
 पृ॒ष्ठो दि॒वि पृ॒ष्ठो अ॒ग्निः पृ॒थिव्यां॑ पृ॒ष्ठो वि॒श्वा ओ॑ष॒धीरा॑ वि॒वेश॑ ।
 वै॒श्वान॑रः स॒हसा॑ पृ॒ष्ठो अ॒ग्निः स॒नो दि॒वा स - [] 47

1.5.11.2

रि॒षः पा॑तु न॒क्तं ॥
 जा॒तो यद॑ग्ने भु॒वना॑ व्य॒ख्यः प॒शुं न गो॑षा इ॒र्यः परि॑ज्मा ।
 वै॒श्वान॑र ब्र॒ह्मणो॑ वि॒न्द गा॑तुं यू॒यं पा॑त स्व॒स्तिभिः॑ सदा॑ नः ।
 त्वम॑ग्ने शो॒चिषा॑ शो॒शुचा॑न आ रो॒दसी॑ अपृ॒णा जा॑यमानः ।
 त्वं दे॒वा अ॒भि॒शस्ते॑रमु॒ञ्चो वै॒श्वान॑र जा॒तवे॑दो म॒हित्वा॑ ।
 अ॒स्माक॑म॒ग्ने म॒घव॑त्सु धा॒रया॑नामि क्ष॒त्रम॑जरं सु॒वीर्यं॑ ॥

व॒यं ज॑ये॒म श॑ति॒नꣳ स॒हस्रि॑णं॒ वैश्वान॑र – [] 48

1.5.11.3

वा॒जम॑ग्ने॒ तवो॑ ऽति॒भिः ।
वैश्वान॑रस्य॒ सु॒म॒तौ स्या॑म॒ राजा॑ हि॒कं भु॑व॒नाना॑म॒भि॒श्रीः ।
इ॒तो जा॑तो॒ विश्व॑मि॒दं वि॑ च॒ष्टे वैश्वान॑रो॒ यत॑ते॒ सूर्ये॑ण ।
अ॒व ते॑ हे॒डो वरु॑ण॒ नमो॑भि॒रव॑ य॒ज्ञेभि॑रीमहे॒ हवि॑र्भिः ।
क्ष॒यन्न॑स्म॒भ्यम॑सु॒र प्र॑चे॒तो राज॑न्ने॒नाꣳसि॑ शि॒श्रथः॑ कृ॒तानि॑ ।
उ॒दु॒त्त॒मं वि॑रु॒ण पा॑श॒मस्म॑द॒वाऽध॑मं॒ वि॒म॒ध्य॒मꣳ श्र॑था॒य ।
अ॒था व॒यमा॑दि॒त्य – [] 49

1.5.11.4

व्र॑ते॒ तवाऽना॑ग॒सो अ॑दि॒तये॑ स्या॒म ।
द॒धि॒क्राव्णो॑ अ॒कारि॑षं॒ जि॒ष्णो॑र॒श्वस्य॑ वा॒जिनः॑ ।
सु॒रभि॑नो॒ मुखा॑ क॒रत् प्र॑ण॒ आयूꣳषि॑ ता॒रिष॑त् ।
आ॒ द॒धि॒क्राः श॑वा॒स पञ्च॑ कृ॒ष्टीः सूर्य॑ इ॒व ज्यो॑ति॒षाऽप॑स्त॒तान॑ ।

सहस्रसाः शतसा वाज्यर्वा पृणक्तु मध्वा समिमा वचाँसि ।

अग्निर्मूर्धा>¹, भुवः>² ।

मरुतो यद्ध वो दिवः सुम्ना यन्तो हवामहे । आ तू न - [] 50

1.5.11.5

उप गन्तन ।

या वः शर्म शशमानाय सन्ति त्रिधातूनि दाशुषे यच्छताधि ।

अस्मभ्यं तानि मरुतो वि यन्त रयिं नो धत्त वृषणः सुवीरं ।

अदितिर्न उरुष्यत्वदितिः शर्म यच्छतु । अदितिः पात्वँ हसः ।

महीमूषु मातरँ सुव्रतानामृतस्य पत्नीमवसे हुवेम ।

तुविक्षत्रामजरन्तीमुरुचीँ सुशर्माणमदितिँ सुप्रणीतिं ।

सुत्रामाणं पृथिवीं द्यामनेहसँ सुशर्माण() मदितिँ सुप्रणीतिं ।

दैवीं नावँ स्वरित्रामनागसमस्रवन्तीमा रुहेमा स्वस्तये ।

इमाँ सु नावमाऽरुहँ शतारित्राँ शतस्प्यां ।

अच्छिद्रां पारयिष्णुं । 51

(दि॒वा स॒-स॒हस्रि॑णं॒ वै॒श्वान॑राऽऽ-दि॒त्य- तू नो॑-ऽने॒हस॑ सु॒शर्मा॑ण-
मे॒कान्न॑ वि॒शति॑श्च) (A11)

Prasna Korvai with starting Padams of 1 to 11 Anuvaakams :-

(दे॒वा॒सुराः॑-प॒रा-भू॒मि-भू॒मि-रु॒पप्र॑यन्तः-सं प॒श्या-म्य॒यज्ञः॑-
सं प॒श्या-म्य॒ग्नि॒होत्रं॑-म॒म ना॑म-वै॒श्वान॑र-एका॒दश॑) ।

Korvai with starting Padams of 1, 11, 21 Series of Panchaatis :-

(दे॒वा॒सुराः॑-क्रु॒द्धः-सं प॒श्या॑मि-सं
प॒श्या॑मि-न॒क्त-मु॒पग॑न्त-नै॒कप॑ञ्चा॒शत्)

First and Last Padam of Fifth Prasnam :-

(दे॒वा॒सुराः॑-पा॒रयि॑ष्णुं)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

पञ्चमः प्रश्नः समाप्तः ॥

1.5.1 Annexure for 1.5

1.5.11.4 अग्निर्मूर्धा >¹

अग्निर्मूर्धा दिवः ककुत् पतिः पृथिव्या अयं ।

अपाञ् रेताञ्सि जिवति । (TS 4-4-4-1)

1.5.11.4 भुवः >²

भुवो यज्ञस्य रजसश्च नेता यत्रा नियुद्धिः सचसे शिवाभिः ।

दिवि मूर्धानं दधिषे सुवर्षा जिह्वामग्ने चकृषे हव्यवाहं । (TS 4-4-4-4)

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.6 प्रथमकाण्डे षष्ठः प्रश्नः याजमानकाण्डं

1.6.1.1

सं त्वा॑ सिञ्चामि॑ यजु॑षा प्र॒जामा॑यु॒र्धनं॑ च । बृह॒स्पति॑ प्रसू॒तो
यज॑मान इ॒ह मा रि॑षत् । आज्य॑मसि स॒त्यम॑सि स॒त्यस्या॑ध्यक्षमसि
हवि॑रसि वैश्वान॑रं वै॒श्वदे॑वमुत्पू॒त-शु॑ष्मं स॒त्यौजाः॑ सहो॒ऽसि
सह॑मानमसि सह॒स्वारा॑तीः सह॒स्वारा॑तीयतः सह॒स्व पृ॑तनाः सह॒स्व
पृ॑तन्यतः । सह॒स्रवी॑र्यमसि तन्मा जि॒न्वाज्य॑स्याज्यमसि स॒त्यस्य॑
स॒त्यम॑सि स॒त्यायु॑ - [] 1

1.6.1.2

रसि स॒त्यशु॑ष्ममसि स॒त्येन॑ त्वा॒ऽभि घा॑रयामि तस्य ते भक्षीय
पञ्चा॑नां त्वा वा॒तानां॑ य॒न्त्राय॑ ध॒र्त्राय॑ गृ॒ह्णामि॑पञ्चा॑नां त्व॒र्तूनां॑ य॒न्त्राय॑
ध॒र्त्राय॑ गृ॒ह्णामि॑पञ्चा॑नां त्वा दि॒शां य॒न्त्राय॑ ध॒र्त्राय॑ गृ॒ह्णामि॑

पञ्चानां॑ त्वा॑ पञ्चजनानां॑ यन्त्राय॑ धर्त्राय॑ गृह्णामि॑ चरोस्त्वा॑ पञ्चबिलस्य॑
यन्त्राय॑ धर्त्राय॑ गृह्णामि॑ ब्रह्मणस्त्वा॑ तेजसे॑ यन्त्राय॑ धर्त्राय॑ गृह्णामि॑
क्षत्रस्य॑ त्वौजसे॑ यन्त्राय॑ – [] 2

1.6.1.3

धर्त्राय॑ गृह्णामि॑ विशे॑ त्वा॑ यन्त्राय॑ धर्त्राय॑ गृह्णामि॑ सुवीर्याय॑ त्वा॑ गृह्णामि॑
सुप्रजास्त्वाय॑ त्वा॑ गृह्णामि॑ रायस्पोषाय॑ त्वा॑ गृह्णामि॑ ब्रह्मवर्चसाय॑ त्वा॑
गृह्णामि॑ भूरस्माक॑ हविर्देवाना॑-माशिषो॑ यजमानस्य॑ देवानां॑
त्वा॑ देवताभ्यो॑ गृह्णामि॑ कामाय॑ त्वा॑ गृह्णामि॑ । 3

(सत्यायु॑-रौजसे॑ यन्त्राय॑-त्रयस्त्रि॑श्च) (A1)

1.6.2.1

ध्रुवो॑ऽसि ध्रुवो॑ऽह॑ सजातेषु॑ भूयासं॑ धीरश्चेत्ता॑
वसुविदु॑ग्रोऽस्युग्रो॑ऽह॑ सजातेषु॑ भूयासमु॑ग्रश्चेत्ता॑
वसुविद॑भि-भूरस्य॑भिभूरह॑ सजातेषु॑ भूयास-म॑भिभूश्चेत्ता॑
वसुविदु॑नज्मि॑ त्वा॑ ब्रह्मणा॑ दैव्येन॑ हव्याया॑स्मै वोढ॑वे जातवेदः॑ ।

इ॒न्धा॒नास्त्वा सु॒प्र॒जसः॑ सु॒वी॒रा ज्यो॒र्ग॒जीवे॑म ब॒लि॒ह॒तो व॒यं ते॑ ।

यन्मे॑ अ॒ग्ने अ॒स्य य॒ज्ञस्य॑ रि॒ष्या – [] 4

1.6.2.2

द्य॒द्वा स्क्क॒न्दा-दा॒ज्य॒स्यो॒त वि॒ष्णो । ते॒न ह॒न्मि स॒प॒त्नं दु॒र्म॒रायु॑मैनं
द॒धामि॑ नि॒र्ऋ॒त्या उ॒प॒स्थे॑ । भू॒र्भुव॑स्सुव॒रुच्छु॑ष्मो अ॒ग्ने य॒ज॒मा॒नायै॑धि
नि॒शु॒ष्मो अ॒भि॒दा॒स॒ते । अ॒ग्ने दे॒वे॒द्ध म॒न्वि॒द्ध म॒न्द्र॒जि॒ह्वा-म॒र्त्य॒स्य ते॑
होत॑र्मु॒र्द्ध॒न्ना जि॒घ॒र्मि रा॒य॒स्पोषा॑य सु॒प्र॒जा॒स्त्वाय॑ सु॒वी॒र्या॑यमनो॑ऽसि
प्रा॒जा॒प॒त्यं म॒न॒सा मा भू॑तेना *वि॒श वा॒ग॒स्यै॒न्द्री स॒प॒त्नक्ष॑यणी – [] 5

1.6.2.3

वा॒चा मे॒न्द्रि॒येणा॑ *वि॒श व॒स॒न्त॒मृ॒तूनां॑ प्री॒णामि॑ स मा॑ प्री॒तः प्री॑णातु
ग्री॒ष्म॒मृ॒तूनां॑ प्री॒णामि॑ स मा॑ प्री॒तः प्री॑णातु
व॒र्षा ऋ॒तूनां॑ प्री॒णामि॑ ता मा॑ प्री॒ताः प्री॑णन्तु
श॒र॒द॒मृ॒तूनां॑ प्री॒णामि॑ सा मा॑ प्री॒ता प्री॑णातु
हे॒म॒न्त-शि॒शिरा॑वृ॒तूनां॑ प्री॒णामि॑ तौ मा॑ प्री॒तौ प्री॑णीताम॒ग्नीषो॑मयो॒रहं॑

दे॒वय॒ज्यया॒ चक्षु॑ष्मान् भूयासमग्ने॒रहं॑ दे॒वय॒ज्यया॑न्नादो भूयासं – [] 6

1.6.2.4

द॒ब्धि॒रस्य॑द॒ब्धो भूया॑सममुं द॒भेय॑मग्नीषोमयो॒रहं॑

दे॒वय॒ज्यया॒ वृत्र॑हा भूयासमिन्द्रा॒ग्नियो॒रहं॑

दे॒वय॒ज्यये॑न्द्रि॒याव्य॑न्नादो भूयासमिन्द्र॒स्याऽहं॑

दे॒वय॒ज्यये॑न्द्रि॒यावी॑ भूयासं महेन्द्र॒स्याऽहं॑

दे॒वय॒ज्यया॒ जे॒मानं॑ म॒हिमा॑नं गमेयमग्नेः स्विष्ट॒कृ॒तोऽहं॑

दे॒वय॒ज्यया॑ऽऽयुष्मान् यज्ञेन॑ प्रतिष्ठां गमेयं । 7

(रि॒ष्याथ्-स॒प॒त्नक्ष॑यण्य-न्नादो-भूयास॒ञ्-षट्त्रि॑ञ्शच्च) (A2)

1.6.3.1

अ॒ग्नि॒र्मा दु॒रि॒ष्टात् पा॒तु स॒वि॒ताऽघ॑शञ् सा॒द्यो मे॑ऽन्ति दू॒रेऽरा॑तीयति तमे॒तेन॑

जे॒षञ् सु॒रूप॑वर्षवर्ण ए॒हीमा॑न् भ॒द्रान् दु॒र्याञ् अ॒भ्ये॒हि मा॑मनुव्रता न्यु

शी॒र्षाणि॑ मृ॒द्वमि॑ड ए॒ह्यदि॑त ए॒हि स॒रस्व॑त्येहि रन्ति॒रसि॑ रम॒तिर॑सि

सू॒नर्य॑सि जुष्टे जुष्टिं तेऽशीयोप॒हूत॑ उप॒हवं॑ – [] 8

1.6.3.2

तेऽशीय सा मे सत्याऽऽशीरस्य यज्ञस्य भूयादरेडता मनसा
तच्छकेयं यज्ञो दिवः रोहतु यज्ञो दिवं गच्छतु यो देवयानः पन्थास्तेन
यज्ञो देवाः अप्येत्वस्मास्विन्द्र इन्द्रियं दधात्वस्मान्नाय उत यज्ञाः
सचन्तामस्मासु सन्त्वाशिषः सा नः प्रिया सुप्रतूर्तिर्मघोनी जुष्टिरसि
जुषस्व नो जुष्टा नो – [] 9

1.6.3.3

ऽसि जुष्टिं ते गमेयं मनो ज्योतिं जुषतामाज्यं विच्छिन्नं यज्ञः
समिमं दधातु । बृहस्पति-स्तनुतामिमन्नो विश्वे देवा इह मादयन्तां ।
ब्रध्न पिन्वस्व ददतो मे मा क्षायि कुर्वतो मे मोष
दसत् प्रजापते-र्भागोऽस्यूर्जस्वान् पयस्वान् प्राणापानौ मे पाहि
समानव्यानौ मे पाह्युदानव्यानौ मे पाह्यक्षितोऽस्यक्षित्यै
त्वा () मा मे क्षेष्टा अमुन्नामुष्मिन् लोके । 10
(उपहवं-जुष्टा-नस्-त्वा षट्च) (A3)

1.6.4.1

ब॒र्हि॒षोऽहं॑ दे॒वय॒ज्यया॑ प्र॒जावा॑न् भू॒यासं॑ न॒राश॑ꣳ स॒स्याहं॑
 दे॒वय॒ज्यया॑ प॒शुमा॑न् भू॒यास॑म॒ग्नेः स्वि॑ष्ट॒कृतोऽहं॑ दे॒वय॒ज्ययाऽऽयु॑ष्मान्
 य॒ज्ञेन॑ प्र॒तिष्ठां॑ ग॒मेय॑म॒ग्नेर॒ह-मु॒ज्जि॒ति-म॒नूज्जै॑षꣳ
 सोम॑स्याह-मु॒ज्जि॒ति-म॒नूज्जै॑षम॒ग्नेर॒ह-मु॒ज्जि॒ति-म॒नूज्जै॑षम॒ग्नी-
 षोम॑यो॒रह-मु॒ज्जि॒ति-म॒नूज्जै॑ष-मि॒न्द्राग्नि॑यो॒रह-मु॒ज्जि॒ति
 म॒नूज्जै॑ष-मि॒न्द्रस्या॑ह - [] 11

1.6.4.2

मु॒ज्जि॒तिम॒नूज्जै॑षं महे॒न्द्रस्या॑ह मु॒ज्जि॒ति-म॒नूज्जै॑षम॒ग्नेः स्वि॑ष्ट॒कृतोऽहं॑
 मु॒ज्जि॒ति-म॒नूज्जै॑षं वा॒जस्य॑ मा प्र॒सवे॑नो॒द्ग्राभे॑णो॒दग्र॑भीत् ।
 अथा॑ स॒पत्नाꣳ इ॒न्द्रो मे॑ नि॒ग्राभे॑णाध॒राꣳ अ॒कः ।
 उ॒द्ग्रा॒भं च॑ नि॒ग्रा॒भं च॑ ब्र॒ह्म दे॒वा अ॑वीवृ॒धन् ।
 अथा॑ स॒पत्ना-नि॒न्द्राग्नी॑ मे॒ विषू॑ची॒नान्-व्य॑स्यतां ।
 ए॒मा अ॑ग॒मन्ना॒शिषो॑ दो॒हका॑मा इ॒न्द्रव॑न्तो - [] 12

1.6.4.3

व॒नाम॑हे॒ धु॒क्षी॑महि॒ प्र॒जा॒मि॒षं॑ । रो॒हि॒ते॒न॑ त्वा॒ऽग्नि॑र्दे॒वतां॑ गमयतु॒ हरि॑भ्यां
 त्वेन्द्रो॑ दे॒वतां॑ गमय॒त्वैत॑शेन त्वा॒ सूर्यो॑ दे॒वतां॑ गमयतु॒ वि ते॑ मुञ्चामि
 र॒श॒ना वि॒ र॒श्मीन् वि॒ योक्त्रा॑ या॒नि परि॑च॒र्त॒नानि॑ ध॒त्ताद॑स्मासु॒ द्रवि॑णं॒ यच्च॑
 भ॒द्रं प्र॑णो ब्रूताद्-भा॒ग॒धा॒न् दे॒वता॑सु । वि॒ष्णोः॑ श॒योर॑हं दे॒वय॑ज्यया॒ यज्ञे॑न
 प्र॒तिष्ठां॑ गमे॒यꣳ सोम॑स्याहं दे॒वय॑ज्यया - [] 13

1.6.4.4

सु॒रे॒ता रे॒तो धि॑षीय॒ त्वष्टु॑रहं दे॒वय॑ज्यया॒ पशू॑नाꣳ रू॒पं पु॑षेयं
 दे॒वानां॑ प॒त्नीर॑ग्नि॒ गृह॑पति॒ र्यज्ञ॑स्य मि॒थुनं॑ तयो॒रहं॑ दे॒वय॑ज्यया
 मि॒थुने॑न प्र॒भूया॑सं॒ वेदो॑ऽसि॒ वित्ति॑रसि॒ विदे॑य॒ कर्मा॑ऽसि॒ करु॑णमसि
 क्रि॒यासꣳ स॒निर॑सि॒ सनि॑ताऽसि॒ सने॑यं॒ घृत॑वन्तं॒ कुला॑यिनꣳ रा॒यस्पोषꣳ
 स॒हस्रि॑णं॒ वेदो॑ द॒दातु॑ वा॒जिनं॑ । 14

(इन्द्र॑स्याह-मिन्द्र॑वन्तः-सोम॑स्याहं

दे॒वय॑ज्यया-चतुश्च॑त्वारिꣳश्च॑) (A4)

1.6.5.1

आ॒ प्या॒यतां॑ ध्रु॒वा घृ॒तेन॑ य॒ज्ञं य॒ज्ञं प्र॒ति दे॒वय॑भ्यः ।
 सूर्या॒या ऊ॒धोऽदि॒त्या उप॒स्थ उ॒रुधा॒रा पृ॒थि॒वी य॒ज्ञे अ॒स्मिन् ।
 प्र॒जाप॑ते वि॒भान्ना॑म लो॒कस्त॑स्मि॒ऽस्त्वा द॑धामि सह यज॑मानेन
 स॒दसि॑ सन्मे॒ भूयाः॑ स॒र्वम॑सि स॒र्व मे॑ भूयाः पू॒र्णम॑सि पू॒र्ण मे॑
 भूया॒ अक्षि॑तमसि मा मे॑ क्षे॒ष्टाः प्रा॒च्यां दि॒शि दे॒वा ऋ॒त्विजो॑
 मार्ज॑यन्तां दक्षि॒णायां॑ – [] 15

1.6.5.2

दि॒शि मा॒साः पि॒तरो॑ मार्ज॑यन्तां प्र॒तीच्यां॑ दि॒शि गृ॒हाः प॒शवो॑
 मार्ज॑यन्तामु॒दीच्यां॑ दि॒श्याप॑ ओष॒धयो॑ वन॒स्पत॑यो मार्ज॑यन्तामू॒र्ध्वायां॑
 दि॒शि य॒ज्ञः सँव॑त्सरो य॒ज्ञप॑ति मार्ज॑यन्तां वि॒ष्णोः
 क्रमो॑ऽस्यभि॒माति॑हा गाय॒त्रेण॑ छन्द॒सा पृ॒थि॒वीम॑नु वि क्र॒मे निर्भ॑क्तः
 स यं द्वि॒ष्मो वि॒ष्णोः क्रमो॑ऽस्यभि॒शस्ति॑हा त्रैष्टु॒भेन॑ छन्द॒साऽन्तरि॑क्षम॒नु
 वि क्र॒मे निर्भ॑क्तः स यं द्वि॒ष्मो वि॒ष्णोः क्रमो॑ऽस्यरा॒तीय॑तो ह॒न्ता जा॑गतेन

छन्दसा॑ दि॒वम॒नु वि॒ क्रमे॑ निर्भ॒क्तः स॒ यं द्वि॒ष्मो वि॒ष्णोः क्रमो॑ऽसि शत्रू॒यतो॑
हन्ताऽऽनु॒ष्टुभे॒न छन्दसा॑ दि॒शोऽनु॒ वि क्रमे॑ निर्भ॒क्तः स॒ यं द्वि॒ष्मः । 16

(दक्षि॑णायामन्तरि॒क्षम॒नु वि क्रमे॑ निर्भ॒क्तः स॒ यं – द्वि॒ष्मो

वि॒ष्णो – रेका॒न्न त्रि॒ंशच्च॑) (A5)

1.6.6.1

अग॑न्म सु॒वः सु॒वर॑गन्म संदृ॒शस्ते॑ मा छि॒त्सि यत्ते॑ तप॒स्तस्मै॑ ते
माऽऽवृ॑क्षि सु॒भूर॑सि श्रेष्ठो रश्मी॑नामायु॒र्धा अस्या॑यु॒र्मे धेहि॑ वर्चो॒धा असि॑
वर्चो॑ मयि धेही॒दम॒हम॒मुं भ्रातृ॑व्यमा॒भ्यो दिग्भ्यो॑ऽस्यै दि॒वो
ऽस्माद॑न्तरि॒क्षाद॑स्यै पृथि॒व्या अ॒स्माद॒न्नाद्या॑न्निर्भ॒जामि॑
निर्भ॒क्तः स॒ यं द्वि॒ष्मः । 17

1.6.6.2

सं ज्यो॑तिषाऽभू॒वमै॑न्द्री-मावृ॑तमन्वाव॒र्ते सम॑हं प्र॒जया॑ सं मया॑ प्र॒जा
सम॑हं रा॒यस्पोषे॑ण सं मया॑ रा॒यस्पोषः॑ समि॒द्धो अग्ने॑ मे दी॒दिहि॑ समे॒द्धा
ते अग्ने॑ दी॒द्यासं॑ वसु॒मान् यज्ञो॑ वसी॒यान् भूया॑सम॒ग्न आयू॑षि पव॒स

आ सु॒वो॒र्ज॒मि॒षं च॑ नः । आ॒रे बा॑धस्व दु॒च्छु॒नां ॥

अ॒ग्ने प॑वस्व स्व॒पा अ॒स्मे वर्चः॑ सु॒वीर्यं॑ । 18

1.6.6.3

दध॒त्पोष॑ꣳ र॒यिं म॑यि । अ॒ग्ने गृ॑हपते सु॒गृह॑पति॒रहं॑ त्वया॑ गृ॒हप॑तिना
भूया॑सꣳ सु॒गृह॑पति॒र्मया॒ त्वं गृ॑हपतिना भूयाः शतꣳ हि॒मा॒स्ता॒माशि॑ष॒मा
शा॒से त॑न्त॒वे ज्यो॑तिष्मतीं॒ ता॒माशि॑ष॒मा शा॒सेऽमु॑ष्मै ज्यो॑तिष्मतीं॒ कस्त्वा॑
यु॒नक्ति॑ स त्वा वि॒मुञ्च॑त्व॒ग्ने व्र॑तपते व्र॒तम॑चा॒रिषं॑ तद॒शकं॑ तन्मेऽरा॒धि
य॒ज्ञो ब॒भूव॑ स आ – [] 19

1.6.6.4

ब॒भूव॑ स प्र॒जज्ञे॑ स वा॒वृधे॑ । स दे॒वाना॑मधि॒पति॑ ब॒भूव॑ सौ
अ॒स्माꣳ अ॒धिप॑तीन् करोतु व॒यꣳ स्या॑म प॒तयो॑ र॒यीणां॑ ।
गो॒माꣳ अ॒ग्नेऽवि॑माꣳ अ॒श्वी य॒ज्ञो नृ॑व॒त्सखा॑
सद॒मिद॑प्र॒मृष्यः॑ । इ॒डावाꣳ ए॒षो अ॒सुर॑ प्र॒जावा॑न् दी॒र्घो र॒यिः
पृ॒थु॒बुध्नः॑ स॒भावान्॑ । 20

(द्विष्मः-सुवीर्यं-स आ-पञ्चत्रिंशच्च) (A6)

1.6.7.1

यथा वै समृतसोमा एवं वा एते समृतयज्ञा यद्दर्शपूर्णमासौ
 कस्य वाऽह देवा यज्ञमागच्छन्ति कस्य वा न बहूनां
 यजमानानां यो वै देवताः पूर्वः परिगृह्णाति स एनाः श्वो
 भूते यजत एतद्वै देवानामायतनं यदाहवनीयोऽन्तराऽग्नी
 पशूनां गार्हपत्यो मनुष्याणा-मन्वाहार्यपचनः
 पितृणामग्निं गृह्णाति स्व एवायतने देवताः परि - [] 21

1.6.7.2

गृह्णाति ताः श्वो भूते यजते व्रतेन वै मेध्योऽग्निं व्रतपतिं ब्राह्मणो
 व्रतभृद्-व्रतमुपैष्यन् ब्रूयादग्ने व्रतपते व्रतं चरिष्यामीत्यग्निर्वै
 देवानां व्रतपति-स्तस्मा एव प्रतिप्रोच्य व्रतमा लभते बर्हिषा पूर्णमासे
 व्रतमुपैति वथ्सैरमावास्या-यामेतद्ध्येतयो-रायतनमुपस्तीर्यः
 पूर्वश्चाग्निरपरश्चेत्याहुर्मनुष्या - [] 22

1.6.7.3

इ॒न्न॒वा॒ उप॒स्ती॒र्ण-मि॒च्छन्ति॒ किमु॑ दे॒वा येषां॑ न॒वाव॑सान-मु॒पास्मि॑ञ्छ्वो
यक्ष्य॑माणो दे॒वता॑ वसन्ति॒ य एवं॑ वि॒द्वानग्नि॑मुपस्तृ॒णाति॑ यज॑मानेन
ग्रा॒म्याश्च॑ प॒शवो॑ऽव॒रुध्या॑ आ॒रण्या॑श्चेत्याहु॒ र्यद्ग्रा॑म्यानुपवसति तेन
ग्रा॒म्या॒नव॑ रुन्धे॒ यदा॑रण्यस्या॒श्नाति॑ तेना॒रण्यान्॑ यदना॒श्चानु॑पवसेत्
पित॑रुदे॒वत्यः॑ स्यादा॒रण्यस्या॑-श्नाति॒न्द्रियं॑ - [] 23

1.6.7.4

वा॑ आ॒रण्यमि॒न्द्रिय॑मेवाऽऽत्मं धत्ते॒ यदना॑श्चानुपवसेत् क्षो॒धुकः॑
स्याद्यद॑श्नीयाद्द्रो॒ऽस्य प॒शून॑भि म॒न्येता॑ऽपोऽश्नाति॒ तन्ने॒वाशि॑तं
ने॒वाऽन॑शितं न क्षो॒धुको॑ भवति नास्य रु॒द्रः प॒शून॑भि म॒न्यते॑ वज्रो॒ वै
यज्ञः॑ क्षु॒त्खलु॑ वै म॒नुष्य॑स्य भ्रातृ॒व्यो यदना॑ ऽश्चानुपवसति वज्रो॒णैव॑
सा॒क्षात् () क्षु॒धं भ्रातृ॒व्यं ह॑न्ति । 24

(परि-म॒नुष्या॑-इ॒न्द्रिय॑-सा॒क्षात्-त्रीणि॑ च) (A7)

1.6.8.1

यो वै श्रद्धामनारभ्य यज्ञेन यजते नास्येष्टाय श्रद्धं धत्तेऽपः प्रणयति
 श्रद्धा वा आपः श्रद्धामेवाऽऽरभ्य यज्ञेन यजत उभयेऽस्य देवमनुष्या
 इष्टाय श्रद्धं धत्ते तदाहुरति वा एता वत्र नैदन्त्यति वाचं मनो वावैता
 नाति नैदन्तीति मनसा प्रणयतीयं वै मनो – [] 25

1.6.8.2

ऽनयैवैनाः प्रणयत्य-स्कन्नहवि भवति य एवं वेद
 यज्ञायुधानि सं भरति यज्ञो वै यज्ञायुधानि यज्ञमेव तत्सं भरति
 यदेकमेकं संभरेत्-पितृदेवत्यानि स्युर्यथ सह सर्वाणि मानुषाणि
 द्वे द्वे संभरति याज्यानुवाक्ययोरेव रूपं करोत्यथो मिथुनमेवयो वै दश
 यज्ञायुधानि वेद मुखतोऽस्य यज्ञः कल्पते स्म्यः – [] 26

1.6.8.3

च कपालानि चाग्निहोत्रहवणी च शूर्पं च कृष्णाजिनं च शम्या
 चोलूखलं च मुसलं च दृषच्चोपला चैतानि वै दश

य॒ज्ञायु॒धानि॒ य ए॒वं वै॑द॒ मुख॑तो॒ऽस्य॒ य॒ज्ञः क॑ल्पते
यो वै दे॒वेभ्यः॑ प्र॒तिप्रो॑च्य॒ य॒ज्ञेन॑ यजते जु॒षन्ते॑ऽस्य दे॒वा ह॑व्यं
ह॒वि नि॑रु॒प्यमा॑णम॒भि म॑न्त्रयेता॒ग्निं हु॑तारमिह तं हु॒व इति॑-[] 27

1.6.8.4

दे॒वेभ्य॑ ए॒व प्र॒तिप्रो॑च्य॒ य॒ज्ञेन॑ यजते जु॒षन्ते॑ऽस्य दे॒वा ह॑व्यमेष
वै य॒ज्ञस्य॑ ग्र॒हो गृ॑हीत्वै॒व य॒ज्ञेन॑ यजते तदु॒दित्वा॑ वाचं यच्छति य॒ज्ञस्य॑
धृ॒त्या अ॒थो म॑नसा वै प्र॒जाप॑ति र्य॒ज्ञम॑तनुत॒ मन॑सै॒व तद्य॒ज्ञं त॑नुते
रक्ष॑सा-म॒नन्व॑व॒चारा॑य यो वै य॒ज्ञं यो॑ग आ॒गते॑ यु॒नक्ति॑ यु॒ङ्क्ते यु॒ञ्जाने॑षु
क॒स्त्वा यु॒नक्ति॑ स त्वा यु॒नक्ति॑व () त्याह प्र॒जाप॑तिर्वै कः प्र॒जाप॑तिनै॒वैनं॑
यु॒नक्ति॑ यु॒ङ्क्ते यु॒ञ्जाने॑षु । 28

(वैम॒नः-स्फ्य॑-इति॑-यु॒नक्त्वे॑-काद॑श च) (A8)

1.6.9.1

प्र॒जाप॑ति र्य॒ज्ञा-न॑सृ॒जता॑ग्निहो॒त्रं चा॑ग्नि॒ष्टोमं॑ च पौ॒र्णमा॑सीं चो॒क्थ्यं॑
चा॒मावा॑स्यां चाति॒रात्रं॑ च तानु॒दमि॑मीत॒ याव॑दग्निहो॒त्र-मा॑सीत्

ता॒वान॒ग्नि॒ष्टो॒मो या॒वती॑ पौ॒र्ण॒मा॒सी ता॒वानु॑क्थ्यो या॒वत्य॑मा॒वास्या॑
ता॒वान॒तिरा॒त्रो य एवं॑ वि॒द्वान॒ग्नि॒हो॒त्रं जु॒होति॑ या॒वद॑ग्नि॒ष्टो॒मेनो॑पा॒प्नोति॑
ता॒वदु॒पाऽऽप्नो॑ति य एवं॑ वि॒द्वान् पौ॒र्ण॒मा॒सीं यज॑ते
या॒वदु॒क्थ्येनो॑पा॒प्नोति॑ – [] 29

1.6.9.2

ता॒वदु॒पाऽऽप्नो॑ति य एवं॑ वि॒द्वान॒मा॒वास्यां॑ यज॑ते या॒वद॑तिरा॒त्रेणो॑पा॒प्नोति॑
ता॒वदु॒पाऽऽप्नो॑ति पर॒मे॒ष्ठिनो॑ वा ए॒ष यज्ञो॑ऽग्र आसीत् तेन स पर॒मां का॒ष्ठाम॑
गच्छत् तेन प्र॒जाप॑तिं नि॒रवा॑साययत् तेन प्र॒जाप॑तिः पर॒मां का॒ष्ठाम॑गच्छत्
तेने॒न्द्रं नि॒रवा॑साययत् तेने॒न्द्रः पर॒मां का॒ष्ठाम॑गच्छत् तेना॒ग्नी॒षोमौ॑
नि॒रवा॑साययत् तेना॒ग्नी॒षोमौ॑ पर॒मां का॒ष्ठाम॑गच्छतां य – [] 30

1.6.9.3

एवं॑ वि॒द्वान् दर्॒शपूर्ण॑मा॒सौ यज॑ते पर॒मामे॒व का॒ष्ठां गच्छ॑ति यो वै प्र॒जाते॑न
यज्ञे॑न यज॑ते प्र॒प्रजया॑ प॒शुभि॑ मि॒थुनै॑ र्जायते द्वा॒दश॑ मा॒साः सँव॑त्सरो
द्वा॒दश॑ द्व॒न्द्वानि॑ दर्॒शपूर्ण॑मा॒सयो॒स्तानि॑ संपा॒द्यानी॒त्याहु॑र्व॒त्सं

चो॑पाव॒सृज॒त्यु॒खां॑ चा॒धि॒ श्रय॒त्यव॑ च॒ हन्ति॑ दृ॒षदौ॑ च॒ समा॒हन्त्य॑धि च॒
वप॑ते क॒पाला॑नि चोप॑ दधाति पुरो॒डाशं॑ – [] 31

1.6.9.4

चा ऽधि॑श्रय॒त्याज्यं॑ च स्त॒ंबय॒जुश्च॑ हर॒त्यभि॑ च गृ॒ह्णाति॑ वेदिं च परि गृ॒ह्णाति॑
पत्नीं॑ च सं॒नह॑ति प्रो॒क्षणी॑श्चा ऽऽसा॒दय॒त्याज्यं॑ चै॒तानि॑ वै द्वा॒दश॑ द्व॒न्द्वानि॑
दर्श॑पूर्णमा॒सयो॒स्तानि॑ य ए॒व ऽ संपा॑द्य यज॒ते प्रजा॑तेनै॒व यज्ञे॑न यज॒ते
प्र प्र॒जया॑ प॒शुभि॑ मि॒थुनै॑ र्जायते । 32

(उ॒क्थ्ये॑नोपा॒प्नोत्य॑-गच्छ॒तां यः- पुरो॒डाशं॑-च॒त्वारि॑ ऽश॒च्च) (A9)

1.6.10.1

ध्रु॒वो ऽसि॑ ध्रु॒वो ऽह॑ ऽ सजा॑तेषु भू॒यास॑मि॒त्याह॑ ध्रु॒वाने॑वैनान् कुरु॒त
उ॒ग्रो ऽस्यु॒ग्रो ऽह॑ ऽ सजा॑तेषु भू॒यास॑मि॒त्याहा॑ प्रति॒वादि॑न ए॒वैनान्॑
कुरु॑ते-ऽभि॒भूर॑स्यभि॒भूर॑ह॑ ऽ सजा॑तेषु भू॒यास॑मि॒त्याह॑ य ए॒वैनं॑
प्र॒त्युत्पि॑पी॒ते तमु॑पा॒स्यते॑ यु॒नज्मि॑ त्वा ब्र॒ह्मणा॑ दै॒व्येने॑त्याहैष॒ वा
अ॒ग्नेर्यो॑ग॒स्तेनै॑ – [] 33

1.6.10.2

वैनं॑ यु॒नक्ति॑ य॒ज्ञस्य॑ वै॒ समृ॑द्धेन दे॒वाः सु॒वर्गं॑ लो॒कमा॑यन् य॒ज्ञस्य॑
व्यृ॒द्धेना॑सुरान् परा॑ भावयन् यन्मे॑ अग्ने॒ अस्य॑ य॒ज्ञस्य॑ रिष्यादित्या॑ह
य॒ज्ञस्यै॒व तत्समृ॑द्धेन यजमानः सु॒वर्गं॑ लो॒कमे॑ति य॒ज्ञस्य॑ व्यृ॒द्धेन
भ्रातृ॑व्यान् परा॑ भावयत्यग्निहोत्र-मे॒ताभि॑ व्या॒हृती॑भिरुप सादयेद्य॒ज्ञमु॒खं
वा॑ अग्निहोत्रं ब्रह्मै॒ता व्या॑हतयो य॒ज्ञमु॒ख ए॒व ब्र॑ह्म - [] 34

1.6.10.3

कुरु॑ते सँव॒थ्सरे॑ पर्या॒गत ए॒ताभि॑रेवोप सादयेद्-ब्रह्म॑णैवोभयतः
सँव॒थ्सरं॑ परि गृह्णाति दर्शपूर्णमा॒सौ चा॑तुर्मा॒स्यान् या॒लभ॑मान
ए॒ताभि॑र्व्या॒हृती॑भिर्हवी॒ष्यासा॑दयेद्य॒ज्ञमु॒खं वै॑ दर्शपूर्णमा॒सौ
चा॑तुर्मा॒स्यानि॑ ब्रह्मै॒ता व्या॑हतयो य॒ज्ञमु॒ख ए॒व ब्र॑ह्म कुरु॑ते सँव॒थ्सरे॑
पर्या॒गत ए॒ताभि॑रेवासादयेद् ब्रह्म॑णैवोभयतः सँव॒थ्सरं॑ परिगृह्णाति यद्वै
य॒ज्ञस्य॑ साम्ना॑ क्रियते॑ रा॒ष्ट्रं - [] 35

1.6.10.4

य॒ज्ञस्या॒- *शी॒र्गच्छ॑ति यदृ॒चा वि॒शं य॒ज्ञस्या॒ *शी॒र्गच्छ॑त्यथ
 ब्रा॒ह्म॒णोऽना॑शी॒र्केण॑ य॒ज्ञेन॑ यज॒ते सा॒मिधे॑नीरनुवक्ष्यन्ने॒ता व्या॑ह॒तीः
 पु॒रस्ता॑द्द॒ध्याद् ब्र॒ह्मैव॑ प्र॒तिप॑दं कुरु॒ते त॒था ब्रा॒ह्म॒णः सा॑शी॒र्केण॑ य॒ज्ञेन॑
 यज॒ते यं का॒मये॑त यज॒मानं॑ भ्रातृ॒व्यम॑स्य य॒ज्ञस्या॒ *शी॒र्गच्छे॑दिति तस्यै॒ता
 व्या॑ह॒तीः पु॒रोऽनु॑वा॒क्यायां॑ द॒ध्याद् भ्रातृ॑व्यदे॒वत्या॑ वै पु॒रोऽनु॑वा॒क्या
 भ्रातृ॑व्यमे॒वास्य॑ य॒ज्ञस्या॒ - [] 36

1.6.10.5

ऽऽशी॒र्गच्छ॑ति या॒न् का॒मये॑त यज॒मानान्थ् स॒माव॑त्ये॒नान् य॒ज्ञस्या॒
 ऽऽशी॒र्गच्छे॑दिति तेषा॒मेता॑ व्या॒ह॒तीः पु॒रोऽनु॑वा॒क्याया॑ अ॒र्धर्च॑ ए॒कां
 द॒ध्याद्या॑ज्यायै पु॒रस्ता॑दे॒कां या॒ज्याया॑ अ॒र्धर्च॑ ए॒कां तथै॒नान्थ् स॒माव॑ती
 य॒ज्ञस्या॒ ऽऽशी॒र्गच्छ॑ति य॒था वै प॒र्जन्यः॑ सु॒वृष्टं॑ व॒र्षत्ये॒वं य॒ज्ञो
 यज॒मानस्य॑ व॒र्षति॑ स्थ॒लयो॑द॒कं प॒रिगृ॑ह्णन्त्या॒शिषा॑ य॒ज्ञं य॒ज॒मानः॑
 प॒रिगृ॑ह्णातिमनोऽसि प्राजाप॒त्यं - [] 37

1.6.10.6

मन॒सा मा॒ भू॒तेना॒ ऽऽवि॒शे॒त्याह॒ मनो॑ वै प्रा॒जाप॒त्यं प्रा॒जाप॒त्यो य॒ज्ञो मन॑
 ए॒व य॒ज्ञमा॒त्मन् ध॑त्ते वा॒गस्यै॒न्द्री स॒पत्न॑क्षयणी वा॒चा
 मे॒न्द्रिये॒णाऽऽवि॒शे॒त्याहै॒न्द्री वै वा॒ग्वाच॑-मे॒वैन्द्री॑-मा॒त्मन् ध॑त्ते । 38
 (तेनै॒-व ब्र॒ह्म- रा॒ष्ट्रमे॒वास्य॑-य॒ज्ञस्य॑-प्रा॒जाप॒त्यञ्-षट्त्रि॑ञ्शच्च)
 (A10)

1.6.11.1

यो वै स॒प्तद॒शं प्रा॒जाप॒तिं य॒ज्ञम॒न्वाय॑त्तं वै॒द प्रति॑ य॒ज्ञेन॑ तिष्ठति
 न य॒ज्ञाद् भ्र॑ञ्शत आ श्राव॑येति चतु॒रक्ष॑रमस्तु श्रौष॑डिति चतु॒रक्ष॑रं
 य॒जेति॑ द॒व्यक्ष॑रं ये य॒जाम॒ह इति॑ पञ्चाक्ष॑रं द॒व्यक्ष॑रो वषट्कार
 ए॒ष वै स॒प्तद॒शः प्रा॒जाप॒तिर्य॒ज्ञम॒न्वाय॑त्तो य ए॒वं वै॒द प्रति॑ य॒ज्ञेन॑
 तिष्ठति॑ न य॒ज्ञाद् भ्र॑ञ्शते यो वै य॒ज्ञस्य॑ प्रायणं प्रतिष्ठा - [] 39

1.6.11.2

मु॒दय॑नं वै॒द प्रति॑ष्ठितेनारि॒ष्टेन॑ य॒ज्ञेन॑ स॒ञ्स्थां ग॑च्छत्या
 श्राव॑यास्तु श्रौष॑ड्यज ये य॒जाम॒हे वषट्कार॑ ए॒तद्वै य॒ज्ञस्य॑ प्रायणमेषा

प्रतिष्ठैतदुदयनं य एवं वेद प्रतिष्ठितेनाऽरिष्टेन यज्ञेन
स॒ऽस्थां गच्छति यो वै सूनृतायै दोहं वेद दुह एवैनां यज्ञो
वै सूनृता ऽऽश्रावयेत्यैवैना-महदस्तु - [] 40

1.6.11.3

श्रौषडित्युपावासाग्यजेत्युदनैषीद्ये यजामह इत्युपाऽसदद्वषट्कारेण
दोग्ध्येष वै सूनृतायै दोहो य एवं वेद दुह एवैनां देवा वै सत्रमासत
तेषां दिशोऽदस्यन्त एतामार्द्रां पङ्क्तिमपश्यन्ना श्रावयेति
पुरोवात-मजनयन्नस्तु श्रौषडित्यभ्रं समप्लावयन्
यजेति विद्युत - [] 41

1.6.11.4

मजनयन् ये यजामह इति प्रावर्षयन्नभ्यस्तनयन् वषट्कारेण ततो वै
तेभ्यो दिशः प्राप्यायन्त य एवं वेद प्रास्मै दिशः प्यायन्ते प्रजापतिं त्वो
वेद प्रजापतिस्त्वं वेद यं प्रजापतिर्वेद स पुण्यो भवत्येष वै छन्दस्यः
प्रजापतिरा श्रावयाऽस्तु श्रौषड्यज ये यजामहे वषट्कारो य एवं वेद

पुण्यो॑ भवति॑ वसन्त॑ – [] 42

1.6.11.5

मृतूनां॑ प्री॒णामी॒त्याह॑र्तवो॒ वै प्र॑याजा ऋ॒तूने॒व प्री॑णाति ते॒ऽस्मै प्री॒ता
यथा॑पूर्वं कल्पन्ते॑ कल्पन्ते॑ऽस्मा ऋ॒तवो॑ य एवं वे॒दाग्नी॑षोमयो॒रहं
दे॒वय॑ज्यया चक्षु॒ष्मान् भू॒यास॑मित्याहाग्नी॑षोमा॒भ्यां वै य॒ज्ञश्चक्षु॑ष्मान्-
ता॒भ्यामे॒व चक्षु॑रात्मन् धत्ते॑ ऽग्ने॒रहं दे॒वय॑ज्ययान्नादो भू॒यास॑मित्याहाग्नि
र्वै दे॒वाना॑मन्नादस्ते॒ नै वा – [] 43

1.6.11.6

ऽन्नाद्य॑मात्मन् धत्ते॑ द॒ब्धिर॑स्यद॒ब्धो भू॒यास॑ममुं द॒भेय॑मित्याहै॒तया
वै द॒ब्ध्या दे॒वा अ॑सुरानद॒भ्नुव॑न्तयै॒व भ्रातृ॑व्यं द॒भ्नोत्य॑ग्नीषोमयो॒रहं
दे॒वय॑ज्यया वृ॒त्रहा भू॒यास॑मित्याहाऽग्नी॑षोमा॒भ्यां वा इन्द्रो॑
वृ॒त्रम॑हन्ताभ्यामे॒व भ्रातृ॑व्यं स्तृ॒णुत॑ इन्द्रा॒ग्नियो॒रहं
दे॒वय॑ज्ययेन्द्रि॒याव्य॑न्नादो भू॒यास॑मित्याहेन्द्रि॒याव्ये॑वान्नादो
भव॑तीन्द्र॒स्या – [] 44

1.6.11.7

ॐ दे॒वय॒ज्यये॑न्द्रि॒यावी॑ भू॒यास॑मि॒त्याहे॑न्द्रि॒याव्ये॑व भ॒वति॑
महे॒न्द्रस्या॑ॐ दे॒वय॒ज्यया॑ जे॒मानं॑ म॒हिमानं॑ गमे॒यमि॒त्याह॑
जे॒मानमे॑व म॒हिमानं॑ गच्छत्यग्नेः स्वि॒ष्टकृ॑तो॒ॐ दे॒वय॒ज्यया॑ऽऽयु॒ष्मान्
यज्ञे॑न प्र॒तिष्ठां॑ गमे॒यमि॒त्याहा॑युरे॒वात्मन्॑ धत्ते प्र॒ति यज्ञे॑न-तिष्ठति । 45
(प्र॒तिष्ठा-म॒हद॒स्तु-वि॒द्युतं-व॒सन्तं-ते॒नैवे॑-न्द्र॒स्या-ऽष्टा॒त्रिंश॑च्च)
(A11)

1.6.12.1

इन्द्रं॑ वो॒ विश्व॑तस्परि॒ हवामहे॑ जने॒भ्यः॑ । अ॒स्माक॑मस्तु॒ के॒वलः॑ ।
इन्द्रं॑ नरो॒ नेम॑धिता॒ हवन्ते॑ यत्पा॒र्या यु॒नज॑ते॒ धिय॑स्ताः ।
शूरो॑ नृषा॒ता श॑वसश्च॒कान आ॑ गोम॒ति व्र॑जे भ॒जा त्व॑न्नः ।
इन्द्रि॒याणि॑ शतक्र॒तो या ते॑ जने॒षु पञ्च॑सु । इन्द्र॑ तानि॒ त आ॑ वृ॒णे ।
अनु॑ ते दा॒यि म॒ह इन्द्रि॒याय॑ स॒त्रा ते॑ विश्व॒मनु॑ वृ॒त्रह॑त्ये॒ । अनु॑ - [] 46

1.6.12.2

क्ष॒त्र॒म॒नु॒ स॒हो॑ य॒ज॒त्रे॒न्द्र॑ दे॒वे॒भि॒र॒नु॑ ते नृ॒ष॒ह्ये॑ ।
 आ॒य॒स्मिन्॑ थ्स॒प्त॒वा॒स॒वा॒ स्ति॒ष्ठ॒न्ति॑ स्वा॒रु॒हो॑ यथा ।
 ऋ॒षि॒र्ह॑ दी॒र्घ॒श्रु॒त्त॒म॒ इ॒न्द्र॒स्य॑ घ॒र्मो॑ अ॒ति॒थिः॑ ।
 आ॒मा॒सु॑ प॒क्व॒मै॒र॒य॒ आ॒ सूर्य॑ꣳ रो॒ह॒यो॑ दि॒वि ।
 घ॒र्मं॑ न॒ सामं॑ त॒प॒ता॒ सु॒वृ॒त्ति॒भि॒-र्जु॒ष्टं॑ गि॒र्व॒ण॒से॒ गि॒रः॑ ।
 इ॒न्द्र॒मि॒द् गा॒थि॒नो॑ बृ॒ह॒दि॒न्द्र॑ म॒र्के॒भि॒ र॒र्कि॒णः॑ ।
 इ॒न्द्रं॑ वा॒णी॒र॒नू॒ष॒त । गा॒य॒न्ति॑ त्वा गा॒य॒त्रि॒णो॑ – [] 47

1.6.12.3

ऽर्चं॑ त्य॒र्क॒ म॒र्कि॒णः॑ ।
 ब्र॒ह्मा॒ण॒स्त्वा॒ श॒त॒क्र॒त॒-वु॒द्धꣳ श॒मि॒व॑ ये॒मि॒रे॑ ।
 अꣳहो॒मु॒चे॒ प्र॒ भ॒रे॒मा॒ म॒नी॒षा॒ मो॒षि॒ष्ठ॒-दा॒ब्ने॑ सु॒म॒तिं॑ गृ॒णा॒नाः॑ ।
 इ॒द॒मि॒न्द्र॑ प्र॒ति॒ ह॒व्यं॑ गृ॒भा॒य॒ स॒त्याः॑ स॒न्तु॑ य॒ज॒मा॒न॒स्य॑ का॒माः॑ ।
 वि॒वेष॑ य॒न्मा॑ धि॒ष॒णा॒ ज॒जा॒न॒ स्त॒वै पु॒रा पा॒र्या॑दि॒न्द्र॒ महः॑ ।

अ॒ह॒सो॑ य॒त्र पी॒पर॒द्य॒था नो॑ ना॒वे॒व या॒न्त मु॒भये॑ ह॒वन्ते॑ ।

प्र॒ स॒म्राजं॑ प्र॒थ॒म म॒ध्व॒राणा॑ – [] 48

1.6.12.4

म॒हो॒मुचं॑ वृ॒षभं॑ य॒ज्ञिया॑नां ।

अ॒पां न॒पा॒त॒म॒श्वि॒ना ह॒यन्त॑ म॒स्मिन्न॑र इ॒न्द्रि॒यं ध॒त्त॒मो॒जः ।

वि॒ न इ॒न्द्र मृ॒धो ज॒हि नी॒ चा य॒च्छ पृ॒त॒न्य॒तः ।

अ॒ध॒स्प॒दं त॒मीं कृ॒धि यो॒ अ॒स्मा॒ अभि॑दा॒सति॑ ।

इ॒न्द्र क्ष॒त्र॒म॒भि वा॒म॒मो॒जो ऽजा॑य॒था वृ॒षभ॑ च॒र्ष॒णी॒नां ।

अ॒पा॒नु॒दो ज॒न॒म॒मि॒त्र य॒न्त मु॒रुं दे॒वै॒भ्यो अ॒कृ॒णो॒रु लो॒कं ।

मृ॒गो न॒ भी॒मः कु॒च॒रो गि॒रि॒ष्ठाः प॒रा॒व॒त – [] 49

1.6.12.5

आ॒ ज॒गा॒मा प॒र॒स्याः ।

सृ॒क॒ स॒शाय॑ प॒वि॒मि॒न्द्र ति॒ग्मं वि॑ श॒त्रून् ता॒ढि वि॒मृ॒धो नु॑द॒स्व ।

वि॒ श॒त्रून् वि॒ मृ॒धो नु॑द वि॒वृ॒त्र॒स्य ह॒नू रु॒ज ।

वि॒ मन्यु॑मिन्द्र॒ भामि॑तो ऽमि॒त्रस्या॑भि दा॒सतः॑ ।
 त्रा॒ता॒रमिन्द्र॑ मवि॒तार॑ मिन्द्र॒ꣳ हवे॑ हवे॑ सु॒हव॑ꣳ शू॒रमिन्द्रं॑ ॥
 हु॒वे नु॑ श॒क्रं पु॒रुहू॑तमिन्द्र॒ꣳ स्व॒स्ति नो॑ म॒घवा॑ धा॒त्विन्द्रः॑ ।
 मा ते॑ अ॒स्याꣳ – [] 50

1.6.12.6

सह॑सावन् परि॒ष्टा व॒घाय॑ भूम॒ हरि॑वः परा॒दै ।
 त्राय॑स्व नो ऽवृ॒केभि॑-र्व॒रूथै॑ स्तव॒ प्रिया॑सः सू॒रिषु॑ स्याम ।
 अन॑वस्तो रथम॒श्वाय॑ तक्षन्-त्व॒ष्टा वज्रं॑ पु॒रुहू॑त द्यु॒मन्तं॑ ॥
 ब्र॒ह्माण॑ इन्द्रं॒ मह॑यन्तो अ॒र्कैरव॑र्द्धयन्नहये॒ हन्त॑ वा उ ।
 वृ॒ष्णो यत् ते॑ वृ॒षणो॑ अ॒र्कम॑र्चानिन्द्र॒ ग्रावा॑णो अ॒दितिः॑ सजोषाः ॥
 अन॑श्वासो ये पवयो॒ऽरथा॑ इन्द्रे॒षिता॑ अभ्यव॒र्त्तत॑ दस्यून् । 51
 (वृ॒त्रह॑त्ये॒ऽनु-गा॑यत्रिणो-ऽध्व॒राणां॑-परा॒वतो॑-ऽस्या-
 म॒ष्टाच॑त्वारि॒ꣳश॑च्च) (A12)

Prasna Korvai with starting Padams of 1 to 12 Anuvaakams :-

(सं॒त्वा॑ सि॒ञ्चामि॑-ध्रु॒वो॑-ऽस्य॒ग्निर्मा॑-बर्॒हिषो॑ऽह-मा
प्या॒यता॑-मग॒न्म-यथा॑ वै-यो वै श्रद्धां-
प्र॒जाप॑तिर्यज्ञान्-ध्रु॒वोसी॑त्याह-यो वै सप्त॑दश-मिन्द्रं॑ वो॒-द्वाद॑श ।)

Korvai with starting Padams of 1, 11, 21 Series of Panchaatis :-

(सं॒त्वा-बर्॒हिषो॑ऽहं-यथा॑ वा-ए॒वं
वि॒द्वा-ञ्छ्रौष॑ट्थ-साह॒साव-त्रैक॑पञ्चाशत् ।)

First and Last Padam of Sixth Prasnam:-

(सं॒त्वा-सि॒ञ्चामि॑ दस्यून् ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

षष्ठः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.7 प्रथमकाण्डे सप्तमः प्रश्नः याजमान-ब्राह्मणं

1.7.1.1

पा॒क॒य॒ज्ञं वा॑ अ॒न्वाहि॑ताग्नेः प॒शव॑ उप॒ तिष्ठ॑न्त इ॒डा ख॒लु वै पा॑क॒य॒ज्ञः
सै॒षान्तरा॑ प्र॒याजा॑नू॒याजान् यज॑मानस्य लो॒केऽव॑हिता ता॒माहि॑यमाणा॒मभि
मन्त्र॑येत सु॒रूप॑वर्षवर्ण ए॒हीति॑ प॒शवो॑ वा इ॒डा प॒शूने॑वोप ह्वयते य॒ज्ञं वै
दे॒वा अ॒दुह॑न् य॒ज्ञोऽसु॑रा अ॒दुह॑त् तेऽसु॑रा य॒ज्ञदु॑ग्धाः प॒राऽभ॑वन् यो
वै य॒ज्ञस्य॑ दो॒हं वि॒द्वान् - [] 1

1.7.1.2

यज॑तेऽप्यन्यं य॒जमानं॑ दु॒हे सा मे॑ स॒त्याऽऽशी॑रस्य य॒ज्ञस्य॑ भू॒यादि॑त्या॒हैष
वै य॒ज्ञस्य॑ दो॒हस्ते॑नै॒वैनं॑ दु॒हे प्र॒त्ता वै गौ॑र्दु॒हे प्र॒त्तेडा॑ यज॑मानाय दु॒ह ए॒ते
वा इ॒डायै॑ स्त॒ना इ॒डोप॑हू॒तेति॑ वा॒युर्व॑त्सो यर्.हि हो॒तेडा॑मु॒पह्व॑येत तर्.हि
यज॑मानो हो॒तार॑मी॒क्षमा॑णो वा॒युं मन॑सा ध्या॒येन् - [] 2

1.7.1.3

मा॒त्रे व॒त्समु॒पाव॑सृ॒जति॑ स॒र्वेण॑ वै य॒ज्ञेन॑ दे॒वाः सु॒वर्गं॑ लो॒कमा॑यन्
पा॒कय॑ज्ञेन॒ मनुर॑श्रा॒म्यथ॑से॒डा म॑नुमु॒पाव॑र्तत तां दे॒वासुरा॑ व्य॒ह्वय॑न्त प्र॒तीचीं॑
दे॒वाः प॑रा॒चीम॑सुराः सा दे॒वानु॑पाव॑र्तत प॒शवो॑ वै तद् दे॒वानवृ॑णत
प॒शवो॑ऽसुरा॒नज॑हु॒र्यं का॒मये॑ता प॒शुः स्या॑दिति॒ प॒राचीं॑ तस्ये॒डामु॑प
ह्वये॑ताप॒शुरे॒व भ॑वन्ति॒ यं – [] 3

1.7.1.4

का॒मये॑त प॒शुमा॑न्थ् स्या॒दिति॑ प्र॒तीचीं॑ तस्ये॒डामु॑पह्वये॑त प॒शुमा॑ने॒व
भ॑वति॒ ब्र॒ह्मवा॑दि॒नो व॑दन्ति॒ स त्वा॑ इ॒डामु॑प ह्वये॑त य
इ॒डामु॑प-हू॒यात्मा॑न-मि॒डायामु॑प-ह्वये॑तेति॒ सा नः॑ प्रि॒या
सु॒प्रतू॑र्ति-र्म॒घोनी॑त्या-हे॒डामे॑वोप॒हूयाऽऽत्मा॑-नमि॒डायामु॑प
ह्वय॑ते व्य॒स्तमि॒व वा ए॒तद्य॑ज्ञस्य॒ यदि॑डा सा॒मि प्रा॑श्नन्त – [] 4

1.7.1.5

सा॒मि मा॑र्जयन्त ए॒तत् प्र॑ति॒ वा अ॑सुराणां य॒ज्ञो व्य॑च्छिद्यत
ब्र॒ह्मणा॑ दे॒वाः स॑मदधु॒ बृ॒हस्प॑ति-स्तनु॒तामि॑मं न इ॒त्याह॑

ब्र॒ह्म॒ वै दे॒वानां॑ बृ॒हस्प॑ति ब्र॒ह्मणै॑व य॒ज्ञं सं द॑धाति वि॒च्छिन्नं॑
 य॒ज्ञं स॒मिमं॑ द॒धात्वित्या॑ह संत॒त्यै वि॒श्वे दे॒वा इ॒ह मा॑दयन्ता॒मित्या॑ह
 संत॒त्यैव य॒ज्ञं दे॒वेभ्यो॑ऽनु दि॒शति॑ यां वै – [] 5

1.7.1.6

य॒ज्ञे दक्षि॑णां द॒दाति॑ ता॒मस्य॑ प॒शवो॑ऽनु सं क्रा॒मन्ति॑
 स ए॒ष ई॒जानो॑ऽप॒शुर्भा॑वु॒को य॒जमा॑नेन ख॒लु वै तत्का॑र्य-मि॒त्याहु॑ र॒यथा॑
 दे॒वत्रा॑ द॒त्तं कु॑र्वी॒तात्म॑न् प॒शून् र॑मये॒तेति॑ ब्र॒ध्न पि॒न्वस्वे॑त्याह
 य॒ज्ञो वै ब्र॒ध्नो य॒ज्ञमे॑व तन्म॒हय॑त्यथो दे॒वत्रै॑व द॒त्तं कुरु॑त
 आ॒त्मन् प॒शून् र॑मयते द॒दतो॑ मे () मा क्षा॒यीत्या॑हाक्षि॒तिमे॒वोपै॑ति
 कु॒र्वतो॑ मे मो॒प द॑सदि॒त्याह भू॒मान॑मे॒वोपै॑ति । 6
 (वि॒द्वान्-ध्या॑येद्-भ॒वति॑ यं-प्रा॒श्नन्ति॑-यां वै-म-एका॒न्न
 वि॒शति॑श्च) (A1)

1.7.2.1

स॒ञ्श्र॒वा ह॒ सौव॑र्च॒नसः॑ तु॒मि॒ञ्ज॒मौपो॑दिति-मु॒वाच॑
य॒थ्स॒त्रिणा॑ ॥ हो॒ताऽभूः॑ का॒मिडा॑मु॒पाह्वा॑ इति
तामु॒पाह्वा॑ इति हो॒वाच॑ या प्रा॒णेन॑ दे॒वान् दा॑धार॒ व्याने॑न॒ मनु॑ष्या॒नपा॑नेन॒
पि॒तृनि॑ति छि॒नन्ति॑ सा न छि॒नन्ती॑(३) इति॑ छि॒नन्ती॑ति हो॒वाच॑ शरी॒रं वा॑
अ॒स्यै तदु॑पाह्वा॒ इति॑ हो॒वाच॑ गौ॒र्वा - [] 7

1.7.2.2

अ॒स्यै शरी॑रं गां वा॒व तौ तत् पर्य॑वदतां या॒ यज्ञे॑ दी॒यते॑ सा
प्रा॒णेन॑ दे॒वान् दा॑धार॒ यया॑ मनु॒ष्या जी॑वन्ति॒ सा व्या॑नेन॒
मनु॑ष्यान् यां पि॒तृभ्यो॑ घ्नन्ति॒ साऽपा॑नेन॒ पि॒तृन् य ए॒वं वैद॑
पशु॑मान् भव॒त्यथ॒ वै ता॑मु॒पाह्वा॑ इति हो॒वाच॑ या प्र॒जाः प्र॑भवन्तीः
प्र॒त्याभ॑वतीत्यन्नं वा॒ अ॒स्यै तदु॑ - [] 8

1.7.2.3

पा॒ह्वा इति॑ हो॒वाचौष॑धयो वा अ॒स्या अ॒न्नमो॑षधयो॒ वै प्र॒जाः प्र॑भवन्तीः
प्र॒त्या भ॑वन्ति॒ य ए॒वं वैदो॑न्नादो भव॒त्यथ॒ वै ता॑मु॒पाह्वा॑ इति हो॒वाच॑ या

प्रजाः पराभवन्ती-रनुगृह्णाति प्रत्याभवन्ती गृह्णातीति प्रतिष्ठां वा अस्यै
तदुपाह्वथा इति होवाचे यं वा अस्यै प्रतिष्ठे- [] 9

1.7.2.4

यं वै प्रजाः पराभवन्तीरनु गृह्णाति प्रत्याभवन्ती गृह्णाति
य एवं वेद प्रत्येव तिष्ठत्यथ वै तामुपाह्व इति होवाच यस्यै
निक्रमणे घृतं प्रजाः संजीवन्तीः पिबन्तीति छिनत्ति सा न छिनत्ती(३)
इति न छिनत्तीति होवाच प्र तु जनयतीत्येष वा इडामुपाह्वथा इति ()
होवाच वृष्टिर्वा इडा वृष्ट्यै वै निक्रमणे घृतं प्रजाः संजीवन्तीः पिबन्ति
य एवं वेद प्रैव जायतेऽन्नादो भवति । 10

(गौर्वा-अस्यै-तत्-प्रतिष्ठा-ऽह्वथा-इति-वि०शतिश्च) (A2)

1.7.3.1

परोक्षं वा अन्ये देवा इज्यन्ते प्रत्यक्षमन्ये यद्यजते य एव देवाः
परोक्षमिज्यन्ते तानेव तद्यजतियदन्वाहार्य-माहरत्येते वै देवाः प्रत्यक्षं
यद् ब्राह्मणास्तानेव तेन प्रीणात्यथो दक्षिणैवास्यैषाऽथो यज्ञस्यैव
छिद्रमपि दधाति यद्वै यज्ञस्य क्रूरं यद्विलिष्टं तदन्वाहार्येणा - [] 11

1.7.3.2

ॐन्वाहरति तदन्वाहार्यस्या-न्वाहार्यत्वं देवदूता वा एते यदृत्विजो
यदन्वाहार्य-माहरति देवदूतानेव प्रीणातिप्रजापति देवेभ्यो यज्ञान्
व्यादिशत् स रिरिचानोऽमन्यत स एतमन्वाहार्य-मभक्त-मपश्यत् त
मात्मन्नधत्तस वा एष प्राजापत्यो यदन्वाहार्यो यस्यैवं विदुषोऽन्वाहार्य
आह्रियते साक्षादेव प्रजापतिमृध्नोत्य-परिमितो निरुप्योऽपरिमितः
प्रजापतिः प्रजापते- [] 12

1.7.3.3

राप्त्यै देवा वै यद्यज्ञेऽकुर्वत तदसुरा अकुर्वत ते देवा एतं
प्राजापत्य-मन्वाहार्य-मपश्यन् तमन्वाहरन्त ततो देवा अभवन्
परासुरा यस्यैवं विदुषोऽन्वाहार्य आह्रियते भवत्यात्मना परास्य भ्रातृव्यो
भवति यज्ञेन वा इष्टी पक्वेन पूर्ती यस्यैवं विदुषोऽन्वाहार्य आह्रियते स
त्वेवेष्टापूर्ती प्रजापतेर्भागोऽसी- [] 13

1.7.3.4

त्याह प्रजापतिमेव भागधेयेन समर्धयत्यूर्जस्वान् पयस्वानित्याहोर्ज-
मेवास्मिन् पयो दधाति प्राणापानौ मे पाहि समानव्यानौ मे पाहीत्याहा-
ऽऽशिषमेवैतामा शास्ते ऽक्षितो ऽस्यक्षित्यै त्वा मा मे
क्षेष्ठा अमुत्रामुष्मिन् लोके इत्याह क्षीयते वा अमुष्मिन् लोके
ऽन्नमितः प्रदानं ह्यमुष्मिन् लोके () प्रजा उपजीवन्ति यदेव-
मभिमृशत्यक्षिति-मेवैनद्रमयति नास्यामुष्मिन् लोकेऽन्नं क्षीयते । 14
(अन्वाहार्येण-प्रजापते-रसि-ह्यमुष्मिन् लोके-पञ्चदश च)(A3)

1.7.4.1

बर्हिषोऽहं देवयज्यया प्रजावान् भूयासमित्याह बर्हिषा वै
प्रजापतिः प्रजा असृजत तेनैव प्रजाः सृजते नराशं
सस्याहं देवयज्यया पशुमान् भूयासमित्याह नराशंसेन वै प्रजापतिः
पशूनसृजत तेनैव पशून् सृजतेऽग्नेः स्विष्टकृतोऽहं
देवयज्ययाऽऽयुष्मान् यज्ञेन प्रतिष्ठां गमेयमित्याहाऽऽयुरेवात्मन् धत्ते प्रति
यज्ञेन तिष्ठति दर्शपूर्णमासयो - [] 15

1.7.4.2

वै दे॒वा उज्जि॑ति-म॒नूद॑जयन्
 दर्॒शपूर्ण॑मा॒साभ्या॑-म॒सुरा॑नपा-नुद॒न्ताग्ने॑-रहमुज्जि॑ति-म॒नूज्जै॑ष-मि॒त्य
 ॥ह दर्॒शपूर्ण॑मा॒सयो॑रेव दे॒वतानां॑ य॒जमान॑ उज्जि॑तिम॒नूज्जय॑ति
 दर्॒शपूर्ण॑मा॒साभ्यां॑ भ्रातृ॒व्यानप॑ नुद॒ते वा॑जवतीभ्यां व्यू॒ह॒त्यन्नं॑ वै
 वाजो॑ऽन्नमे॒वाव रु॒न्धे द्वाभ्यां॑ प्र॒तिष्ठि॑त्यै॒यो वै य॒ज्ञस्य॑ द्वौ दो॒हौ वि॒द्वान् य॑जत
 उ॒भय॑त - [] 16

1.7.4.3

ए॒व य॒ज्ञं दु॒हे पु॒रस्ता॑च्चो॒परि॑ष्ठाच्चैष वा अ॒न्यो य॒ज्ञस्य॑ दो॒ह इ॒डाया॑म॒न्यो
 यर्॒हि हो॒ता य॑जमानस्य नाम गृ॒ह्णी॒यात् तर्॒हि ब्रू॒यादे॒मा अ॒गम॑न्नाशिषो
 दो॒हका॑मा इति स॒स्तुता॑ ए॒व दे॒वता॑ दु॒हेऽथो॑ उ॒भय॑त ए॒व य॒ज्ञं दु॒हे
 पु॒रस्ता॑च्चो॒परि॑ष्ठाच्च॒रोहि॑तेन त्वा॒ग्निर्दे॒वतां॑ ग॒मय॑त्वित्याहै॒ते
 वै दे॒वाश्चा - [] 17

1.7.4.4

यज॑मानः प्र॒स्त॒रो यदे॑तैः प्र॒स्तरं॑ प्र॒हर॑ति दे॒वाश्चै॒रेव॑ यज॑मानः सु॒वर्गं॑
 लो॒कं ग॑मयति वि ते मुञ्चामि र॒शना॑ वि र॒श्मीनि॑त्याहैष वा
 अ॒ग्नेर्वि॑मो॒कस्ते॑-नै॒वैनं॑ विमुञ्चति॒विष्णोः॑ शँयो॒रहं॑ दे॒वय॑ज्यया य॒ज्ञेन॑
 प्र॒तिष्ठां॑ गमे॒यमि॑त्याहय॒ज्ञो वै वि॑ष्णुर्य॒ज्ञ ए॒वान्त॑तः प्र॒तिति॑ष्ठति
 सोम॑स्याहं दे॒वय॑ज्यया सु॒रेता॑ - [] 18

1.7.4.5

रेतो॑ धिषी॒येत्या॑ह सोमो॒ वै रेतो॑धास्तेनै॒व रेत॑ आ॒त्मन् ध॑त्ते॒त्वष्टु॑रहं
 दे॒वय॑ज्यया प॒शूनां॑ रूपं पु॒षेय॑मि॒त्याह॑त्वष्टा वै प॒शूनां॑ मि॒थुना॑नां
 रू॒पकृ॑त्तेनै॒व प॒शूनां॑ रू॒पमा॑त्मन् ध॑त्ते दे॒वानां॑ प॒त्नीर॑ग्नि गृ॒हप॑ति र्य॒ज्ञस्य॑
 मि॒थुनं॑ तयो॒रहं॑ दे॒वय॑ज्यया मि॒थुने॑न प्र॒भूया॑समि॒त्याहै॑-तस्मा॒द्वै
 मि॒थुना॑त् प्र॒जाप॑ति मि॒थुने॑न - [] 19

1.7.4.6

प्रा॒जाय॑त तस्मा॒देव॑ यज॑मानो मि॒थुने॑न प्र॒जाय॑तेवे॒दोऽसि॑ वि॒त्तिर॑सि
 वि॒देये॑त्याह वे॒देन॑ वै दे॒वा अ॑सु॒राणां॑ वि॒त्तं वे॒द्यम॑वि॒न्दन्त॑ तद्वे॒दस्य॑ वे॒दत्वं॑

य॒द्यद्भ्रा॒तृव्य॒स्याभि॒ध्याये॑त् तस्य॒ नाम॑ गृ॒ह्णीया॑त् तदे॒वास्य॑ सर्वं॒ वृ॒द्धे
घृ॒तव॑न्तं कु॒लायि॑न् रा॒यस्पोष॑ सह॒स्रिणं॑ वे॒दो द॑दातु वा॒जिन॑मित्या॒ह
प्रस॒हस्रं॑ प॒शूना॑प्नोत्या () स्य॒ प्रजा॑यां वा॒जी जा॑यते य ए॒वं वे॒द । 20
(दर्॒शपूर्ण॑मा॒सयो॑-रु॒भय॑तो-दे॒वाश्वाः॑-सु॒रेताः॑-प्र॒जाप॑तिर्मि॒थुने॑ना-
ऽऽप्नो॑त्य-ष्टौ च) (A4)

1.7.5.1

ध्रु॒वां वै रि॒च्यमा॑नां य॒ज्ञोऽनु॑ रि॒च्यते॑ य॒ज्ञं य॑ज॒मानो॑ यज॒मानं॑ प्र॒जा
ध्रु॒वामा॑प्याय॒मानां॑ य॒ज्ञोऽन्वा॑ प्याय॒ते य॒ज्ञं य॑ज॒मानो॑ यज॒मानं॑ प्र॒जा
आ॒प्याय॑तां ध्रु॒वा घृ॑तेनेत्या॒ह ध्रु॒वामे॒वाऽऽप्या॑ययति-तामा॒प्याय॑मानां
य॒ज्ञोऽन्वा॑ प्याय॒ते य॒ज्ञं य॑ज॒मानो॑ यज॒मानं॑ प्र॒जाःप्र॒जाप॑ते वि॒भान्नाम॑
लो॒कस्तस्मि॑स्त्वा द॒धामि॑ सह॒ यज॑मानेनेत्या - [] 21

1.7.5.2

हा॒यं वै प्र॒जाप॑ते वि॒भान्नाम॑ लो॒कस्तस्मि॑न्ने॒वैनं॑ द॒धाति॑ सह॒ यज॑मानेन
रि॒च्यत॑ इ॒व वा ए॒तद्य॑ज॒तेय॑द्यज॒मानभा॑गं प्रा॒श्नात्या॑त्मानमे॒व
प्री॑णात्ये॒तावान्॑ वै य॒ज्ञो या॑वान् यज॒मानभा॑गो य॒ज्ञो यज॑मानो

यद्यजमानभागं प्राश्नाति यज्ञ एव यज्ञं प्रतिष्ठापयत्येतद्वै सूयवसꣳ
सोदकं यद्वर्हिश्चाऽऽपश्चैतद् – [] 22

1.7.5.3

यजमानस्याऽऽयतनं यद्वेदिर्यत् पूर्णपात्रमन्तर्वेदि निनयति स्व एवाऽऽयतने
सूयवसꣳ सोदकं कुरुते सदसि सन्मे भूया इत्याहाऽऽपो वै यज्ञ
आपोऽमृतं यज्ञमेवामृत-मात्मन् धत्ते सर्वाणि वै भूतानि
व्रतमुपयन्तमनूप यन्ति प्राच्यां दिशि देवा ऋत्विजो मार्जयन्तामित्याहैष
वै दर्शपूर्णमासयोरवभृथो – [] 23

1.7.5.4

यान्येवैनं भूतानि व्रतमुपयन्त-मनूपयन्ति तैरेव सहावभृथमवैति
विष्णुमुखा वै देवाः छन्दोभिरिमान् लोका-ननपजय्यमभ्यजयन्
यद्विष्णुक्रमान् क्रमते विष्णुरेव भूत्वा यजमानः छन्दोभिरिमान्-
लोका-ननपजय्यमभि जयति विष्णोः क्रमोऽस्यभिमातिहेत्याह गायत्री
वै पृथिवी त्रैष्टुभमन्तरिक्षं जागतीद्यौरानुष्टुभीर्दिशः
छन्दोभिरेवेमान्-लोकान् यथापूर्वमभि जयति । 24

(यजमानेनेति-चै तद-वभृथो-दिशः-सप्त च) (A5)

1.7.6.1

अगन्म सुवः सुवर्गन्मेत्याह सुवर्गमेव लोकमेतिसंदृशस्ते मा छिथिसि
यत्ते तपस्तस्मै ते मा वृक्षीत्याहयथायजुरेवैतथ् सुभूरसि श्रेष्ठो
रश्मीनामायुर्द्धा अस्यायुर्मे धेहीत्याहाऽऽशिषमेवैतामा शास्ते प्र वा
एषोऽस्मान् लोकाच्च्यवते यो – [] 25

1.7.6.2

विष्णुक्रमान् क्रमते सुवर्गाय हि लोकाय विष्णुक्रमाः क्रम्यन्ते
ब्रह्मवादिनो वदन्ति सत्त्वै विष्णुक्रमान् क्रमेत य इमान् लोकान्
भ्रातृव्यस्य सँविद्य पुनरिमं लोकं प्रत्यवरोहेदित्येष वा अस्य लोकस्य
प्रत्यवरोहो यदाहेदमहममुं भ्रातृव्यमाभ्यो दिग्भ्योऽस्यै दिव इतीमानेव
लोकान् भ्रातृव्यस्य सँविद्य पुनरिमं लोकं प्रत्यवरोहति सं – [] 26

1.7.6.3

ज्योतिषाऽभूवमित्याहास्मिन्नेव लोके प्रति तिष्ठत्यै-न्द्रीमावृतमन्वावर्त
इत्याहासौ वा आदित्य इन्द्रस्तस्यैवाऽऽवृतमनु पर्यावर्तते दक्षिणा

पर्या॑वर्तते॒ स्वमे॑व वी॒र्य॑मनु॒ पर्या॑वर्तते॒ तस्मा॑द् दक्षि॒णोऽर्द्ध॑ आ॒त्मनो॑
 वी॒र्या॑वत्तरोऽथो॑ आ॒दित्य॑स्यै॒वाऽऽवृ॑तमनु॒ पर्या॑वर्तते॒ सम॒हं प्र॒जया॒ सं मया॑
 प्र॒जेत्या॑हाऽऽशिष॑ – [] 27

1.7.6.4

मे॒वैता॑मा शा॒स्ते समि॑द्धो अ॒ग्ने मे॒ दीदि॑हि स॒मेद्धा॑ ते अ॒ग्ने दी॒द्यास॑मित्या॒ह
 यथा॑ य॒जुरे॒वैत॑द्वसु॒मान् य॒ज्ञो वसी॑यान्-भू॒यास॑मित्या॒हा ऽऽशिष॑मे॒वैता॑मा
 शा॒स्ते बहु॑ वै गा॒र्हप॑त्यस्यान्ते॒ मिश्र॑मिव च॒र्यत॑ आ॒ग्निपा॑वमानी॒भ्यां
 गा॒र्हप॑त्यमु॒प तिष्ठ॑ते पु॒नात्ये॒वाग्निं॑ पु॒नीत॑ आ॒त्मानं॑ द्वा॒भ्यां प्र॑तिष्ठित्या॒
 अ॒ग्ने गृ॑हप॒त इत्या॑ह – [] 28

1.7.6.5

यथा॑ य॒जुरे॒वैत॑च्छत॒ हिमा॑ इत्या॒ह श॒तं त्वा॑ हे॒मन्तानि॑न्धिषी॒येति॑
 वा॒वैत॑दाह पु॒त्रस्य॑ नाम॒ गृह्णा॑त्यन्नादमे॒वैनं॑ करोति॒ तामा॑शिष॒मा शा॑से
 तन्त॑वे ज्योति॒ष्मती॑मिति॒ ब्रू॒याद्य॑स्य पु॒त्रोऽजा॑तः स्यात् ते॒जस्व्ये॑वा॒स्य
 ब्रह्म॑वर्च॒सी पु॒त्रो जा॑यते॒ तामा॑शिष॒मा शा॑सेऽमु॒ष्मै ज्योति॑ष्मती॒मिति॑
 ब्रू॒याद्य॑स्य पु॒त्रो – [] 29

1.7.6.6

जा॒तः स्या॑त्तेज॒ ए॒वास्मिन् ब्र॑ह्मवर्च॒सं द॑धाति यो॒ वै य॒ज्ञं प्र॑युज्य न
वि॒मुञ्च॑त्य॒ प्रति॑ष्ठानो॒ वै स भ॑वति क॒स्त्वा यु॑नक्ति स त्वा वि॒ मुञ्च॑त्वित्याह
प्र॒जाप॑तिर्वै कः प्र॒जाप॑तिनै॒वैनं॑ यु॒नक्ति॑ प्र॒जाप॑तिना वि॒ मुञ्च॑ति प्रति॒ष्ठित्या॑
ई॒श्वरं॑ वै व्र॒तम॑विसृष्टं प्र॒दहो॑ऽग्ने व्र॒तप॑ते व्र॒तम॑चारिषमित्याह

व्र॒तमे॒व – [] 30

1.7.6.7

वि सृ॒जते॑ शान्त्या अ॒प्रदा॑हाय॒ परा॑ङ् वाव य॒ज्ञ ए॒ति न नि॑ वर्तते
पु॒नर्यो॑ वै य॒ज्ञस्य॑ पु॒नरा॑लंभं वि॒द्वान् य॑जते तम॒भि नि॑वर्तते य॒ज्ञो ब॑भूव
स आ ब॑भूवेत्याहैष वै य॒ज्ञस्य॑ पु॒नरा॑लंभस्तेनै॒वैनं॑ पु॒नरा॑ ल॒भते॑ ऽन॒वरु॑द्धा
वा ए॒तस्य॑ वि॒राड्य॑ आहि॒ताग्निः॑ सन्न॒सभः॑ प॒शवः॑ खलु॒ वै ()
॥ ब्रा॒ह्मण॑स्य स॒भेष्ट्वा॑ प्रा॒दुत्क्र॑म्य ब्रू॒याद्गो॑माँ अ॒ग्नेऽवि॑माँ
अ॒श्वी य॒ज्ञ इ॒त्यव॑ स॒भाँ रु॒न्धे प्र॑ सह॒स्रं प॒शूना॑प्नोत्यास्य प्र॒जायां॑
वा॒जी जा॑यते । 31

(यः-स-मा॒सिषं॑-गृ॒हप॑त-इ॒त्याहा॑-ऽमु॒ष्मै ज्यो॑ति॒ष्मती॑मि॒ति
ब्रू॒याद्-य॑स्य पु॒त्रो-व्र॑तमे॒व-ख॒लु-वै-च॑तुर्विं॒शति॑श्च) (A6)

1.7.7.1

दे॒व स॑वि॒तः प्र॑ सु॒व य॒ज्ञं प्र॑ सु॒व य॒ज्ञप॑तिं भ॒गाय॑ दि॒व्यो ग॑न्ध॒र्वः ।
के॒तपूः॑ के॒तं नः॑ पु॒नातु॑ वा॒चस्प॑ति॒ र्वाच॑म॒द्य स्व॑दाति नः ।
इन्द्र॑स्य वज्रो॑ऽसि॒ वार्त्र॑घ्नस्त्वया॒ऽयं वृ॑त्रं व॒ध्यात् ।
वा॒जस्य॑ नु प्र॒सवे॑ मा॒तरं॑ म॒हीम॑दि॒तिं ना॒म व॑च॒सा करा॑महे ।
यस्या॑मि॒दं वि॒श्वं भु॑वनमा॒वि॒वेश॑ तस्यां नो दे॒वः स॑वि॒ता ध॑र्म सा॒विष॑त् ।

अ॒फ॒स्व - [] 32

1.7.7.2

न्त॒रमृ॑तम॒प्सु भे॑ष॒जम॒पा॒मु॒त प्र॑श॒स्तिष्व॑श्वा भव॒थ वा॑जिनः ।
वा॒युर्वा॑ त्वा म॒नुर्वा॑ त्वा ग॒न्ध॒र्वाः स॒प्तविं॑शतिः । ते अ॒ग्रे अ॑श्वमा॒युञ्ज॑न्ते
अ॒स्मिञ्ज॑वमा॒दधुः॑ । अ॒पां न॑पा॒दाशु॑ हे॒मन् य ऊ॒र्मिः क॒कु॒द्भान् प्र॑तू॒र्ति
वा॒जसा॑तम॒स्तेना॑यं वा॒जं से॑त् । वि॒ष्णोः क्र॑मो॒ऽसि वि॒ष्णोः क्रान्त॑म॒सि
वि॒ष्णो वि॑क्रान्तम॒स्यङ्कौ॑ न्यङ्का () व॒भितो॑ रथं यौ ध्वा॒न्तं वा॑ताग्रम॒नु

संचरन्तौ दूरेहेति-रिन्द्रियावान् पतन्त्री ते नोऽग्नयः पप्रयः पारयन्तु । 33

(अप्सु-न्यङ्गौ-पञ्चदश च) (A7)

1.7.8.1

देवस्याह॑ सवितुः प्रसवे बृहस्पतिना वाजजिता वाजं जेषं देवस्याह॑
सवितुः प्रसवे बृहस्पतिना वाजजिता वर्षिष्ठं नाक॑ रुहेयमिन्द्राय
वाचं वदतेन्द्रं वाजं जापयतेन्द्रो वाजमजयित् ।

अश्वाजनि वाजिनि वाजेषु वाजिनीवत्यश्वान् थ्समथ्सु वाजय ।

अर्वासि सप्तिरसि वाज्यसि वाजिनो वाजं धावत मरुतां प्रसवे जयत
वियोजना मिमीध्वमध्वनः स्कभ्नीत - [] 34

1.7.8.2

काष्ठां गच्छत वाजेवाजेऽवत वाजिनो नो धनेषु विप्रा अमृता ऋतज्ञाः ।

अस्य मध्वः पिबत मादयध्वं तृप्ता यात पथिभिर्देवयानैः ।

ते नो अर्वन्तो हवनश्रुतो हवं विश्वे शृण्वन्तु वाजिनः ।

मितद्रवः सहस्रसा मेधसाता सनिष्यवः । महो ये रत्न॑ समिथेषु जभिरे
शन्नो भवन्तु वाजिनो हवेषु । देवताता मितद्रवः स्वर्काः ।

जं॒भय॒न्तोऽहिं॑ वृ॒क॒ऽर॒क्षा॒ऽसि॑ स॒नै॒म्य॒स्मद्यु॑यव – [] 35

1.7.8.3

न॒मी॒वाः । ए॒ष स्य॑ वा॒जी क्षि॒पणिं॑ तु॒र॒ण्यति॑ ग्री॒वायां॑ ब॒द्धो अ॒पि॒कक्ष॑
आ॒स॒नि । क्र॒तुं द॒धि॒क्रा अ॒नु सं॒तवी॑त्वत् प॒थाम॑ङ्का॒ऽस्य॑न्वा॒पनी॑फणत् ।
उ॒त स्मा॑स्य द्र॒वत॑स्तु॒र॒ण्यतः॑ पर्णं॑ न वे॒रनु॑ वाति प्र॒गर्द्धि॑नः ।
श्ये॒नस्ये॑व ध्र॒जतो॑ अ॒ङ्क॒सं परि॑ द॒धि॒क्राव्णः॑ स॒होर्जा॑ तरि॒त्रतः॑ ।
आ मा॑ वा॒जस्य॑ प्र॒सवो॑ जग॒म्यादा॑ द्या॒वापृ॑थि॒वी वि॒श्वशं॑भू ।
आ मा॑ ग॒न्तां पि॒तरा॑ – [] 36

1.7.8.4

मा॒तरा॒ चाऽऽ मा॒ सोमो॑ अ॒मृत॑त्वाय॒ गम्या॑त् । वा॒जिनो॑ वा॒जजि॑तो वा॒जऽ
स॒रिष्य॑न्तो वा॒जं जे॒ष्यन्तो॑ बृ॒हस्प॑ते॒ भा॒गम॑व जिघ्र॒त वा॒जिनो॑ वा॒जजि॑तो
वा॒जऽस॒सृवा॑ऽसो वा॒जं जि॒गिवा॑ऽसो बृ॒हस्प॑ते॒ भा॒गे नि॑ मृ॒द्वमि॑यं वः
सा स॒त्या सं॒धाभू॑द्यामि॒न्द्रेण॑ स॒मध॑द्ध्व॒मजी॑जिप॒त वन॑स्प॒तय॑
इ॒न्द्रं वा॒जं वि॑मु॒च्यध्वं॑ । 37

(स्क॒भीत॑-यु॒यव॑न्-पि॒तरा॑-द्वि॒चत्वा॑रि॒ऽश॒च्च) (A8)

1.7.9.1

क्ष॒त्रस्यो॒ल्ब॒मसि॑ क्ष॒त्रस्य॑ यो॒निर॒सि जा॒य ए॒हि सु॒वो रो॒हाव॑ रो॒हाव॑
हि सु॒वर॒हं ना॒वुभ॒योः सु॒वो रो॒क्ष्यामि॑ वा॒जश्च॑ प्र॒सव॑श्चा॒पिज॑श्च॒ क्रतु॑श्च
सु॒वश्च॑ मूर्धा॒ च व्य॑श्नि॒यश्चाऽऽन्त्या॑य॒नश्चान्त्य॑श्च भौ॒वनश्च॑
भु॒वन॑श्चाधि॒पति॑श्च । आ॒युर्य॒ज्ञेन॑ क॒ल्पतां॑ प्रा॒णो य॒ज्ञेन॑

कल्पताम॒पानो॑ – [] 38

1.7.9.2

य॒ज्ञेन॑ क॒ल्पतां॑ व्या॒नो य॒ज्ञेन॑ क॒ल्पतां॑ चक्षु॒र्य॒ज्ञेन॑ क॒ल्पता॑ ७
श्रो॒त्रं य॒ज्ञेन॑ क॒ल्पतां॑ म॒नो य॒ज्ञेन॑ क॒ल्पतां॑ वा॒ग्य॒ज्ञेन॑ क॒ल्पता॑-मा॒त्मा
य॒ज्ञेन॑ क॒ल्पतां॑ य॒ज्ञो य॒ज्ञेन॑ क॒ल्पता॑ ७ सु॒वर्दे॒वा ७ अ॒गन्मा॒मृता॑ अ॒भूम॑
प्र॒जाप॑तेः प्र॒जा अ॒भूम॑स॒महं॑ प्र॒जया॑ सं म॒या प्र॒जा स॒मह ७ रा॒यस्पो॑षेण
सं म॒या रा॒यस्पो॑षो ऽन्ना॒य त्वा ऽन्ना॒द्याय॑ त्वा वा॒जाय॑ () त्वा वा॒जजि॒त्यायै॑
त्वा ऽमृ॑त॒मसि॑ पु॒ष्टिर॒सि प्र॒जन॑न॒मसि॑ । 39

(अ॒पा॒नो-वा॒जाय॑-न॒व च) (A9)

1.7.10.1

वाज॑स्ये॒मं प्र॑सवः सु॒षुवे॑ अ॒ग्रे सो॒मꣳ राजा॑नमोष॒धीष्व॑प्सु ।
 ता अ॒स्मभ्यं॑ मधु॒मती॑र्भवन्तु वयꣳ रा॒ष्ट्रे जा॑ग्रियाम पु॒रोहि॑ताः ।
 वाज॑स्येदं प्र॑सव आ ब॒भूवे॑मा च विश्वा भुव॑नानि स॒र्वतः॑ ।
 स वि॒राजं॑ पर्येति प्र॒जानन् प्र॒जां पु॒ष्टिं वर्ध॑यमानो अ॒स्मे ।
 वाज॑स्ये॒मां प्र॑सवः शि॒श्रिये॑ दि॒वमि॒मा च॑ विश्वा भुव॑नानि स॒म्राट् ।
 अदि॑त्सन्तं दापयतु प्र॒जानन् र॒यिं – [] 40

1.7.10.2

च नः॑ स॒र्ववी॑रां नि यच्छतु । अ॒ग्ने अ॒च्छा वदे॑ह नः॑ प्र॒ति नः॑ सु॒मना॑
 भव । प्र॒णो यच्छ॑ भुव॒स्पते॑ धन॒दा अ॒सि न॒स्त्वं । प्र॒णो यच्छ॑त्व॒र्यमा॑
 प्र॒भगः॑ प्र॒बृह॒स्पतिः॑ । प्र दे॒वाः प्रो॒त सू॒नृता॑ प्र॒वाग्दे॒वी द॑दातु नः॑ ।
 अ॒र्यम॑ण बृह॒स्पति॑मिन्द्रं दाना॒य चो॑दय ।
 वाचं॑ वि॒ष्णुꣳ सर॑स्वतीꣳस॒वितारं॑ – [] 41

1.7.10.3

च वा॒जिनं॑ । सोम॒ꣳ राजा॑नं वरु॑णमग्नि-मन्वा॑रभामहे ।
 आदि॒त्यान् विष्णु॑ꣳ सूर्यं॑ ब्रह्मा॑णं च बृह॒स्पतिं॑ । दे॒वस्य॑त्वा सवि॒तुः
 प्रस॒वेऽश्वि॑नौ बा॒हुभ्यां॑ पू॒ष्णो ह॒स्ताभ्या॑ꣳ सर॒स्वत्यै॑ वाचो॑ यन्तु
 र्यन्त्रे॑णाग्नेस्त्वा साम्राज्ये॑नाभिषिञ्चामीन्द्र॑स्य बृह॒स्पते॑स्त्वा
 साम्राज्ये॑नाभिषिञ्चामि । 42

(रयि॑ꣳ-सवि॒तार॑ꣳ-षट्त्रि॑ꣳशच्च)(A10)

1.7.11.1

अग्नि॑रेकाक्षरेण वाचमुदजयदश्वि॑नौ द्रव्य॑क्षरेण प्राणापानावुदजयतां
 विष्णु॑स्त्र्यक्षरेण त्रीन् लो॒कानु॑-दजयथ् सोमश्चतुरक्षरेण चतुष्पदः
 पशू॑नुदजयत् पू॒षा पञ्चाक्ष॑रेण पङ्क्तिमुदजयद् धा॒ता षड॑क्षरेण
 षड्-ऋ॒तूनु॑दजयन् मरु॑तः सप्ताक्ष॑रेण सप्तपदा॑ꣳ शक्वरी॑मुदजयन्
 बृह॒स्पति॑रष्टाक्षरेण गाय॒त्री मु॑दजयन् मि॒त्रो न॒वाक्ष॑रेण त्रि॒वृत्ꣳ
 स्तोम॑मुदजयद् - [] 43

1.7.11.2

वरु॒णो द॒शाक्ष॑रेण वि॒राज॑-मु॒दज॑यदिन्द्र ए॒काद॑शाक्षरेण
 त्रि॒ष्टुभ॑-मु॒दज॑यद् वि॒श्वे दे॒वा द्वा॑दशाक्षरेण जगतीमु॒दज॑यन् वस्र॒वस्त्रयो॑
 द॒शाक्ष॑रेण त्रयो॒दश॑ ७ स्तोममु॒दज॑यन् रु॒द्राश्च॑तुर्दशाक्षरेण चतुर्द॒श ७
 स्तोममु॒दज॑यन्नादित्याः पञ्चद॒शाक्ष॑रेण पञ्चद॒श ७
 स्तोममु॒दज॑यन्नदितिः षोड॒शाक्ष॑रेण षोड॒श ७ स्तोममु॒दज॑यत् प्र॒जाप॑तिः
 सप्तद॒शाक्ष॑रेण सप्तद॒श ७ स्तोममु॒दज॑यत् । 44

(त्रि॒वृ॒त ७ स्तोममु॒दज॑यत्-षट्च॒त्वारि॑ ७ श॒च्च) (A11)

1.7.12.1

उप॒याम॑गृहीतोऽसि नृ॒षदं॑ त्वा दृ॒षदं॑ भुवनसदमिन्द्राय
 जुष्टं॑ गृ॒ह्णाम्ये॑ष ते यो॒निरिन्द्रा॑य त्वाप॒याम॑गृहीतोऽस्यप्सुषदं॑
 त्वा घृ॒तसदं॑ व्योमसदमिन्द्राय जुष्टं॑ गृ॒ह्णाम्ये॑ष ते
 यो॒निरिन्द्रा॑य त्वोप॒याम॑गृहीतोऽसि पृथि॒विषदं॑ त्वाऽन्तरि॒क्षसदं॑
 नाक॑सदमिन्द्राय जुष्टं॑ गृ॒ह्णाम्ये॑ष ते यो॒निरिन्द्रा॑य त्वा ।
 ये॒ ग्रहाः॑ पञ्चजनीना ये॒षां तिस्रः॑ परमजाः । दै॒व्यः को॒शः – [] 45

1.7.12.2

समु॒ब्जितः॑ । तेषां॑ वि॒शि॒प्रि॒याणा॑-मि॒षमूर्ज॑ꣳ सम॒ग्रभी॑मेष ते यो॒निरिन्द्रा॑य
त्वा । अ॒पाꣳ रस॑मु॒द्वयसꣳ सूर्य॑र॒श्मिꣳ समा॑भृतं । अ॒पाꣳ रस॑स्य यो
रस॑स्तं वो॑ गृ॒ह्णाम्यु॑त्तममेष ते यो॒निरिन्द्रा॑य त्वा । अ॒या वि॒ष्टा ज॒नयन्
क॒र्व॒राणि॑ स हि घृ॒णिरु॑रु॒र्वरा॑य गा॒तुः । स प्र॑त्यु॒दै॒द्धरु॑णो म॒ध्वो अ॒ग्रꣳ
स्वायां॑ यत् त॒नुवां॑ () त॒नूमै॑रयत ।उ॒प॒या॒म॒गृही॑तोऽसि प्र॒जाप॑तये त्वा जु॒ष्टं
गृ॒ह्णाम्ये॑ष ते यो॒निः प्र॒जाप॑तये त्वा । 46

(को॒श-स्त॒नुवां-त्रयो॑दश च)(A12)

1.7.13.1

अ॒न्व॒ह मा॒सा अ॒न्वि॒द्वनान्य॑न्वोष॒धीर॑नु पर्व॒तासः॑ ।
अ॒न्विन्द्रꣳ रो॒दसी॑ वाव॒शाने॑ अ॒न्वापो॑ आ॒जि॒हत॑ जा॒यमा॑नं ।
अ॒नु ते॑ दा॒यि म॒ह इन्द्रि॑याय स॒त्रा ते॑ वि॒श्वम॑नु वृ॒त्र ह॑त्ये ॥
अ॒नु क्ष॒त्रम॑नु स॒हो य॒जत्रे॑न्द्र दे॒वेभि॑रनु ते नृ॒षह्ये॑ ॥
इन्द्रा॑णीमा॒सु ना॒रिषु॑ सु॒पत्नी॑ म॒हम॑श्र॒वं ।
न ह्य॑स्या अ॒परं॑ च॒न ज॒रसा॑ - [] 47

1.7.13.2

मर॑ते॒ पतिः॑ । ना॒हमिन्द्रा॑णि रा॒रण॒ सख्यु॑र्वृ॒षाक॑पेर् ऋ॒ते ।
यस्ये॑दमप्य॑ ह॒विः प्रि॒यं दे॒वेषु॑ गच्छ॑ति । यो जा॒त ए॒व प्र॑थ॒मो म॑नस्वान्
दे॒वो दे॒वान् क्र॑तुना॒ पर्य॑भूषत् । यस्य॑ शु॒ष्माद्रो॑दसी॒ अभ्य॑सेतां नृ॒म्णस्य॑
म॒ह्ना स॑ जना॒स इन्द्रः॑ । आ ते॒ मह॑ इन्द्रो॒त्युग्र॑ सम॒न्यवो॑ यथ् स॒मर॑न्त
से॒नाः । प॑ताति दि॒द्युन्न॑र्यस्य बा॒हुवो॑र्मा ते – [] 48

1.7.13.3

मनो॑ वि॒ष्वद्रि॒यग्वि॑ चा॒रीत् । मा नो॑ म॒र्धीरा॑ भ॒रा द॒द्धि तन्नः॑ प्र दा॒शुषे॑ दा॒तवे॑
भू॒रि यत् ते॑ । नव्ये॑ दे॒ष्णो श॑स्ते अ॒स्मिन् त॑ उ॒क्थे प्र॑ ब्र॒वाम॑ व॒यमिन्द्र॑
स्तु॒वन्तः । आ तू॑ भ॒र मा॒किरे॒तत् परि॑ष्ठाद्वि॒द्या हि॒ त्वा व॑सु॒पतिं॑ व॒सूनां॑ ।
इन्द्र॑ यत् ते॒ माहि॑नं द॒त्त्रम॒स्त्यस्म॒भ्यं तद्ध॑र्यश्च – [] 49

1.7.13.4

प्र॒यन्धि॑ । प्र॒दा॒तार॑ ह॒वाम॑ह इन्द्र॒मा ह॑विषा॒ वयं॑ ।
उ॒भा हि॑ ह॒स्ता व॑सु॒ना पृ॑णस्वा ऽऽप्र॑यच्छ दक्षि॒णादो॑त स॒व्यात् ।
प्र॒दा॒ता व॒ज्री वृ॑षभ॒स्तुरा॑षाट्छु॒ष्मी रा॒जा वृ॒त्रहा॑ सो॒मपा॑ वा ।

अ॒स्मिन् य॒ज्ञे ब॒र्हिष्या॑ नि॒षद्या॑था॒ भव॑ यज॒मानाय॑ शं योः ।

इन्द्रः॑ सु॒त्रामा॑ स्ववा॒ अ॒वोभिः॑ सुमृ॒डीको॑ भवतु वि॒श्ववे॑दाः ।

बा॒धतां॑ द्वेषो॒ अभयं॑ कृ॒णोतु॑ सु॒वीर्य॑स्य – [] 50

1.7.13.5

पतयः॑ स्याम । तस्य॑ वय॒ सु॒मतौ॑ य॒ज्ञिय॒स्यापि॑ भ॒द्रे सौम॑नसे॒ स्याम॑ ।

स सु॒त्रामा॑ स्ववा॒ इन्द्रो॑ अ॒स्मे आ॒राच्चि॒द्वेषः॑ स॒नुत॑र्युयोतु ।

रे॒वती॑र्नः स॒धमा॑द इन्द्रे॑ स॒न्तु तु॒विवा॑जाः । क्षु॒मन्तो॑ याभि॒र्मदे॑म ।

प्रो॒ष्वस्मै॑ पु॒रोर॒थमिन्द्रा॑य शू॒षम॑र्चत । अ॒भीके॑ चिदु॒ लोक॑कृ॒त् सङ्गे॑

स॒मथ्सु॑ वृ॒त्रहा॑ । अ॒स्माकं॑ बो॒धि चो॒दिता॑ न॒भन्ता॑-म॒न्यके॑षां ।

ज्या॒का अ॒धि () ध॒न्वसु॑ । 51

(ज॒रसा॒-मा ते॒-ह॒र्यश्च॒-सु॒वीर्य॑स्या-ऽ॒ध्ये-कं॑ च) (A13)

Prasna Korvai with starting Padams of 1 to 13 Anuvaakams :-

(पा॒कय॒ज्ञ-स॒श्रवाः॑-प॒रोक्षं॑-ब॒र्हिषो॑ऽहं-ध्रु॒वा-म॒गन्मे॒त्याह॑ -

दे॒व स॒वित॑-दे॒वस्या॒हं-क्ष॒त्रस्यो॒ल्बं-वा॒जस्ये॒म-म॒ग्निरे॒काक्ष॑रेणो-

प॒याम॑गृ॒हीतोऽ॒स्यन्व॑ह मा॒सा-स्त्रयो॑द॒श)

Korvai with starting Padams of 1, 11, 21 Series of Panchaatis :-

(पा॒कय॑ज्ञं-प॒रोक्षं॑-ध्रु॒वां-वि॑ सृ॒जते॑-च नः॒ सर्व॑वी॒रां -
प॒तयः॑ स्यो-मै॒कप॑ञ्चा॒शत्)

First and Last Padam of Seventh Prasnam :-

(पा॒कय॑ज्ञं-ध॒न्वसु॑ ।)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

सप्तमः प्रश्नः समाप्तः ॥

ओं नमः परमात्मने, श्री महागणपतये नमः,

श्री गुरुभ्यो नमः ॥ हरिः ओं

1.8 प्रथमकाण्डे अष्टमः प्रश्नः राजसूयः

1.8.1.1

अनु॒म॒त्यै पु॒रो॒डा॒श-म॒ष्टाक॑पालं॒ निर्व॑पति॒ धे॒नु॒ रक्षि॑णाये प्रत्यञ्चः
शं॒या॒या अ॒व॒शी॒यन्ते॒ तं नैर्ऋ॑तमेक-कपालं कृ॒ष्णं वा॑सः कृ॒ष्णातू॑षं
दक्षि॑णा वी॒हि स्वा॒हाऽऽहु॑तिं जुषा॒ण ए॒ष ते निर्ऋ॑ते भा॒गो भू॑ते
ह॒विष्म॑त्यसि मुञ्चे॒मम॑ ह॒सः स्वा॒हा नमो॑ य इ॒दं च॒काराऽऽदि॑त्यं च॒रुं
निर्व॑पति॒ वरो॑ दक्षि॑णा ऽऽ॒ग्नावै॑ष्णव-मे॒काद॑शकपालं
वा॒मनो॑ वही दक्षि॑णा ऽग्नी॒षोमी॑य - [] 1

1.8.1.2

मे॒काद॑श कपालं॒ हिर॑ण्यं दक्षि॑णै-न्द्रमे॒काद॑शकपाल-मृष॒भो वही॑
दक्षि॑णा ऽऽ॒ग्नेय॑म॒ष्टाक॑पालमैन्द्रं दध्यृष॒भो वही॑ दक्षि॑णैन्द्रा॒ग्नं
द्वा॒दश॑कपालं वा॒िश्वदे॑वं च॒रुं प्र॑थम॒जो व॑त्सो दक्षि॑णा सौ॒म्य इ॒यामा॑कं

च॒रुं वा॑सो दक्षि॑णा सर॑स्वत्यै च॒रुः सर॑स्वते च॒रुं मि॑थुनौ
गा॒वौ दक्षि॑णा । 2

(अ॒ग्नी॒षोमी॒यं-च॑तुस्त्रि॒ंशच्च॑) (A1)

1.8.2.1

आ॒ग्ने॒यम॑ष्टाक॒पालं॑ निर्व॑पति सौ॒म्यं च॒रुः सा॑वित्रं-द्वा॑दशक॒पालः
सा॒रस्व॑तं च॒रुं पौ॑ष्णं च॒रुं मा॒रुतः॑ स॒प्तक॑पालं वै॒श्वदे॑वीमा॒मिक्षां॑
द्या॒वापृ॑थि॒व्य-मे॑कक॒पालं । 3

(आ॒ग्ने॒यः सौ॒म्यं मा॒रुत-म॑ष्टाद॒श) (A2)

1.8.3.1

ऐ॒न्द्रा॒ग्न-मे॑कादशक॒पालं॑ मा॒रुती॑मा॒मिक्षां॑ वा॒रुणी॑मा॒मिक्षां॑
का॒यमे॑कक॒पालं॑ प्र॒घास्या॑न् ह॒वाम॑हे म॒रुतो॑ य॒ज्ञवा॑हसः क॒रंभे॑ण
स॒जोष॑सः । मो॒ षू॒ण इ॒न्द्र पृ॒थ्सु॑ दे॒वास्तु॑ स्म ते शु॒ष्मिन्न॑व॒या ।
म॒ही ह्य॑स्य मी॒ढुषो॑ य॒व्या । ह॒विष्म॑तो म॒रुतो॑ व॒न्दते॑ गीः ।
यद्ग्रा॑मे यद॒रण्ये॑ यथ् स॒भायां॑ य॒दिन्द्रि॑ये ।
यच्छू॑द्रे यद॒र्य ए॒नश्च॑कृ॒माव॑यं ।

यदे () कस्याधि धर्मणि तस्या वयजनमसि स्वाहा ॥

अक्रन् कर्म कर्मकृतः सह वाचा मयोभुवा ।

देवेभ्यः कर्म कृत्वाऽस्तं प्रेत सुदानवः । 4

(वयं-यद्-विश्रुतिश्च) (A3)

1.8.4.1

अग्नयेऽनीकवते पुरोडाश-मष्टाकपालं निर्वपति साकं सूर्येणोद्यता
मरुद्भ्यः सान्तपनेभ्यो मध्यं दिने चरुं मरुद्भ्यो गृहमेधिभ्यः सर्वासां
दुग्धे सायं चरुं पूर्णां दर्वि परापत सुपूर्णा पुनरा पत । वस्नेव विक्रीणावहा
इषमूर्जं शतक्रतो देहि मे ददामि ते नि मे धेहि नि ते दधे ।

निहारमिन्नि मे हरा नि हारं- [] 5

1.8.4.2

नि हरामि ते । मरुद्भ्यः क्रीडिभ्यः पुरोडाशं सप्तकपालं
निर्वपति साकं सूर्येणोद्यता-ग्नेयमष्टाकपालं निर्वपति सौम्यं चरुं
सावित्रं द्वादशकपालं सारस्वतं चरुं पौष्णं
चरुमैन्द्राग्न-मैकादशकपाल-मैन्द्रं चरुं वैश्वकर्मण-मेककपालं । 6

(हरा निहारं-त्रिशच्च) (A4)

1.8.5.1

सो॒माय॑ पि॒तृम॑ते पु॒रोडा॑श षट्क॑पालं निर्व॑पति पि॒तृभ्यो॑ बर्हि॒षद्भ्यो॑
धा॒नाः पि॒तृभ्यो॑ऽग्नि॒ष्वात्ते॑भ्योऽभिवा॒न्यायै॑ दुग्धे॑ मन्थ॑मेतत् ते तत॑ ये च
त्वा॒मन्वे॑तत् ते पि॒ताम॑ह प्र॒पिता॑मह ये च त्वा॒मन्व॑त्र पि॒तरो॑ यथाभा॒गं
म॒न्दध्व॑ऽसुसं॒दृशं॑ त्वा वयं॑ म॒घव॑न् म॒न्दिषी॑महि । प्र॒नूनं॑ पूर्ण॑वन्धुरः
स्तु॒तो या॑सि व॒शाऽनु॑ । यो॒जान्वि॑न्द्र ते हरी॑ । 7

1.8.5.2

अक्ष॑न्नमी॒मद॑न्त ह्यव॑ प्रि॒या अधू॑षत । अस्तो॑षत स्वभा॒नवो॑ वि॒प्रा न॑विष्टया
मती॑ । यो॒जा न्वि॑न्द्र ते हरी॑ । अक्ष॑न् पि॒तरोऽमी॑मदन्त पि॒तरोऽती॑तृपन्त
पि॒तरोऽमी॑मृजन्त पि॒तरः॑ । परे॑त पि॒तरः॑ सो॒म्या ग॑म्भीरैः प॒थिभिः॑ पू॒र्व्यैः ।
अथा॑ पि॒तृन्थ् सु॑वि॒दत्रा॑ऽअपी॑त यमे॒न ये स॑ध॒मादं॑ म॒दन्ति॑ ।
मनो॑ न्वा हु॒वाम॑हे ना॒राश॑ऽसे॒न स्तो॑मे॒न पि॒तृणां॑ च
म॒न्मभिः॑ । आ – [] 8

1.8.5.3

न ए॒तु॒ म॒नः॒ पु॒नः॒ क्र॒त्वे॒ दक्षाय॑ जी॒वसे॑ ॥ ज्योक्च॑ सूर्यं॑ दृ॒शे ।
 पु॒नर्नः॑ पि॒तरो॒ मनो॑ ददा॒तु दै॒व्यो॒ जनः॑ । जी॒वं व्रा॑त॒ऽस॒चेम॑हि ।
 यद॒न्तरि॑क्षं पृ॒थि॒वीमु॒त द्यां॑ य॒न्मा॒तरं॑ पि॒तरं॑ वा जि॒हिऽसि॑म ।
 अ॒ग्नि॒र्मा तस्मा॑दे॒नसो॒ गार्ह॑पत्यः प्रमुञ्चतु दुरि॒ता या॒नि च॒कृम॑
 क॒रोतु॑ मा॒मने॑नसं ॥ 9

(ह॒री-म॒न्म॒भिरा-च॒तुश्च॒त्वारि॒ऽश॒च्य) (A5)

1.8.6.1

प्र॒ति॒पू॒रुष॑मे॒कक॑पा॒लान्नि॑र्व॒पत्ये॒क-म॑तिरि॒क्तं या॑व॒न्तो गृ॒ह्याः॑
 स्म॒स्तेभ्यः॑ क॒म॒करं॑ प॒शूना॑ऽश॒र्मासि॑ श॒र्म य॑ज॒मान॑स्य श॒र्म मे॑ य॒च्छैक॑
 ए॒व रु॒द्रो न॑ द्वि॒तीया॑य त॒स्थ आ॒खु॒स्ते रु॒द्र प॒शुस्तं॑ जुष॒स्वैष॑ ते रु॒द्र
 भा॒गः स॒ह स्व॒स्रां-बि॑क॒या तं॑जुष॒स्व भे॑ष॒जं ग॒वेऽश्वा॑य
 पु॒रुषाय॑ भे॒ष॒जम॑थो अ॒स्मभ्यं॑ भे॒ष॒जऽसु॑भे॒ष॒जं - [] 10

1.8.6.2

यथाऽसति । सु॒गं मे॒षाय॑ मे॒ष्या॑ अवा॑ंब रु॒द्रम॑दि-म॒ह्यव॑ दे॒वं त्र्य॑ंबकं ।
यथा॑ नः श्रे॒यसः॑ कर॒द्यथा॑ नो वस्य॑सः कर॒द्यथा॑ नः पशु॑मतः कर॒द्यथा॑
नो व्यव॑साययात् । त्र्य॑ंबकं य॒जाम॑हे सु॒गन्धिं॑ पु॒ष्टि॒वर्ध॑नं । उ॒र्वारु॑कमि॒व
बन्ध॑नान् मृ॒त्यो मु॑क्षी॒य माऽमृ॑तात् । ए॒ष ते रु॒द्र भा॒गस्तं॑ जुष॒स्व ते॒नाव॑सेन
प॒रो मू॒जव॑तोऽती॒ह्य () व॑तत ध॒न्वा पि॒नाक॑हस्तः कृ॒त्तिवा॑साः । 11

[सु॒भैष॑ज-मि॒हि त्री॑णि च] (A6)

1.8.7.1

ऐ॒न्द्रा॒ग्नं द्वा॑दशक॒पालं॑ वै॒श्वदे॑वं च॒रुमि॑न्द्राय शु॒नासी॑राय पु॒रोडा॑शं
द्वा॑दशक॒पालं॑ वा॒यव्यं॑ प॒यः सौ॒र्यमे॑कक॒पालं॑ द्वा॒दश॑गव॒ः सी॒रं दक्षि॑णा
ऽऽ॒ग्नेय॑म॒ष्टाक॑पालं॑ निर्व॒पति॑ रौ॒द्रं गा॒वीधु॑कं च॒रुमै॑न्द्रं दधि॒ वारु॑णं य॒वम॑यं
च॒रुं व॑हिनी॒ धेनु॑र्दक्षि॒णा ये दे॒वाः पु॒रः स॒दोऽग्नि॑ने॒त्रा दक्षि॑णस॒दो
य॒मने॑त्राः प॒श्चात्स॑दः स॒वितृ॑ ने॒त्रा उत्त॑रस॒दो व॒रुण॑ ने॒त्रा उप॑रिष॒दो
बृ॒हस्प॑ति ने॒त्रा रक्षो॑ह॒णस्ते॑ नः पा॒न्तु ते नोऽव॑न्तु ते॒भ्यो – [] 12

1.8.7.2

नमस्तेभ्यः स्वाहा समूढं रक्षः संदग्धं रक्ष इदमहं रक्षोऽभि
संदहाम्यग्नये रक्षोघ्ने स्वाहा यमाय सवित्रे वरुणाय बृहस्पतये दुवस्वते
रक्षोघ्ने स्वाहा प्रष्टिवाही रथो दक्षिणा देवस्य त्वा सवितुः
प्रसवेऽश्विनोर्बाहुभ्यां पूष्णो हस्ताभ्यां रक्षसो वधं जुहोमि हतं
रक्षोऽवधिष्म रक्षो यद्वस्ते तदक्षिणा । 13

(तेभ्यः-पञ्चचत्वारिंशच्च) (A7)

1.8.8.1

धात्रे पुरोडाशं द्वादशकपालं निर्वपत्यनुमत्यै चरुं राकायै चरुं
सिनीवात्यै चरुं कुह्वै चरुं मिथुनौ गावौ दक्षिणा
ऽऽग्नावैष्णवमेकादशकपालं निर्वपत्यैन्द्रा-वैष्णवमेकादशकपालं
वैष्णवं त्रिकपालं वामनो वही दक्षिणा अग्नीषोमीय-मेकादशकपालं
निर्वपतीन्द्रासोमीय-मेकादशकपालं सौम्यं चरुं बभ्रुर्दक्षिणा
सोमापौष्णं चरुं निर्वपत्यैन्द्रापौष्णं चरुं पौष्णं चरुं श्यामो दक्षिणा
वैश्वानरं द्वादशकपालं नि () र्वपति हिरण्यं दक्षिणा वारुणं यवमयं

चरुमश्चोदक्षिणा । 14

(वैश्वानरं द्वादशकपालं नि-रष्टौ च) (A8)

1.8.9.1

बार्हस्पत्यं चरुं निर्वपति ब्रह्मणो गृहे शितिपृष्ठो
दक्षिणैन्द्र-मेकादशकपालं राजन्यस्य गृहे ऋषभो दक्षिणाऽऽदित्यं चरुं
महिष्यै गृहे धेनुर्दक्षिणानैर्ऋतं चरुं परिवृक्त्यै गृहे कृष्णानां ब्रीहीणां
नखनिर्भिन्नं कृष्णा कूटा दक्षिणाऽऽग्नेयमष्टकपालं सैनान्यो गृहे
हिरण्यं दक्षिणा वारुणं दशकपालं सूतस्य गृहे महानिरष्टौ दक्षिणा
मारुतं सप्तकपालं ग्रामण्यो गृहे पृश्निर्दक्षिणा
सावित्रं द्वादशकपालं - [] 15

1.8.9.2

क्षत्तुर्गृह उपध्वस्तो दक्षिणाऽऽश्विनं द्विकपालं संग्रहीतुर्गृहे सवात्यौ
दक्षिणा पौष्णं चरुं भागदुघस्य गृहे श्यामो दक्षिणा रौद्रं गावीधुकं
चरुमक्षावापस्य गृहे शबल उद्धारो दक्षिणेन्द्राय सुत्राम्णे

पुरो॒डाश॒-मे॒काद॒शक॒पालं॑ प्रति॒ निर्व॑पतीन्द्रा॒याऽहो॒मुचे॒ ऽयं॑ नो॒ राजा॑
वृ॒त्रहा॑ राजा॒ भू॒त्वा वृ॒त्रं व॑ध्यान् मै॒त्राबा॒र्हस्प॒त्यं भ॑वति श्वे॒तायै॑
श्वे॒तव॑त्सायै॒ दुग्धे॑ स्व॒यं मूर्ते॑ स्व॒यंमथि॑त आज्य॒ आश्व॑त्थे – [] 16

1.8.9.3

पा॒त्रे चतुः॑ स्र॒क्तौ स्व॑यमवप॒न्नायै॑ शा॒खायै॑ क॒र्णाऽश्वा॑क॒र्णाऽश्च॑ तण्डु॒लान्
वि॒चिनु॑याद्ये क॒र्णाः स प॑यसि बा॒र्हस्प॒त्यो येऽक॑र्णाः स आज्ये॑
मै॒त्रः स्व॑यं कृ॒ता वे॒दिर्भ॑वति स्व॒यंदि॒नं ब॒र्हिः स्व॑यं कृ॒त इ॒ध्मः
सै॒व श्वे॒ता श्वे॒तव॑त्सा दक्षि॒णा । 17

(सा॒वि॒त्रं द्वा॒दश॒कपाल॑-माश्व॒त्थे त्र॑यस्त्रि॒ऽश॒च्च) (A9)

1.8.10.1

अ॒ग्नये॑ गृ॒हप॑तये पुरो॒डाश॑म॒ष्टाक॒पालं॑ निर्व॑पति कृ॒ष्णा॒नां व्री॑ही॒णाऽ
सो॒माय॑ वन॒स्पत॑ये श्या॒माकं॑ च॒रुऽस॑वि॒त्रे स॒त्यप्र॑सवाय पुरो॒डाशं॑
द्वा॒दश॒कपाल॑माशू॒नां व्री॑ही॒णाऽरु॒द्राय॑ पशु॒पत॑ये गा॒वीधु॑कं च॒रुं
बृ॒हस्प॑तये वा॒चस्प॑तये नै॒वारं॑ च॒रुमि॑न्द्राय ज्ये॒ष्ठाय॑
पुरो॒डाश॒-मे॒काद॒शक॒पालं॑ म॒हाव्री॑ही॒णां मि॒त्राय॑ स॒त्याया॑ ऽऽम्बा॒नां च॒रुं

वरुणाय॑ धर्म॑पतये॒ यवमयं॑ चरुं॒ सविता॑ त्वा॒ प्रसवानां॑ सुवतामग्नि॒
गृह॑पतीनां॒ सोमो॒ वनस्पतीनां॑ रुद्रः॒ पशूनां॑ – [] 18

1.8.10.2

बृहस्पति॑ वा॒चामिन्द्रो॑ ज्येष्ठानां॑ मित्रः॒ सत्यानां॑ वरुणो॒
धर्म॑पतीनां॒ ये दे॒वा दे॒वसुवः॑ स्थ त इ॒ममामुष्याय॑णमनमित्राय॑
सुवध्वं॑ महते॒ क्षत्राय॑ मह॒त आधि॑पत्याय॒ महते॑ जान॒राज्यायैष॑ वो
भर॒ता राजा॑ सोमोऽस्माकं॑ ब्राह्म॒णानां॑ राजा
प्रति॑त्यन्नाम॒ राज्यम॑धायि॒ स्वां तनु॑वं वरुणो॒ अशि॑श्रेच्छु॒चेर्मित्र॑स्य
व्र॒त्या अ॒भूमाम॑न्महि॒ मह॒त ऋ॒तस्य॑ नाम॒ सर्वे॑ व्रा॒ता ()
वरु॑णस्याभूवन्वि॒ मित्र॑ ए॒वैररा॑तिम॒तारी॒दसू॑षुदन्त॒ यज्ञि॑या ऋ॒तेन॑
व्यु॒ त्रितो॑ जरि॒माणं॑ न आ॒नङ् वि॒ष्णोः॒ क्रमो॑ऽसि॒ विष्णोः॑
क्रान्त॑मसि॒ विष्णोर्वि॑क्रान्त॒मसि॑ । 19

(पशूनां-व्राताः-पञ्चविंशतिश्च) (A10)

1.8.11.1

अ॒र्थे॒तः॑ स्था॒ऽपां॑ पति॒रसि॑ वृषा॒स्यूर्मि॑ वृष॒सेनो॑ऽसि व्रज॒क्षितः॑ स्थ
मरु॒तामो॑जः स्थ सूर्य॑वर्चसः स्थ सूर्य॑त्वचसः स्थ मा॒न्दाः॑ स्थ
वा॒शाः स्थ श॒क्वरीः॑ स्थ विश्व॑भृतः स्थ जन॑भृतः स्था
ऽग्ने॑स्तेजस्याः स्था ऽपामोष॑धीनां रसः स्थाऽपो
दे॒वीर्मधु॑मतीरगृह्ण॒न्नूर्ज॑स्वती राज॒सूयाय॑ चि॒तानाः॑ ।
याभि॑ मि॒त्रावरु॑णाव-भ्य॒षिञ्चन्॑ याभिरि॒द्रम॑नयन्नत्य () रा॒तीः ।
राष्ट्र॑दाः स्थ राष्ट्रं॑ दत्त स्वाहा राष्ट्र॑दाः स्थ राष्ट्र॑ममुष्मै दत्त । 20

(अत्ये-कादश च) (A11)

1.8.12.1

दे॒वीरा॑पः सं मधु॑मतीर्मधु॑मतीभिः सृज्य॒ध्वं म॒हि वर्चः॑ क्षत्रि॒याय॑ वन्वा॒ना
अना॑धृष्टाः सीद॒तोर्ज॑स्वतीर्म॒हि वर्चः॑ क्षत्रि॒याय॑ दध॒तीर॑निभृष्टमसि वा॒चो
बन्धु॑स्तपो॒जाः सोम॑स्य दा॒त्रम॑सिशु॒क्रा वः शु॒क्रेणो॑त् पुनामि
चन्द्रा॑श्चन्द्रे॒णामृ॑ता अ॒मृते॑न स्वाहा राज॒सूयाय॑ चि॒तानाः॑ । स॒धमा॑दौ
द्यु॒म्निनी॒रूर्ज॑ ए॒ता अ॒निभृ॑ष्टा अ॒पस्यु॑वो वसा॒नः ।

प॒स्त्या॑सु च॒क्रे वरु॑णः स॒धस्थ॑मपा॒ं शिशु॑ – [] 21

1.8.12.2

मा॒तृ॒त-मा॒स्वन्तः । क्ष॒त्रस्यो॑ल्ब॒मसि॑ क्ष॒त्रस्य॑ यो॒नि॒रस्या॑वि॒न्नो
अ॒ग्नि॒र्गृ॒हप॑ति॒रावि॑न्न इ॒न्द्रो वृ॒द्धश्र॑वा आ॒वि॒न्नः पू॒षा वि॒श्ववे॑दा आ॒वि॒न्नौ
मि॒त्रावरु॑णा वृ॒तावृ॑धा॒वावि॑न्ने द्या॒वापृ॑थि॒वी धृ॒तव्र॑ते आ॒वि॒न्ना दे॒व्य-दि॑ति
वि॒श्वरू॑प्या॒वि॒न्नो ऽय॑मसा॒वामु॑ष्या॒यणो॑ऽस्यां वि॒श्यस्मि॑न् रा॒ष्ट्रे म॒हते॑ क्ष॒त्राय॑
म॒हत॑ आ॒धिप॑त्या॒य म॒हते॑ जा॒नरा॑ज्या॒यैष वो॑ भ॒रता॑ रा॒जा सो॒मोऽस्मा॑कं
ब्रा॒ह्मणा॑ना॒ं रा॒जेन्द्र॑स्य – [] 22

1.8.12.3

वज्रो॑ऽसि वा॒र्त्रघ्न॑स्त्वया यं वृ॒त्रं व॑ध्याच्छ॒त्रुबा॑धनाः स्थ॒पात॑ मा॒ प्रत्य॑ञ्चं
पा॒त मा॒ तिर्य॑ञ्च॒मन्व॑ञ्चं मा॒ पात॑ दि॒ग्भ्यो मा॒ पात॑ वि॒श्वाभ्यो॑ मा॒ नाष्ट्रा॑भ्यः
पा॒त हि॒रण्य॑वर्णा-वु॒षसां॑ वि॒रोके॑ऽयः स्थू॒णा-वु॒दितौ॑ सू॒र्यस्या॑ऽऽ रो॒हतं॑
वरु॑ण मि॒त्र ग॒तं तत॑श्चक्षा॒थाम॑दि॒तिं दि॒तिं च । 23

(शिशु-रिन्द्रस्यै-कचत्वारिंशच्च) (A12)

1.8.13.1

स॒मि॒ध॒मा ति॒ष्ठ गा॒य॒त्री त्वा॒ छ॒न्द॒साम॒वतु॑ त्रि॒वृ॒थ॒स्तो॒मो रथ॑न्त॒रꣳ
 सा॒मा॒ग्नि॒र्दे॒वता॑ ब्र॒ह्म द्र॒विण॑मु॒ग्रामा॑ ति॒ष्ठ त्रि॒ष्टुप् त्वा॒ छ॒न्द॒साम॒वतु॑
 पञ्च॑द॒शस्तो॒मो बृ॒ह॒थ॒सामे॑न्द्रो दे॒वता॑ क्ष॒त्रं द्र॒विणं॑ वि॒राज॑मा ति॒ष्ठ
 जग॑ती त्वा॒ छ॒न्द॒साम॒वतु॑ सप्त॑द॒शस्तो॒मो वैरू॒पꣳ सा॒म म॒रुतो॑ दे॒वता॑
 वि॒ड् द्र॒विण॑-मु॒दीची॒मा-ति॒ष्ठानु॒ष्टुप् त्वा॒ - [] 24

1.8.13.2

छ॒न्द॒साम॒वत्वे॒कवि॑ꣳशः स्तो॒मो वैरा॒जꣳ सा॒म मि॒त्राव॑रुणौ
 दे॒वता॑ ब॒लं द्र॒विण॑-मू॒र्ध्वा॒मा ति॒ष्ठ प॒ङ्क्ति॑स्त्वा छ॒न्द॒साम॒वतु॑
 त्रि॒णव॑त्रयस्त्रि॑ꣳशौ स्तो॒मो शा॒क्व॒ररै॑वते सा॒मनी॑ बृ॒ह॒स्पति॑र्दे॒वता॑ व॒र्चो
 द्र॒विण॑-मी॒दृङ् चा॒न्यादृङ् चै॒तादृङ् च॑ प्र॒तिदृङ् च॑ मि॒तश्च॑ सं॒मितश्च॑
 स॒भराः॑ । शु॒क्रज्यो॑तिश्च चि॒त्रज्यो॑तिश्च स॒त्यज्यो॑तिश्च ज्यो॑तिष्माꣳश्च
 स॒त्यश्च॑र्त॒पाश्च॑ - [] 25

1.8.13.3

ॐ हाः । अ॒ग्नये॑ स्वा॒हा सो॒माय॑ स्वा॒हा स॒वित्रे॑ स्वा॒हा सर॑स्वत्यै
 स्वा॒हा पू॒ष्णे स्वा॒हा बृ॒हस्प॑तये स्वा॒हेन्द्रा॑य स्वा॒हा घो॒षाय॑ स्वा॒हा
 श॒लोका॑य स्वा॒हा ॐशा॑य स्वा॒हा भ॒गाय॑ स्वा॒हा क्षे॒त्रस्य॑ प॒तये॑ स्वा॒हा
 पृ॒थिव्यै॑ स्वा॒हा ॐन्त॑रिक्षाय स्वा॒हा दि॒वे स्वा॒हा सू॒र्याय॑ स्वा॒हा
 च॒न्द्रम॑से स्वा॒हा नक्ष॑त्रेभ्यः स्वा॒हा ॐद्भ्यः॑ स्वा॒हौष॑धीभ्यः स्वा॒हा
 व॒नस्प॑तिभ्यः स्वा॒हा च॒राच॑रेभ्यः स्वा॒हा प॒रिप्ल॑वेभ्यः स्वा॒हा
 स॒रीसृ॑पेभ्यः स्वा॒हा ॥ 26

(अ॒नुष्टु॑प्त्व-॒र्तपा॑श्च स॒रिसृ॑पेभ्यः स्वा॒हा) (A13)

1.8.14.1

सो॒मस्य॑ त्वि॒षिर॑सि त॒वेव॑ मे त्वि॒षिर्भू॑या-द॒मृत॑मसि मृ॒त्योर्मा॑ पाहि
 दि॒द्योन्मा॑ पा॒ह्यवे॑ष्टा द॒न्दशू॑का नि॒रस्तं॑ नमु॒चेः शि॑रः ।
 सो॒मो रा॒जा व॑रु॒णो दे॒वा ध॑र्म॒सुव॑श्च ये । ते ते वाच॑
 सु॒वन्तां॑ ते ते प्रा॒णं सु॒वन्तां॑ ते ते चक्षुः॑ सु॒वन्तां॑ ते ते

श्रो॒त्रं॑ सु॒वन्तां॑ सो॒मस्य॑ त्वा द्यु॒म्नेना॒भि षिञ्चा॒म्यग्ने॑ – [] 27

1.8.14.2

स्ते॒जसा॑ सू॒र्यस्य॑ वर्च॒सेन्द्र॑स्येन्द्रि॒येण॑ मि॒त्रावरु॑णयोर्वी॒र्येण॑

मरु॒तामो॑जसा॒ क्षत्रा॑णां॒ क्षत्र॑पतिरस्यति दि॒वस्पा॑हि

समा॒व-वृ॑त्रन्न-धरा॒गुदी॑-ची॒रहिं॑ बु॒ध्निय॑मनु॒ संच॑रन्तीस्ताः

पर्व॑तस्य वृष॒भस्य॑ पृ॒ष्ठे ना॒वश्च॑रन्ति स्व॒सिच॑ इ॒यानाः॑ ।

रुद्र॑ यत्ते क्र॒यी परं॑ नाम॒ तस्मै॑ हु॒तम॑सि य॒मेष्ट॑मसि ।

प्रजा॑पते न त्वदे॒तान्य॒न्यो वि॒श्वा जा॒तानि॑ परि॒ ता () ब॑भूव ।

यत्का॑मास्ते जुहु॒मस्तन्नो॑ अस्तु व॒यं स्या॑म प॒तयो॑ रयी॒णाम् । 28

(अग्ने-स्तै-कादश च) (A14)

1.8.15.1

इन्द्र॑स्य वज्रो॒ऽसि वा॒र्त्रघ्न॑स्त्वया॒ऽयं वृ॑त्रं व॒ध्यान्

मि॒त्रावरु॑णयोस्त्वा प्र॒शास्त्रोः॑ प्र॒शिषा॑ यु॒नज्मि॑ य॒ज्ञस्य॑ यो॒गेन॑

वि॒ष्णोः क्र॒मोऽसि॑ वि॒ष्णोः क्रान्त॑मसि वि॒ष्णोर्वि॒क्रान्त॑मसि मरु॒तां

प्रस॑वे जैषमा॒प्तं मनः॑ सम॒हमिन्द्रि॒येण॑ वी॒र्येण॑ प॒शूनां॑ म॒न्युर॑सि तवे॒व मे॑

म॒न्यु॒र्भू॒यान्न॑मो॒ मा॒त्रे पृ॒थि॒व्यै मा॒हं मा॒तरं॑ पृ॒थि॒वी॒ꣳ

हि॒ꣳसि॒षं मा – [] 29

1.8.15.2

मां मा॒ता पृ॒थि॒वी हि॒ꣳसी॒-दि॒य॒द॒स्या-यु॒र॒स्यायु॑र्मे॒ धे॒ह्यूर्ग॒स्यूर्जं॑ मे॒ धे॒हि
यु॒ङ्क्षि॑सि॒ वर्चो॑ऽसि॒ वर्चो॑ म॒यि धे॒ह्यग्ने॑य॒ गृ॒ह॒प॒तये॑ स्वा॒हा सो॒माय॑ वनस्प॒तये॑
स्वा॒हेन्द्र॑स्य॒ ब॒लाय॑ स्वा॒हा म॒रुता॑मोज॒से स्वा॒हा ह॒ꣳसः शु॒चि॒षद्
व॒सु॒र॒न्त॒रि॒क्ष-स॒ध्नो॒ता वे॒दि॒ष॒द॒ति॒थि॒ दु॒रो॒ण॒सत् । नृ॒षद् व॒र॒स॒दृ॒त॒सद्
व्यो॒म॒स॒द॒ब्जा गो॒जा ऋ॒त॒जा () अ॒द्रि॒जा ऋ॒तं-बृ॒हत् । 30

(हि॒ꣳसि॒षं म-र्त॒जा-स्त्री॑णि च) (A15)

1.8.16.1

मि॒त्रो॒ऽसि॒ वरु॑णो॒ऽसि॒ सम॑हं॒ विश्वै॑र्दे॒वैः क्ष॒त्र॒स्य ना॑भि॒र॒सि क्ष॒त्र॒स्य
यो॒नि॒र॒सि स्यो॑ना॒मा सी॑द सु॒ष॒दा॒मा सी॑द मा त्वा हि॒ꣳ सी॒न्मा मा
हि॒ꣳसी॒न्नि ष॒सा॒द धृ॒त॒व्र॒तो वरु॑णः प॒स्त्या॑स्वा सा॒म्रा॒ज्याय॑ सु॒क्र॒तु
ब्र॒ह्मा(३) न्त्वꣳ रा॒जन् ब्र॒ह्मा॒ऽसि स॒वि॒ता॒ऽसि स॒त्य॒स॒वो ब्र॒ह्मा(३)न् त्वꣳ
रा॒जन् ब्र॒ह्मा॒ऽसी॒न्द्रो॒ऽसि स॒त्यौ॒जा – [] 31

1.8.16.2

ब्र॒ह्मा(३)न् त्व॑ र॒जन् ब्र॒ह्मा॑ऽसि मि॒त्रो॑ऽसि सु॒शेवो॑ ब्र॒ह्मा(३)न् त्व॑
 र॒जन् ब्र॒ह्मा॑ऽसि वरु॒णो॑ऽसि स॒त्यध॑र्मेन्द्र॒स्य वज्रो॑ऽसि वा॒र्त्रघ्न॑स्तेन
 मे र॒ध्य दि॒शो॑ऽभ्यय॑ र॒जाऽभू॑त् सु॒श्लोकाँ॑(४) सु॒मङ्ग॒लाँ॑(४)
 स॒त्यरा॒जा(३)न् । अ॒पां न॒प्त्रे स्वा॒हो र्जो॑ न॒प्त्रे स्वा॒हाऽग्नये॑
 गृ॒हप॑तये स्वाहा ॥ ३२ (स॒त्यौजा॑-श्च॒त्वारि॑ंश॒च्च) (A16)

1.8.17.1

आ॒ग्नेय॑म॒ष्टाक॑पालं निर्व॑पति हि॒र॒ण्यं दक्षि॑णा सा॒रस्व॑तं चरुं
 व॒थ्स॑तरी दक्षि॑णा सा॒वि॒त्रं द्वा॒दश॑कपाल-मु॒पध्व॑स्तो दक्षि॑णा पौ॒ष्णं
 चरु॑ ऽश्या॒मो दक्षि॑णा बा॒र्हस्प॑त्यं चरु॑ ऽशि॒तिपृ॑ष्ठो
 दक्षि॑णैन्द्र-मे॒काद॑शकपालमृष॒भो दक्षि॑णा वा॒रुणं॑ द॒शक॑पालं
 म॒हानि॑र॒ष्टो दक्षि॑णा सौ॒म्यं चरुं॑ बभ्रु॒र्दक्षि॑णा त्वा॒ष्ट्रम॑ष्टाकपालं
 शु॒ण्ठो दक्षि॑णा वै॒ष्णवं त्रि॑कपालं वा॒मनो॑ दक्षि॑णा । ३३
 (आ॒ग्नेय॑ं हि॒र॒ण्यं सा॒रस्व॑तं-द्वि॒चत्वारि॑ंशत्) (A17)

1.8.18.1

सद्यो दीक्षयन्ति सद्यः सोमं क्रीणन्ति पुण्डरिस्त्रजां प्रयच्छति
दशभिर्वत्सतरैः सोमं क्रीणाति दशपेयो भवति शतं ब्राह्मणाः
पिबन्ति सप्तदश७ स्तोत्रं भवति प्राकाशावध्वर्यवे ददाति
स्रजमुद्गात्रे रुक्मं७ होत्रेऽश्वं प्रस्तोतृप्रतिहर्तृभ्यांद्वादश पष्ठौही ब्रह्मणे
वशां मैत्रावरुणायर्षभं ब्राह्मणाच्छ७ सिने वाससी नेष्टापोतृभ्या७
स्थूरि यवाचितमच्छावाकाया नड्वाहमग्नीधे भार्गवो होता भवति
श्रायन्तीयं ब्रह्मसामं भवति वारवन्तीय () मग्निष्ठोमसामं७
सारस्वतीरपो गृह्णाति । 34

(वारवन्तीयं चत्वारि च) (A18)

1.8.19.1

आग्नेयमष्टाकपालं निर्वपति हिरण्यं दक्षिणैन्द्र-मैकादशकपालमृषभो
दक्षिणा वैश्वदेवं चरुं पिशङ्गी पष्ठौही दक्षिणामैत्रावरुणीमामिक्षां वशा
दक्षिणा बार्हस्पत्यं चरुं७ शितिपृष्ठो दक्षिणाऽऽदित्यां मल्हां गर्भिणीमा
लभते मारुतीं पृश्निं पष्ठौहीमश्विभ्यां पूष्णो पुरोडाशं द्वादशकपालं

निर्व॑पति॒ सर॑स्वते॒ सत्य॑वाचे॒ चरु॑ꣳ सवि॒त्रे सत्य॑ प्र॒सवाय॑ पु॒रोडा॑शं
द्वा॒दश॑कपालं॒ ति॒सृध॑न्वꣳ शु॒ष्कदृ॑ति॒ रक्षि॑णा । 35

(अ॒ग्नेयꣳ हि॒रण्य॑मै॒द्रमृ॑षभो॒ वैश्व॑दे॒वं पि॒शङ्गी॑

बा॒र्हस्प॑त्यꣳ-स॒प्तच॑त्वारि॒ंशत्) (A19)

1.8.20.1

आ॒ग्नेय॑म॒ष्टाक॑पालं॒ निर्व॑पति॒ सौम्यं॑ चरु॑ꣳ सा॒वित्रं॑ द्वा॒दश॑कपालं
बा॒र्हस्प॑त्यं चरुं त्वा॒ष्ट्रम॑ष्टाकपालं॒ वैश्वान॑रं द्वा॒दश॑कपालं॒ दक्षि॑णो रथ
वा॒हनवा॑हो दक्षि॑णा सा॒रस्वतं॑ चरुं निर्व॑पति॒ पौष्णं॑ चरुं॒ मैत्रं॑ चरुं
वा॒रुणं॑ चरुं॒ क्षैत्र॑पत्यं चरु॒मादि॑त्यं चरु॒मुत्त॑रो रथवा॒हनवा॑हो
दक्षि॑णा । 36

(आ॒ग्नेयꣳ सौ॒म्यं बा॒र्हस्प॑त्यं-च॒तुस्त्रि॑ंशत्) (A20)

1.8.21.1

स्वा॒द्वीं त्वा॑ स्वा॒दुना॑ ती॒व्रां ती॒व्रेणा॑मृ॒तामृ॑तेन॒ सृजामि॑ सꣳसो॒मैर्न॑
सो॒मोऽस्य॑श्चि॒भ्यां प॑च्यस्व॒ सर॑स्वत्यै॒ पच्य॑स्वेन्द्रा॒य सु॒त्राम्णो॑ पच्यस्व
पु॒नातु॑ ते परि॒स्रुतꣳ सोमꣳ सूर्य॑स्य दुहि॒ता । वा॒रेण॑ श॒श्वता॑ तना॑ ।

वा॒युः पू॒तः प॒वि॒त्रेण॑ प्र॒त्यङ् ख॒सोमो॑ अ॒ति॒द्रु॒तः । इ॒न्द्र॒स्य यु॒ज्यः स॒खा ॥
 कु॒वि॒दङ्ग॑ य॒वम॒न्तो य॒वं चि॒द्यथा॑ दा॒न्त्यनु॒पूर्वं ॑ वि॒यूय॑ ।
 इ॒हे॒हैषां॑ कृ॒णुत॑ भो॒जनानि॑ () ये ब॒र्हिषो॑ नमो॒वृक्तिं॑ न जग्मुः ।
 आ॒श्विनं॑ धू॒म्रमा॑ ल॒भते॑ सा॒रस्व॒तं मे॒षमै॒न्द्रमृ॒षभ॑-मै॒न्द्र-मे॒काद॑श॒कपालं॑
 निर्व॑पति सा॒वि॒त्रं द्वा॒दश॑क॒पालं ॑ वा॒रुणं॑ द॒श क॒पालं ॑
 सोम॑प्रती॒काः पि॒तर॑स्तृ॒ष्णुत॑ व॒डबा॑ दक्षि॒णा । 37

(भो॒जनानि॑-ष॒ड्विं॑शतिश्च) (A21)

1.8.22.1

अ॒ग्नावि॑ष्णू॒ महि॑ त॒द्वां म॒हित्वं ॑ वी॒तं घृ॒तस्य॑ गु॒ह्यानि॑ ना॒म ।
 दमे॑दमे स॒प्त र॒त्ना द॒धाना॑ प्र॒ति वां जि॒ह्वा घृ॒तमा॑ च॒रण्येत् ।
 अ॒ग्नावि॑ष्णू॒ महि॑ धा॒म प्रि॒यं वां ॑ वी॒थो घृ॒तस्य॑ गु॒ह्या जु॒षाणा॑ ।
 दमे॑दमे सु॒ष्टुती॑र्वावृ॒धाना॑ प्र॒ति वां जि॒ह्वा घृ॒तमु॑च्च॒रण्येत् ।
 प्र॒णो दे॒वी सर॑स्वती॒ वाजे॑भिर्वा॒जिनी॑वती । धी॒नाम॑वि॒त्र्यव॑तु ।
 आ नो॑ दि॒वो बृ॒हतः॑ - [] 38

1.8.22.2

पर्व॑ता॒दा सर॑स्वती यज॒ता गन्तु॑ य॒ज्ञं । ह॒वं दे॒वी जु॒जुषा॑णा घृ॒ताची॑
 श॒ग्मां नो॑ वाचमु॒शती॑ शृ॒णोतु॑ । बृ॒हस्प॑ते जुष॒स्व नो॑ ह॒व्यानि॑ विश्वदे॒व्य ।
 रा॒स्व रत्ना॑नि दाशुषे॑ । ए॒वा पि॒त्रे विश्व॑दे॒वाय॑ वृ॒ष्णे य॒ज्ञैर्वि॑धेम
 नम॑सा ह॒विर्भिः॑ । बृ॒हस्प॑ते सु॒प्रजा॑ वी॒रव॑न्तो वय॑ꣳ स्याम॑ पत॒यो
 रयी॑णां बृ॒हस्प॑ते अति॑ यद॒र्यो अ॒र्हाद्द्यु॑मद्विभाति॑ क्र॒तुम॑ज्जनेषु ।
 यद्दी॒द-य॑च्छव॒स- [] 39

1.8.22.3

त॒प्रजा॑त तद॒स्मासु॑ द्रवि॒णं धे॒हि चि॒त्रं ।
 आ नो॑ मि॒त्रावरु॑णा घृ॒तैर्गव्यू॑तिमु॒क्षतं॑ । म॒ध्वा रजा॑ꣳसि सु॒क्रतू॑ ।
 प्र॒बाह॑वा सि॒सृतं॑ जी॒वसे॑ न आ नो॑ गव्यू॒ति मु॒क्षतं॑ घृ॒तेन॑ ।
 आ नो॑ जने॑ श्रव॒यतं॑ यु॒वाना॑ श्रु॒तं मे॑ मि॒त्रावरु॑णा ह॒वेमा॑ ।
 अ॒ग्निं वः॑ पू॒र्व्यं गि॒रा दे॒वमी॑डे वसू॒नां ।
 स॒पर्य॑न्तः पु॒रुप्रि॒यं मि॒त्रं न॑ क्षे॒त्रसा॑ध॒सं । म॒क्षू दे॒वतो॑ रथः – [] 40

1.8.22.4

शू॒रो वा पृ॒थ्सु का॒सु चि॒त् । दे॒वानां॑ यँ इ॒न्मनो॑ यज॒मान इ॒यक्ष॑त्यभी॒दय॑ज्वनो
 भुवत् । न यज॒मान रि॒ष्यसि॑ न सु॒न्वान॑ न दे॒वयो॑ । अ॒सद॒न्न सु॒वीर्य॑मु॒त
 त्यदाश्च॑श्चि॒यं । नकि॑ष्टं क॒र्मणा॑ न॒शन्न॑ प्रयो॒षन्न॑ योषति ।
 उप॑ क्षर॒न्ति सि॒न्धवो॑ मयो॒भुव॑ ई॒जानं॑ च य॒क्ष्यमा॑णं च धे॒नवः॑ ।
 पृ॒णन्तं॑ च प॒पुरिं॑ च – [] 41

1.8.22.5

श्रव॑स्यवो घृ॒तस्य॑ धा॒रा उप॑यन्ति वि॒श्वतः॑ । सो॒मारु॑द्रा वि॒वृह॑तं
 वि॒षूची॑ममी॒वा या नो॑ गय॒मावि॑वेश । आ॒रे बा॑धे॒थां निर्ऋ॑तिं प॒राचैः॑ कृ॒तं
 चि॒देनः॑ प्र॒मुमु॑क्तम॒स्मत् । सो॒मारु॑द्रा यु॒वमे॑तान्यस्मे वि॒श्वा त॒नूषु॑ भे॒षजा॑नि
 ध॒त्तं । अ॒वस्य॑तं मु॒ञ्चतं॑ य॒न्नो अ॒स्ति त॒नूषु॑ ब॒द्धं कृ॒तमे॑नो अ॒स्मत् ।
 सो॒मापू॑षणा॒ जन॑ना रयी॒णां ज॑नना दि॒वो ज॑नना () पृ॒थिव्याः॑ ।
 जा॒तौ वि॒श्वस्य॑ भु॒वनस्य॑ गो॒पौ दे॒वा अ॒कृ॒ण्वन्न॑मृ॒तस्य॑ नाभिं॑ ।
 इ॒मौ दे॒वौ जा॑यमानौ जुष॒न्तेमौ॑ तमाँ॒सि गू॑हतामजु॒ष्टा ।
 आ॒भ्यामि॑न्द्रः प॒क्वमा॒मास्व॑न्तः सो॒मापू॑ष॒भ्यां ज॑नदु॒स्त्रिया॑सु । 42

(बृ॒हतः-श॒वसा॒-रथः॑-प॒पु॒रिं च॑-दि॒वो-ज॒न॒ना-पञ्च॑वि॒ंश॒तिश्च॑)
(A22)

Prasna Korvai with starting Padams of 1 to 22 Anuvaakams :-

अ॒नु॒म॒त्या-आ॒ग्ने॒य-मै॒न्द्रा॒ग्नम॒ग्नये॑-सो॒मा॒य-प्र॒ति॒पू॒रुष॑-मै॒न्द्रा॒ग्नं-धा॒त्र
बा॒र्ह॒स्प॒त्य-म॒ग्नये॑-ऽर्ध॒तो-दे॒वीः-स॒मि॒ध-सो॒म॒स्ये-न्द्र॑स्य
-मि॒त्र-आ॒ग्ने॒य-स॒द्य-आ॒ग्ने॒य-मा॒ग्ने॒य-स्वा॒द्वीं
त्वा-ऽग्ना॑वि॒ष्णू-द्वा॒वि॒ंश॒तिः ।)

Korvai with starting Padams of 1, 11, 21 Series of Panchaatis :-

(अ॒नु॒म॒त्यै-य॒थाऽस॑ति॒-दे॒वी॒रा॒पो-मि॒त्रोऽसि॑-शू॒रो वा॒-
द्वि॒च॒त्वा॒रि॒ंश॒त् ।)

First and Last Padam of Eighth Prasnam :-

(अ॒नु॒म॒त्या-उ॒स्रि॒या॒सु ।)

Kanda Korvai with starting Padams of Eight Prasnas of Kandam 1 :-

(इ॒ष-आ॒पो-दे॒व॒स्या-ऽऽ द॑दे॒-दे॒वा॒सु॒राः-सं त्वा॑-पा॒क॒य॒ज्ञ-म॒नु॒म॒त्यै ।)

॥ हरिः ओं ॥

॥ कृष्ण यजुर्वेदीय तैत्तिरीय संहितायां प्रथमकाण्डे

अष्टमः प्रश्नः समाप्तः ॥

॥ इति प्रथमं काण्डं ॥

Details of Anuvakam, Panchati and Padam for Kandam 1

	Anuvakam	Panchati	Padams
Prasna 1	14	28	1530
Prasna 2	14	34	1690
Prasna 3	14	31	1567
Prasna 4	46	54	1810
Prasna 5	11	51	2717
Prasna 6	12	51	2509
Prasna 7	13	51	2655
Prasna 8	22	42	2094
	146	342	16572